

19372
3

მნეღო

ბნელო

მეორე გამოცემა

ტფილისი

ი. რ. ჯაიძისა, გ. ბ. შილოს შერჩევითი სახ. № 1

1920

ბნელი

I

კ ა მ ბ ე ლ ი.

ოფელ მრავლეთში, ერთს მივარდნილ ადგილას, იდგა დიდი ჩალით დახურული კვიტიკირის სახლი; რომელიც იჩინებოდა სხვა სახლებიდან მით, რომ მარცხენა კედელში ჰქონდა ჩასმული მოზრდილი, ბურთივით ხშირად დახვერტული ფიცარი. ეს ფიცარი ასრულებდა ფანჯრის დანიშნულებას. სახლის დერეფანი გადაჰყურებდა პატარა ლეღეს, რომლითაც თავად მოდებოდა ფერდობითი ეზო სახლისა. ეზოში, გარდა ოთხის ძირის ქაქლისა, იდგა ხეები ლეღვისა, ბროწეული, ქლიავი და, უფრო მოციფცეულად, ფურცლები (თუთები). ეზო ყოველთვის შემოუღობავი იყო და შამბანარით მოცული. მარცხნივ სახლის გვერდზედ ყალთაღიანზედ, ფანჯრიდან შეიღრვა ადღზედ, იდგა ერთი დიდი ფურცელი, რომლის ქვეშაც ადგილი მოტიტვლებული იყო. ფურცლის ძირას იდგა დიდი ლოდი.

კვირა ღლეა, წვიმიან ღამეს მოჰყვა ბრწყინვალე მაისის დღე, რომლის წყალობითაც მზემ მალე შეეშრო ღედამიწას პირი. იქნებოდა ათი საათი დილისა. ფურცელ ქვეშ ქვაზედ იჯდა ერთი სახელობის წოდების კაცი, ხნით არა ნაკლებ ორმოცდათხუთმეტი წლისა, მაგრამ ხანს ჯერ კიდევ საკმაოდ არ მოეხარა წელში. იქნებოდა ეს იმისგანაც მოხდა, რომ ეს პატიცემული კაცი ტან-დაბადი და ტან-მსხვილი იყო. იმისი ზირისაზე დაფარული იყო ქალაქის წვერ-უღეაშით, მხოლოდ დიდი კეხიანი ცხვირს და თვალის პირებს. პატარა-პატარა-ლა დარჩომილი უბაღნოთ ლოყის თავები უბრწყინავდა წითლად. დიდრონი ქროლა თვალები, რომელთაგან გადმოჰფარებოდნენ ზემოდგან ჯაგარი და ქალარა წარბები, იდგნენ სახის გამომეტყველებას აძლევდა, რომ იგი უნდა ყოფილიყო ან ძლიერ მრისხანე კაცი, ან ბეცი. დიმიკიტონის ანაფორის კლასები აქეთ იქით ჰქონდა ჩამოშვებული. ფეხები განიგანს გაედგნენ, მან იყო წახრილი და მუხლებზედ ნიდაყვებ დაბჯენილი ხედდა. ერთმანეთზე ჰქონდა გადახლართული. ხელებსა და მუხლებზე

შეა ამოტარებული წითელი ტყემლის ჯოხი ჰქონდა მიყუდებულ მარჯვენა მხარეზე; თავზე ეხურა გაქუსული კალმუხის ქუდი. მკაცრი გახლდათ სოფლის მრავლეთვის მთავარ-დიაკვანი სპირიდო ტაბლიაშვილი.

მთავარზე ცოტა მოშორებით დაჰყუდებოდა მარცხენა ილლი იო ტყემლის ჯოხს მეტის-მეტი სიმაღლისაგან წელში მოხრილი წვერ-მოპარსული, პირხმელი, თვალებ-ჩაცვივნილი, დიდ-კბილა დიდ-ცხვირა, თხელ უსწორ-მასწორო უღვაშება, გრძელ, გარე შემო შემოკვეცილ, თმიანი ამავე სოფლის დიაკვანი ისევე ქელეხადე. სახელი „იასე“ არსებობდა მარტო მეტრიკის წიგნში. უიმი სოლ კი, თუ „დიაკვანოს“ არ დაუძახებდნენ, მიჰმართავდნენ ზოლზე მეტის სახელებით: „კანჭი ყლაპიავ“, ანუ „სახადის ანგელოზო“ — ვისაც რომელი ეხერხებოდა. უკანასკნელი სახელი იმან დამსახურა თავისი უშიშრობით სახადით ვარდაცვალებულთათვის დავითნის კითხვაში. იმას ტანთ ეპოსა შავი ლეკური შალის ჩოხა-შარვალი და თეთრიანი ჩითის ახალუხი. თავზე ეხურა მალალი შავი ბატენის ტყავის ქუდი, გვერდზედ ცა — ჩატეხილი; ფეხთ ეცვა საცეფთიანი წაღები. წლოვანობით მთავარ-დიაკვანზედ უმცროსად მოჩანდა.

მთაფანვე ახლოს იდგა სოფლის მნათენდრია — მეტი სახელი ციმფა — ზორბაშაძე. მნათეს მარცხენა ხელში საცეცხლოური ეჭირა და იმავე ილლიში შესამოსლის ბოხჩა ჰქონდა ამოჩრილი. მარჯვენა ხელში კი ეჭირა ტყემლის ჯოხი, ფერით წითელი და კრიალა მთავრისა და დიაკვნის ჯოხებზედ, და უჩიკინებდა დედამიწას. იმისი ბლერიალა; ძალზედ დაწითლებული და სიყვითლე-მორყული თვალები კაცს ჩაყლაპვას უქადოდა. სქელი, შავი, ბოლო დაწყებული უღვაშები ცხვირის ხესტოვებთან ბურნუთის წვევისაგან დაჰყვითლებოდა. ეტყობოდა, პირი კი იმ დილით მოეპარსნა: ნაწვერალ ალაგს არა ჰქონდა ჯერ მიღებული საზოგადო ფერი პირის სახისა და ისევ თეთრად გამოიყურებოდა. მოკრეტილ თავზედ ეხურა ნაბდის ქუდი. ტანზე ეცვა ისე, როგორც დიაკვანს, მხოლოდ ყველა სამოსელი ნაკლების ხარისხისა იყო, ფეხთ — ზონრით შესაკერელი ჩუსტები და პაჭიკები. წლოვანობით დიაკვნის კბილისა იქნებოდა.

სამივეს რალაც უკმაყოფილება ეხატებოდათ პირისახეზედ. შემდეგ ხანგრძლივის მღუმარებისა, მნათემ შეჭხედა მთავარს ცეხად და სთქვა ღიმილით:

— ე ღვდელი რატო არ გამოდის, რო შეუვარდე და ერთი თუ თარი... ავუყვანიო!

— მოგშივდა, ციმფავ, განა? — ჰკითხა მთავარმა.

— მე კი არა, აი ე დიაკვანი მეცოდება, რომ ცხრალ ღრის მოკეცილი, ლამის ქამარი დაეკარგოს. დავითნის კითხვაც არ შეძლება, რომ ცოტა პირი მაინც გაეცმაცუნებინა.

— შენ ხომ არ გეწანწლება სული ბოზბაშისთვისა და? — უბასუხა დიაკვანმა.

მნათეს ნერწყვი მოუვიდა პირში და სთქვა:

— ოჰ, ბოზაში, ბოზბაში, ის დალოცვილი ბოზბაში!

— მგონია, ციმფავ, ორი დღეა არაფერი გიკვამია? — ჰკითხა მთავარმა.

— ჰე, მთავარო, როგორ არა მიკვამია-რა, მაგრამ, თუ ი დალოცვილი ბოზბაშის სუნი არ დატრიალდა მუცელში, თუნდაცხრა ხელი ჰამე დღეში, სულ ერთია: მაინც მუცელს ვერ ვიძღებ!

— მაშ კარგათ გაქვს მომზადებული მუცელი? — ჰკითხა ისევ მთავარმა.

— ამანაც რო არ მოამზადოს, თითონ მომზადდება, — ჩამოართვა დიაკვანმა. — ე დალოცვილი ღვდელი შეძერა ი სახლში და აღარ გამოდის, ერთი ლოქო ძლივ მოხვდა ბაღეს და ლამის ისიც წაგვივიდეს!

— ნეტა, რომელი კანჭი გელოდება, დ აკვანო? — უთხრა მნათემ. — იცი, მთავარო, ეს რასა სჩადის? დიმიტრის ხომ ქელებებში მზარეულობისათვის კოდის ჰურს არ ართმევს: რა არი, ქელებებში კარგი კერძი მომართვასო. ისიც ჩააგდებს ვეებერთელა კანჭს, აუვსებს ჯამს და უგზავნის.

— შენა!? ი ღვდელს რო უკეთებ ჯოხებს, ეგები თავისი კერძი ხშირ ხშირად გადმომიდვასო — ის რალა არი?

— ეჰ, ღვდელი ეხლა თითონაც დაქიმიებულია, მე რალას გადმომიდვამს თავის კერძს! ორი-სამი ქელები უნდა იყოს ერთად, რო კაცს იმედი ჰქონდეს. თიჰ წყალობა, მთავარო, ამან ციცქვად დაანება თავი ყელვას, გუშინ საღამოს რო უთხარი, მაგრამ მხრები კი ისევ მალე ჩამოყარა, როცა მოაგონდა, რო დავითნის კითხვა ამისი ჯერი არ იყო.

— რალა დაახსოვდება კაცს ამდენ ხანს? აღარც კი მახსოვს!

— მართლა და ძალიან პირი შეეკრათ! — წამოიძახა მთავარმა.

— მგონი „შეგვიწყალენი“ დაგავიწყდა კიდევ, მთავარო? — უთხრა მნათემ.

— „შეგვიწყალენი“ კი არ დაგავიწყდა, მაგრამ .. უუუურე, როგორ ჩავაბუღებო!

— რა ვიცი, ის რხერი ჩ—ნი გადვა და აქ რალა ღმერთი გაუწყრა? — სთქვა დიაკვანმა.

— ისე გულზე მოვდიოდი, რომ უნდა ჩ—ნი მემეპარა ერ-

თი მკვდარი და მიმეთრივ მომეთრივნა სოფელში, რომ ეგებ აქეთაც გადმოვხედნა ღმერთს. სუ ამ „სახადის ანგელიაზის“ ბრალია, ამისი ეშინიან სიკვდილს!—მიუბრუნდა მნათე დიაკვანს, რომლისაგანაც მიიღო პასუხად:

— ჯერ არ დაიცდი, დავასუქოთ! თორე მკლევ მკვდარიც არ ვარცა.

— ეხლა კი გზა გაიხსნა; ამას იქით აღარ მოგვკაცლებდა, არა ციმფავ?—ჰკითხა მთავარმა.

— მართალს ამბობ, მთავარო, დოლი დაგვეძრა. ხორც ტუბილობა ეხლაა, მკვდარს ეხლა აქვს გემო, თორე, როცა რიგები გაჩნდება, მაშინ რალას ვაქნევ!

— ამან რალაც იცის. ვისაც მიკოტივით შესჩხავლებს, აღარ გადაურჩება. ერთი კვირის წინად მითხრა: თვლიანათ ზურია კანქს მოგვარტყამსო და აი ასრულდა კიდეც, —სთქვა დიაჰოქმა.

— ყოვანს ხონ ერთი თეთრი ბუმბული აქვს ფრთაში და როცა ამ ბუმბულში ჩაიხედავს, ლეშს დაინახავს, საცა იქნება. მე კი ილღიაში მაქვ ერთი ბეწვი, როცა იმ ბეწვში ჩავიხედავ და შიგ მკვდარს დავინახამ, უეჭველად გვეყოლება მკვდარი. რა დროსაც გვეყოლება, იმას კიდეც ყური შემატყობინებს ხოლმე. თუ ყურმა გამწოვლა, ვაი იმის ღედის ღმერთს, ვინც ავად აჩქო უთუოდ ჩაგვიფარდება კლანჭებში, —წარმოსთქვა მნათემ ლიმიღრით.

იქნება კიდეც ბევრს სხვასაც ილაპარაკებდნენ; რომ სახლიდან არ გამოსულიყო სოფელ მრავლეთვის მღვდელი მამა ქრისტესია ქამიაშვილი და თვალების ქურით არ გამოეწივნა ფურცლისაკენ. მამა ქრისტესია იყო შუა ტანისა, მსხვილი, მხარბეჭიანი, მხოლოდ დიდი მუცელი უმცირებდა სიმაღლეს: ასე რომ, პირველ შეხედვით, მანამ მთავართან მდგომარეს დაინახავდა კაცი, ტანდაბალი ეგონებოდა. მრგვალი პირის სახე მამა ქრისტესიას წითლად უღვიოდა და თეთრი თმა-წვევით ჰქონდა შემოხვეული. მხოლოდ უღვაშებში და წინ სწორეთ წამოსულ წარბებში-და ერია აქა-იქ შავი თმა. სიწითლით არც თვალები დაუვარდებოდა პირის სახეს. ცხვირი თუმცა დიდი არა ჰქონდა, მაგრამ მთელი კანკატის ნაწილი დაჯირჯვლებული ჰქონდა და ზედ ამოჰსვლოდა რამდენიმე თეთრი თმა. თავზედ ეხურა კალმუხის ქუდი, ლილის ფერის მაულის ანაფორის კალთები მოეკრიბნა უკან გაბრუნებულ მარცხენა ხელში; მარჯვენა ხელში ეჭირა მნათეს მიერ მიტმეული ტყემლის ჯოხი, რომელზედაც იყო გამოსახული რალაცა ფრინველის თავი. ტერნოს კაბის ქვეშიდან გამოუჩნდა ქუსლები უკან წასული ხარბული წაღები. წლოვანებით შესამჩნევი მეტ-ნაკლებობა არ იქნებოდა იმასა და მთავარს შუა.

მამა ქრისტესიას დანახვად ელვასავით გადაურბინა ყველას ირის სახეზედ ღიმილმა. მთავარ-ღიაკვანი წამოდგა ყვებზედ და ამოიენი შეგმზადნენ სალამის მისაცემად. ყველამ ქულები მაიხადეს და, თითქმის ერთხმად, წამოიძახეს— „შენდობა, მამაო“. მნათე არჯვენაზედაც ეამბორა, მღვდელი არც-კი შეჩერებულა ფურცელ ქვეშ, გასწია სოფლისკენ და დანარჩენნიც დაედევნენ უკან. კარგაიანს ჩუმად იარეს. მერე კი ევლარ მოითმინა მნათემ, მიმართა ლღვდელს.

— ლღვდლო, ე რეერთი გვალოდინე? რა ხანია კაცი მოვიდა, სხედარი მზად არიო!

— არ გეკადრება, რო ელოდო, — მისწვდა პირში დიაჩოკი, — კაცმა ჯილდოდ სკუფია მიიღო!

მღვდელმა მხრები შეათამაშა და მედიდურად უთხრა:

— რა იყო, ციმფავ, წაგივიდა სული?

— ეჰ, შე დალოცვილო! როგო არ წამივა სული, რო კვირაცხოველობას აქეთ ჩემ უღვაშებს ცხიმი არ მოჰხვედრია, და ჯოხი კიდე აღარა ბეჭყიალებს, რო ბოზბაშიანი ხელი აღარ წამისვამ?

— შენმა მზემ, ძალიან მსუქანი მკედარი კი გეყავს!

— ისეთი ჰედილეები გაატარეს, რო ღუმებს ძლივ მიათრევდნენ!

— მუცელი თუ ამოიყორე და ჯიბე კი ცარიელი წამოიღე, ავიშენდება ოჯახი!

— მე იქნება მართლა გაძლომის მეტი არა შამჩრება რა, მაგრამ შენ რა გაშენებს?

— მე კი, მე ვიცი, „პოლიმპრიალებს“ დამითვლიან! ნეტავი მე შარშანდელი კოდის პური არ დამეკარგნა, თორემ წინგასაძლოლსა და სანადერძოს ვინღა ჩივის. იღბალი რომ ამ კანქის-ყლაპიასა აქვს: სუ ბელაური ხალხი ეხოცება!

— შენ კი დაგეკარგება, ლღვდლო, რა? — ჰკითხა დიაჩოკმა.

— დაკარგული არ არის, აბა მაშ ვინ ჩამაბარებს?

— ისეთი ლატაკი ბიჭი დარჩა, რომ ორ წელიწადს იქით მოჯამაგირობას შეიძლებს; მოიყვანე შინ და იმსახურო.

— ვრიპა! ყველა რომ მოჯამაგირედ დაევიქირო კოდის პურში და სამკედროში, რალა ექამო? შენც კარგ ჰქვარე მარიგებ!

ცოტა ხნის სიჩუმის შემდეგ დაიწყო ისევ მნათემ:

— ჩვენ ტყუილად ვუცადეთ, ღიაკვანო, მოძღვარს! აქამდინ რო წაესულიყავით და დანაყრებულიყავით, კარგი იქნებოდა.

— როგორმე სამზარეულოში უნდა წავყოთ თავი და ცოტა ფერდი ამოვილოთ, თორე იქ რა ეშმაკი ააღწევს!

— ერთი კარგი მწვადი გაცხელე, ციმფამ! — უთხრა მთავარმა.

- შენც აპირებ თუ? — ჰკითხა მღვდელმა.
 — მე რაღა ვარ? უფრო მაგრა არ ღვიძახებ „შეგვიწყალებს!“
 — მაჟარცხინათ ლმერთმა!
 ამ ლაპარაკით მოუახლოვდნენ „სასოფლოს“.

II

სასოფლოში.

უკუ სოფელში კი არა და არც ძლიერ განაპირებით, სცხოვრობდა ერთი შეძლებული გლეხი, მამულაშვილი, ხალხთ-მრავალ ოჯახის პატრონი. ოჯახი სცხოვრობდა დიდ უზარმაზარს ქვითყირის სახლში, რომელსაც უკანა კედელი ზედ სასოფლო გზის პირას ჰქონდა ამოყვანილი. მარჯვენა მხრივ სახლს ჩაუდიოდა საურთე გზა, მარცხნივ კი ზედვე ჰქონდა მობმული ქვითყირის დიდი მარანი. მარნის უკანა კედლიდან დაწყებული, გზის პირად იყო გაკიმული მაღალი ძეძვის ლოზე, რომელიც ორმოცის ადლის შემდეგ ერთიანდებოდა და ზღუდავდა მარნის გვერდზე მდებარე ხეხილიან საფუტკრეს. ლოზის პირში შიგნიდან იდგა მწკრივზე სამი კაკლის ხე; გზის მხარეს კი იყო მიწყობილი ლოზის ძირზე მუხის ხერგები. გზის მეორე ნაპირსაც ასეთივე ლოზე ჰქონდა გავლებული. ამ ორლოზეში წვიმების დროს იცოდა საშინელი ტალახი, მაგრამ, რა ტალახიც უნდა ყოფილიყო, მაინც კვირა-უქმე ღღეს აქ მოიყრიდნენ ხოლმე თავს მცხოვრებლები, სასოფლო საქმე ექნებოდათ, თუ გულის გაყოლება ენდომებოდათ. ამისთვის ეს ორლოზე იწოდებოდა „სასოფლოდ“.

სოფელში ბევრი სხვა უკეთესი ადგილები იყო, სადაც შეეძლოთ მცხოვრებელთ მოეხდინათ სასოფლო ყრილობა, მაგრამ იკრიბებოდნენ ამ ორლოზეში არა ადგილის უკეთესობით, არამედ სხვა მიზეზების გამო. ორმოცის წლის წინად (რა დროდნაც ჩვენი მოთხრობა იწყება) მამულაშვილების ოჯახში გარდაიცვალა ერთი ღრმად მოხუცებული ბერიკაცი დათია. დათიას დიდად პატივსა სცემდა მთელი სოფელი და ყველას მაგალითი იყო, როგორც კარგი ხელოსანი ურმისა, გამოცდილი გუთნისდედა და მეფუტკრე. მანამ ჯანი და ლონე ნებას აძლევდა, დათია ტყესა და მინდორში აღამებდა და ათენებდა. როცა აღარ შეეძლო ბევრი სიარულის ატანა, ხელი მიჰყო ფუტკარს და შინად ურმების კეთებას. აყივლებდა თუ არა მამალი, დათია ფეხზე იყო. საქმის ღღეს უსაქმოდ ვერავინა ნახავდა, კვირა-უქმე ღღეს კი იჯდა მთელი ღღე საფუტკრეს უკან გზაზე და ჯისაც მოახლებდა, დაუწყ-

ყებდა ლაპარაკს. იმისი სალაპარაკო იყო ან ურემი, ან გუთანო, ან ფუტკარი.

სიბერის ღროს ძველ ამბებზედაც გადადიოდა. ლაპარაკის დროს ხშირად ხმარობდა, როგორც დასამტკიცებელ საბუთს: „გარჯილობას რა მოჰქონდა და საწუთრო დაულეველიო“. ამ ნაირად დათიამ მიიზიდა სოფლის მკვიდრნი და კვირა-უქმე ღღეს ყველა ამ ორლობისკენ მიეშურებოდა, რათა გაეგონათ იმისგან ან ავი, ან კარგი. ხალხს ჩვეულებად გარდაექცა ამ ორლობეში თავის მოყრა და დათიას სიკვდილის შემდეგაც აქ იკრიბებოდა. თვითონ ოჯახიც კი ძალაუნებურად იზიდავდა ხალხს. ძნელად მოიპოვებოდა სოფელში ისეთი კაცი, რომელსაც წელიწადში, ორჯერ-სამჯერ თუ არა, ერთხელ მაინც და მაინც არ ეჭამა მამულაანთ ოჯახში პური. თუ ვინმე არ მოჰყვებოდა „მამითადში“, მკათათვის, ან „ალილობას“, ან „ბერიკობას“, ან „ყვინობას“ მაინც გაიღებდა გემოს მამულაანთ პურ-ღვინისას. მამულაანთ რძლებიც პურის ცხობის დროს ხშირად გამოუბრუნებდნენ ხოლმე თბილ-თბილს პურს გზაზედ მსხდომთ. მას შემდეგ უფრო დამტკიცდა ამ ადგილს სასოფლო, როცა ერთმა სომხის ბიჭმა, არტემა არზუმანოვმა, გააღო მამულაანთ საფუტკრის კუნჭულში პირველი დუქანი სოფელს მრავლეთში.

არტემას წინად საწვრილმანო დაჰქონდა ილლიაში ამოჩრისლის ყუთით, მერე ვირით. ბინა ყოველთვის მამულაანთ ოჯახში — მარანში ჰქონდა. რომ ცუდი ხმა არავის დაედგო, ოჯახმა დაინათლიავე არტემა. შემდეგში, როგორც ნათემ-მირონს და ამასთანავე საწყალს, მამულაშვილებმა დაუთმეს საფუტკრის კუნჭულში უქირაოდ სადუქნე ადგილი და თითონვე უფასოდ აუშენეს წნულის პატარა დუქანი. არტემა ბუნებით სულელი არ იყო, მაგრამ განგებ კი თავს ისულებებდა, ასე რომ მთელ სოფელში დედაკაცები „რეტიანს“ ეძახდნენ სახელის მაგივრად და მამაკაცები „დამთხვეულს“, ანუ „დაუპტვინეს“. კაცს თუ ქალს, დიდსა თუ პატარას, ყველას გაუარჩევლათ ეხმარებოდა და ებლოძუნებოდა. ვისაც უნდა ელანძნა ან ეცემნა, არც პირს, არც ხელს არავის უბრუნებდა, თუნდ იმაზე პატარა ყოფილიყო: ყველას ხუმრობით იგერიებდა.

ამნაირის ქცევით არტემამ შეაყვარა თავი მკვიდრთ და კვირა-უქმე ღღეს ბევრი იმის გულისათვისაც მოდიოდა სასოფლოზე, რომ არტემა ეყვირებინათ. მიზეზსაც მალე აპოვინდნენ ხოლმე. ყველამ კარგათ იცოდა არტემას ხასიათი, რომ ნისიებს წაუმატებდა ხოლმე. ვისაც უნდოდა არტემას წვალება, მივიდოდა და ეტყოდა: „აბა, ერთი დავთარი მაჩვენე, ჩემზედ რამდენია“. დავთარი

წყითხვის შემდეგ დაუწყებდა არტემას ცემა-ტყეპას და ესეც მოჰყებოდა ყვირილს. ამ ყვირილით საქმე თავდებოდა: არტემა მაინც ყველასაგან მოუკლებდა იღებდა, რაც დაეთარში ეწერა.

კრებულზედ ერთის ფეხით წინ სასოფლოზედ გამოიარეს სხვა და სხვა მგზავრებმა. ერთი ახალგაზდა ბიჭი მოუძლოდა წინ კეციანს ცხენს, რომელსაც ეკიდა ლურჯი ხამის სუფრა-გადაფარებული ხურჯინი. ცხენს უკან, მეორე ხანში შესულს კაცს მოჰყვანდა ყელზე აპეურ-შემპული თოხლი. ამათ უკან მისდევდა სამი ძველ-ქათიბა მანდილოსანი, რომელთაც წინა კაბის კალთები სარტყელში ჩაეკეცნათ და მკლავებზე გადაედოთ თეთრი დაკეცილი მანდილები. ამათ დანახვებზე ხალხში, რომელიც ბლომად შეყრილიყო სასოფლოზე, ლაპარაკის საგანი გამოიკვალა.

— აბა, ე ვინ გადაიკვალა, კაცებო? — წამოიძახა ერთმა და ამის შემდეგ გააბეს ყველამ.

— ვინა და, საწყალი თვლიანთ ზურია.

— ო... ვაჰ!

— საწყალმა აქი ველარ იკეთილა-რა, რაიც ი ბატონმა გალახა!

— აი, იმი ცოდო და იმი ცოდოშვილი! ცოდო ნუ დაუღიოს ღვდელს, როგორც იმან დაიღო იმი ცოდო!

— თავი ღღეში არ გამიგონია, რო ყურძნის ქურდი ქურდად ჩაითვალოს! ხილს რო პირი ჰქონდეს, თავითავეს თითონ შეჰჭამს, და ღამე მეზრემ რო ყურძენი არ მოიპაროს, რაღა...

— ყურძნის მოპარვა კი შეეძლო საწყალს?

— ზე მკითხოთ, როგო იყო? — წამოიძახა ერთმა ყმაწვილმა ბიჭმა: — საწყალ ზურიას გემოთაც არ უნახამ მაშინ ყურძენი. აი როგორ იყო: საღამოთი ძროხა ძეძველებზე შამოვაყოლეთ. ბინაზე რომ მივრეკეთ და დავათვალიერეთ, ნინიამა თქვა: „ნინა დეკეული მაკლია“. ი დასაქცევი არ წავიდა მოსანახათ. „სა წავავო, სანდროს შევალოცინეფო და ფიქრიც არ არიო“. დავაცადე და, ი საწყალმა ზურიამაც დამძლარი გუთნისხარი ჩვენ ბინაზე მორეკა, რადგანაც ამხანაგი შინ დაჰბოგნოდა. მერმე ბიჭებმა ვთქვით: მოდი ერთი ბატონიანთ ზეარს ვეცნეთო და გულები დაეკედითო. საწყალმა ზურიამ ბევრი გვიშალა, ნუ წახვალთ, აიქ საფთხე-ში არააში ჩასცივდეთო. მაგრამ არ დავიშალეთ, ავდექით ხუთი ბიჭი და წავედით. მე და ნინია მივიპარენით ქობთანა; დაქვლეტილი მტევნები მუქაში გვეჭირა მომზადებულნი, რო, თუ გამოსულიყვენ მგზავრები ქობიდან, თვალეში უნდა გვესროლნა, მაგრამ იმ დღეოცელები ისეთ ღრმა ძილში იყვნენ, რო ფეხიც არ გაუქნევიათ. ბიჭებს გულები გაეჰედნათ და ახლა ჩოხიკალები

გვეწვერნათ. როცა ბინაზე მოვედით, ზურის ხარი აღარა ჰყვანდა, ეშალნა და გეერგნა. მეორე დღეს ნინია წავიდა მოსანახათ და მგლისაგან გაღლილ დეკეულს კი მიაღება. მასკანითა, არ ვიცი, როგო გაეგო ღვდელს, რო ჩვენ იმ ღამეს ყურძნის მოსაპარათ ვიყავით, მაგრამ გუშანი კი სვიმონაზე მივტანეთ--იმან დაგაბეზდა ღვდელთან. ღვდელიც წასულიყო და ჩეკენჭა ბატონისათვის. დავვბარა ბტონმა ყველა მემრობეები და ი საწყილი ზურია. ჩვენ ბიჭებს სამ-საში, ოთხ-ოთხი სახრე გადაგვაწეს მხრებზე და ი საცოდავი ზურია კი წააქცევინა და სუ გველივით გააქრელეზინა როზგით: „მე დიდი ხანია შენი ჯავრი მჭირსო“. საწყალმა ბევრი იყვია: შე არა ვარ დაშაშავეო“, მაგრამ ბატონი ეძახოდა: „დაპკართო, მოლაღატე ემას ე მაგრე უნდაო!“ ვეკოფ, განაყოფის დაბეზღებული იყო, რო ისე ბოლქამ გახეთქა. სუ იმას იძახდა: დედა ვაჰბუნე და მამა ღვდლისა, რო იმან შენი თავი ხელში ჩამიგდოყო.

— აი არ დაუღიოს იმისი ცოლშვილის ცოდო, როგორც ისინი ეხლა ყელ-გამოქრილები დარჩენენ!

— ეგ სახ-კარ დაქცეული, ეგა, რაერთ ნაენებსა შერება?! — წამოიძახა ძმამ, — ჩვენ არ ვარგევართ, თორე ეგ აქამდინ აქ უნდა ბოგინობდეს! ხო გვაზღვევინა მაგ სახ-კარ დაღუპულმა, რილაპთვინ აბიზღებდა, რო ერთი კომლი კაცი სოფელსაც დაუკარგა და ბატონსაც.

ეს სიტყვები წარმოსთქვა დაბალის ხმით, რადგანაც კრებული მოვიდა სასოფლოზედ. ყველანი ფეხზედ წამოდგნენ, ქუდები მოიხადეს და მიჰმართეს მღვდელს: „შენდობა, ბატონო!“ პასუხად კრებულმა უთხრა: „გაკურთხოთ ღმერთმანაო“, და დაუმატა, „ნეტავი ე მაგრე ერთგულად ეკლესიაში იარებოდეთ!“

— შე დალოცვილო, აღდგომის აქეთია, ორჯელ არ გიწირამ და ეკლესიაში რიპთვინ ვიართო! — მიუღო ერთმა.

— არაფინ-კი იარება და ვის ეუწირო?

— არ ვიარებით და აკი ღმერთიც იმიპთვინ გვახდევინებს! — თქვა ერთმა მოხუცებულმა.

— რას ამბობ, თვედორე? დავდივართ თუ არა, მგას: რა დავა აქეს! ჯამაგირს იმიპთვინ ვაძღვეთ, რო ღმერთს ჩვენ მაგიერად შეეჩვეწოს და მოსავალი მოგვევაროს, თორე ი ჩანახ ნიტრას რო მიიტანს, საილამ უნდა აეუწყოთ კოდი პური? ე ცა და ღრუბელი რო შიკრა და ერთი ბეწო ნამი აღარ გვეღირსა, მაგისი ვალი არ არი, რო ილოცოს და წვიმა მაიყვანოს? — წამოიძახა ნინიას ძმამ,

— აი, მეხი-კი დაგეცა მაგ წვინტილიან თავზედ! ცა და ღრუბელი რამ შაკრა? — თქვენმა ცოდომ შაკრა: ღეთისა თქვენ აღარ

გეშინიანთ და მღვდლისა, ერისა და ბერისა. კვირა დღე თქვენ არ გაგაჩნიათ და უქმე!

— საღვთოები ხო დავიწყებას მიეცით და აღარას აჩემებთ! — სთქვა ციმფამ.

— საღვთოები-კი არას დავგავიწყებდა, მაგრამ... იმ კვირია ვაპირობთ, — დაამშვიდა ერთმა ციმფამ.

— გვალვა-კი არა, მე მიკვირს, რომ ღმერთი მარტო ამას გაკმარებთ და ცეცხლს არ მოუღებს ქვეყანას! ვის გაუგონია, რომ მართლმადიდებელმა ქრისტიანებ იოანე ნათლისმცემლის თავის-კვეთის დღეს გუთანი შაბას და ხნას? განა იმ ნახანავში უნდა ვასტყვერეს რამე? ცოტაც არის თქვენთვის ეს სასჯელი ღვთისა!

— ღვდელი, ე ღმერთ ქვეშ ნუ გვაგდებ, თორე... — უთხრა ისევ ნინიას მამამ.

— თორე, სკუფია-კი არ გამობრუნო უკან!

— ვისი ბრალია, ღვდელი, რომ კვირა უქმე დღესა ვტეხამთ? ი ზარი რიპთენა ჰკილია, იმიპთენ არა ჰკილია, რა კვირა-უქმე დღე შავგატყობინოთ? რატო არ გვირეკავთ, როცა უქმეა? — წამოსთქვა კიდევ სხვამ.

— ე ბიკ ბუქებს რა ყურს უგდებ, ბატონო! — უთხრა მღვდელს ერთმა ხანში შესულმა კაცმა: — ვერც არავინ სკუპიას გავიბრუნებს და ვერცა!.. შენ ერთი ეს სიკეთე გვიყავი, რომ ერთს კვირა დღეს გამობრძანდი სასოფლოზე და კვირა-უქმე დღე შევეკრათ ისე, რომ ველარავის შეეძლოს მუშაობა. და თუ ვასტეხამს ვინმე, ისე დავარბოთ, რომ სიკვდილამდინ ახსოვდეს.

— მაგაზე ადვილი რა არის: თუნდა დღესვე დავწეროთ. აი ცხედარს დავასაფლავებ, გამოვივლი. დავწეროთ ერთი მაგარი ქალაღი, შევაჩვენოთ ღვთის პირით, ვინც იმუშაოს და კიდევ დაიბრებს, — სთქვა ესა და შეუდგა ისევ თავის გზას კრებულის.

— ისე გვიყავ, შენი ქირიმე, ისე! — მიამახა რამდენმამე.

ცოტა ხნის შემდეგ ერთის პატარა წნულის სახლიდან გამოასვენეს ცხედარი შეუმოსავის კუბოთი. ცხედარს გამოჰყვა თხუთმეტიოდე მანდილში გახვეული ღვდაკაცი. ორი ღვდაკაცი ამოჯდომოდა მხრებში ქირისუფალს — გარდაცვალებულის ქერივს, რომელიც „ზარით“ მოტირალთ არ აქცევდა ყურადღებას და, რაც ხმა გაუწყდებოდა, გაჰქიოდა: „სად მიხვალ, რა მიჰდიხარ, შე უღმერთოვ!.. ვის ამწყურალე შენ საცოდავს ცოლმეილს!.. ვინ უნდა უგდოს ყური და უპატრონოს შენს პატარა ილიას!“

ქირისუფლის ხმა იცნო ერთმა პატარა ოთხი-ხუთი წლის ბავშვმა, რომელიც იქამდის იჯდა პერანგა, ფეხ-შიშველა და თავ-შიშველა თავის ტოლებთან და ხუხულას აკეთებდა. დაანება თავი

ხუხულას კეთებას და გაეჭანა იქით, საითაც ცხელარი მიჰქონდათ, ყვირილით: „ვაიმე, დედილო.. ცალ მიქვალ, ეი!..“

მზე კარგად იყო გადახრილი, როცა კრებულმა გამოიარა სასოფლოზედ, სადაც ერთი კაციც აღარ იპოებოდა. აღარცაჲ მღვდელს მოპოვნებია ქალაქის დაწერა, მნათე ოხუნჯობდა ჩვეულებისამებრ, დანარჩენნი-კი გულიანად ხარხარებდნენ.

III

ბ ა რ ო ნ ბ ი .

დიდმარხვია — სალამო ხანი. ერთს პატარა წნულის სახლში, რომლის კარებიც ღია იყო, შევიდა ჩვიდმეტ-თვრამეტის წლის ქალი. ქალს თავზედ ედო ძველი ჩიხოლა, ბექებზედ გადაფენილი. შევიდა თუ არა, კარები მოხურა.

— გოგო, რა დავმართებია, რაღა ჰხურამ კარებს? სალამო ხანია, გააღე, ანგელოზი შემოვიდეს! — მოესმა ქაოს ცეცხლა პირიდან. ქალი მიბრუნდა კარების გასაღებად და პასუხად მისცა:

— იჲ, რას! ამბობ, ბები, ვერა ჰხედავ, ცივა! ეხლა ანგელოზს კარში რაღა უნდა? მზე ჩასულია.

— იქნება დარჩა საღმე!

ქალი ფეხებს ითბობდა ცეცხლზედა, როცა ამ სიტყვებზედ უპასუხა:

— დარჩა დე ავმა ანგელოზმა რომ შემოუსწროს?

— ავი ანგელოზი როგორ გაჰბედავს, ხშირ ბინდამდინ ფეხი გარეთ გამოდგას!

დაბინდდა, კარები მიხურეს. შუა ცეცხლმა და მარჯვენა კუთხეში, თაროსთან ანთებულმა ბაზმამ*) გაანათა შიგნიდან სახლი. სინათლეზე ჩანდა ყოველისფერი, რაცაჲ შეადგენდა სახლის მორთულებას ან მოწყობილებას. ოთხივე კედელი სახლისა, წნელით დაწნული ღირებზედ, სქლად იყო გაღესილი ძროხის განავალით და სხვა-და-სხვა ნაირად დაჭრელებული. წმინდა წნელით ხელოვნურად გაწნული სხვენი ბოლისაგან ძალზე იყო გაშვებულნი. მხოლოდ ცეცხლის პირდაპირ არ იყო გაწნული სხვენი; აქ იყო ჩამოკიდებული პატარა ჯაჭვის საკიდელი. საკიდელს ზემოდ, დედა-ბოძისაკენ, კერის პირდაპირ ეკიდა „ბობო-

*) დანაყილი და დასორსლებული ნიგოზი. ამას აანთებენ იმ სახლში, რომელ ოჯახშიაც ყვავილი სდგას, რადგანაც ბაზმის სუნი იამებათ ბატონებს საყნოსველად.

ლა“*), რომელსაც სამი ფრთა კიდევა ჰქონდა დარჩობილი. დედა-ბოძის ძირში იყო დარქმული და ზედვე წნელით მიკრული შვილის ხის ჩხა, რომელშიაც იდგა თიხის სახაშე. სახაშის ზემოდან დედა-ბოძს ჰქონდა მიკრული სამგან წითელი კვერცხის ნაქუქები. დედა-ბოძს უკან კედელზე იყო მიდგმული თაბრა, რომელზედაც ელაგა თიხის ჯამ-ქურქელი, ერთი პატარა ყურიანი ქვაბი და ერთი ცუბაკი. მარცხენა კედელთან, ცეცხლის პირდაპირ, ორი პატარა ბოძი იყო დარქმული; ბოძებზე გადებული ხიდები კედელში იყო დამაგრებული. ხიდებზე იდგა პურის ვარცლი, ზემოდან ხონჩა დაფარებული. ამავე მხარეს, კუთხეში, კარებთან იდგა ფქვილის გოღორი. მარჯვენა მხარეს, კარებს უკან, იყო გაკეთებული ქვეშაგების დასალოგებელი ისევე, როგორც ვარცლის დასადგმელი; ახლა-კი არაფერი ელაგა ზედ. მარჯვენა კედელზედ გაბმული იყო უსურვაზის წნელი და ზედ კონკ-მანკები იყო გადაკიდებული. ერთგან კაჩოზედ ეკიდა პატარა კალათა. უკანა კუთხეში, იმ ადგილს მალა, სადაც ბაზმა ენთო, იყო მოფენილი ბატონებისათვის. კუთხეში დამაგრებულს პატარა ფიცარს ჰქონდა გადაფარებული სხვა-და-სხვა ნაქუქები, ზედ ეყარა ჩამიჩი და ელაგა თითო-თითო ვაშლი, ჩურჩხელი და წითელი კვერცხი. ცეცხლა პირას, მარჯვნივ, იწვა ნაბაღზედ თორმეტის წლის ბიჭი, ყვავილით ავადმყოფი, და ეძინა. თავით ედო მსხვილი ჩითის ბალიში, ბარცა-კალზედ მიდებული, და ზემოდან მსხვილი ჩითისავე საბანი ეხურა. ავადმყოფს თავით უჯდა დედა, ზურია თვალიაშვილის ქვრივი თამარი. სიკვდილთან ერთად მოისპო სახელიცა და გვარიც ზურია-სი: იმის სახლსაცა და ობოლსაც ეხლა ყველანი ეძახოდნენ ოქროულასას—თამარი იყო ოქროაშვილის ქალი.

ავადმყოფს ფეხით ეჯდა მეზობლის დედაკაცი ქეთო, კარგი დამკერელი ჩონგურისა, მოზღაპრე და საშინელი ხუმარა, თუმცა კი ცუდის შვილებსაგან გული ძრიელა ჰქონთა გატეხილი. მეორე მხარეს ნეპაზედ, კერასთან, იჯდა ოთხმოცის წლის დედაბერი „შამანდუხა“. იგი იყო ქალი შამანდუხაშვილისა და შემოკლებით შამანდუხას ეძახოდნენ ყველანი.

შამანდუხა ძრიელ ახალგაზდა დარჩა ქეროვად, მაგრამ მეორედ გათხოვება აღარ ინდომა, თავი დასდო სამს ვაჭი-შვილზედ და ისინი კაცად აქცია. ეხლა შამანდუხა სავეს იყო შვილიშვილი-

*) ოცნა დადგება ბოლმე დიდმარხვ, ერთ თავს ხაზეს გაუქმებენ ზალმე შვიდ ფრთას—ბატისა იქმნება თუ ინდურისა, რამდენი კვირაც გავა, იმდენ თითო ფრთას აძრობენ—ამას ეძახიან ბოზოლას. გარდა ამისა, რომ ბოზოლას საშუალებით დიდმარხვის კვირებესა სთვლიან. ბავშვებსაც აშინებენ, რომ მარხვა არა სჯობენ.

ბით. იმისმა შვილებმა მხნეობით ქვრივ-ოხრის ქოხი შეძლებულ
ოჯახად გადააქციეს. ამ გარემოებით ძრიელ თავი მოჰქონდა შა-
მანდუხას და ყველას თავის გამჭირაობას შეჰკეცხოდა. როცა შა-
მანდუხა მოუძღოდა ისე, რომ საქმის გაკეთება აღარ შეეძლო,
ატაცებულობით გახდა. ზოგჯერ რომ ჰკვიანურად ელაპარაკნა,
ზოგჯერ ისეთ ლაპარაკს მოჰყვებოდა ხოლმე, რომ კაცს მთლად
სულელი ეგონებოდა. შინაურს, გარეულს, ღიბს, პატარას, ხუმ-
რობით, თუ მართლა, დედ-მამას ერთმანეთში ურევდა; ხანდისხან
ყავარჯენსაც იშველიებდა ხოლმე. როცა მოსწყინდებოდა შვილე-
ბისა და რძლების ლანძღვა-გინება, დაიჭერდა ყავარჯენს, გაიკე-
თებდა სარტყელში ბურნუთის კალოფს და ჩამოუვლიდა მთელს
სოფელს რიხრიხით. საცა ქირი იყო, ან ლხინი, უიმისოდ არ
იქნებოდა; დაჰპატიებდნენ თუ არა, ის მაინც ექ იყო.

შამანდუხას ქვემოლ დამწყრივებულნი იყვნენ სამი მეზობ-
ლის გოგო იავნანის მოქმელნი. ყველაზედ ბოლოს იავა ახლად
მოსული, თავზე ჩიხოლა დახურული გოგო, და გულუხვად აყრი-
და ცეცხლს ქიგვის ნაჩეკებს, რომელიც ექუჩა ცეცხლის ბოლოს.
როცა გათბა კარგად, გოგო მაკამ დაიწყა:

— ქა, მამულაანთ სახლში კიდევ არ იპოვეს ჯადო.

— ვიშ, რაღა ექნა ქა! — წამოიძახა ქეთომ: — აკი ვერ გამო-
ლიეს გეთაყვანეთ, ქა!

— რა ვიცი, ქა, ქონდარივით კი მოფუშეა იმოდენა ოჯახი
ვილაც იყო და! — სთქვა თამარამ.

— არტემამ მოლა მოიყვანა, — დაიწყო ისევ მაკამ: — მიწა გაშინ-
ჯა და თქვა, რომ მიწაში აღარ არი ჯადოვო. მემოე გახსნა კარაბადინი
და კარაბადინში ამოვიდა, რომ ყველაზე დიდი ჯადო დაჩოჩილიაო
და შიგ სახლის სახურავშია დატანებულიო. თუ სახლს დააქცევთო,
რომ ის ჯადო ვიპოვო და ამოვიღოვო, უწინდელი სარჩო-დოვ-
ლათი ისევ დაბრუნდება ამ ოჯახშიო.

— უი, ქა, მულაბანა! ი ლამაზი ხე-ტყე აყრია და უნდა კი
გაოხრდესო, — წარმოსთქვა მოზუზუნებით ქეთომ: — იმას ხომ არა-
ვინ მიუღვება, დაჯადოიან-ქარიანებულია.

— არტემამ პირობა მისცა, რომ მე ავიღებ ხე-ტყესაო. თუმ-
ცა დაჯადოიან-ქარიანებულიაო, მაგრამ რა ექნაო, იოლას უნდა
წაგიყვანოთ, მირონი მაქვს თქვენზე მიღებულიო.

— იი ღქერთმა კი უშველოს, რომ ე მაგრე ხელს ახმარებს! —
სთქვა თამარამ.

— აკი ჰშველის. ამბობენ, იგეთი სახლები წამოიქიმა სილ-
ნალშიო, რომ სუ ატაე-ატაფიანიო, ბატონიანთ სახლი ეილა! ეკი-
დრებაო, — უპასუხა ქეთომ.

— ნეტა, ვინ იქნებოდა ისეთი უღმერთო, რომ ეგრე გაავსო ჯაღოებით? — დააბოლოვა მაკამ.

— ნეტავი მითხრა, რას მიედ-მეედებით! რომ არა იცით-რა, რატომ თქვენთვის არა ჰყრისხართ? ის ოჯახი ეშმაკებისაგან იყო აშენებული და იგრევე ეშმაკებმა წაიღეს! — წამოიძახა შამანდუხამ.

ყველა იქ მყოფთ გაგონილი ჰქონდათ, რომ მამულაანთ ოჯახს როდისღაც ეშმაკი ჰყოლია დაპატრონებული, და უნდოდათ როგორმე შამანდუხა გამოეწვიათ ლაპარაკში და მისგან დაწერილებით გაეგოთ ეს ამბავი.

— მამულაანთ სახლში, — დაიწყო შამანდუხამ სვენებ-სვენები, — დათიამდინ კუდიანები არ გამოლოყულან... დათიას მამა, პაპა, პაპის-პაპა სუ კუდიანები ყოფილან და დათიაც ხო კუდიანი იყო... დათია მოკვდა, სახლში კუდიანები გამოილივნენ და სარ-ჩო-დოვლათიც გაქრა... მე ახალი პატარძალი ვიყავ, როცა დათიას მამა მოკვდა. ამობდნენ, მკვდარს ერთი ციდა კული ჰქონდაო... დათიას პაპის-პაპა ძრიან ღარიბი ყოფილა და სხვას მეცხვარეთა ჰდგომია... ერთხელ შულამისას ცხენით შინ მომავლელბულა და ბარჯღევთან რომ მოსულა, ერთი ციკანი დაუნახამ; გამოსდგომია და ის წყეულიც დაჰჭერინებია... შამოუღვია ცხენ წინ, გაუვლია ცოტა გზა და ციკანი გაწეწილ ალად კი გადაქცეულა... ყველამ პირჯვარი გაღწერეს და წამოიძახეს: „დასწყევლოს სამას და სამმა წმიდა გიორგიშაო“.

— წამოიყვანა, მიიყვანა შინ, ფრჩხილები დააჭრა და იმის მალვით კერას ქვეშ ამოღო... ის წყეული არაფერს ამოზდა... მისცემდნენ კოკებს, წადი წყალი მოიტანეო, ის კიდევ წავიდოდა, დაამტკრედა კოკებს და მოვიდოდა... ერთხელ უთხრეს: „წადი, ალო, კოკები დაამტკრიევო!“ ალი წავიდა, წყალი მოიტანა... მას უკან სულ ალურად დაუწყეს ლაპარაკი... ჰყვანდათ რამდენიმე ხანი და იმსახურებდნენ... ერთხელ ყველანი წირვაზე წავიდნენ და შინ მარტო ალი და ერთი რვა წლის გოგო დააგდეს... იმ წყეულმა ჰკითხა: „ქაჯან, ჩემი ფრჩხილები სად არი, მასწავლე და წითელ ზიზიას ჩავაცმეო“. — ემანდ, კერას ქვეშ არიო... მაშინვე გამოიღო ფრჩხილები, გაიკეთა და გოგო სულ ერთიანთ დაგაზრა... თითონაც გაიქცა... წირვიდან რომ მოვიდნენ, გოგო სისხლში მოზასრული და მკვდარი დახვდათ და ალიც აღარსად იყო...

— იმ უღმერთოებმა ალის სინაბარას როგორ გაუშვეს! — წამოიძახა ავადმყოფის ღეღამ.

— აქაურობას კი ჯვარი ეწეროს და, ილაშქრევი მივიდა თურ-მე ალი და სანათურიდან შაჰძახა: „თქვენაც დაგეწყევლოთ ცეცხლი

იგრე, რო თავის ღღეში აღარ ენთოსო... იპ ღღეა და მაპ ღღეა, იმათ ცეცხლი აღარ ანთებიათ, სუ ბნელაში ისხდნენ... ი კაცსაც ჩემეკიდა ის წყეული და მოსვენებას არ აძლევდა: ხან შინ მიუხდებოდა, ხან ფარეზში, და ეძახოდა:

— ი ვანე!

ამ სიტყვებზე ყველამ პირჯვარი გაღიწერა. დედაცაც კვლავ განაგრძო:

— ხან გასათხოვარ ქალად მეჩვენა, ხან ბებრად, ხან მაჯალაჯუნად გადაიქცა და ზედ დაწვა — არ აძლევდა მოსვენებას... ერთ-თხელ კიდევ ფარეზიდან მომავლებულიყო შინ ღამე; იმ წყეულებს ფერხული დეგბათ გზაზე... რო დაინახა ივანე, გაქანდა ის წყეული ალი, ჰტაცა ხელი, მიიყვანა და თავიანთთან ჩააბა ფერხულში... შაისვრიდენ თურმე მაღლა და მღეროდნენ:

შაჰამანდი გავაეთე, უმარილო, უფშრუკიო,
შენისთანა ბერი კაცი ეგრე შევაკუნტრუშიო...

დაუდგნენ თურმე, ახლა შენ. იმღერეო... ~~შენ წყალს მაქროდა~~
შისისაგან კბილები... მერე, რის ვაი-ვაგლახით შამიკნაღილს გეძახენ:

წინდა მეცვა ხეშისაო,
ქალამანი მეშისაო,
წმინდა გიორგიმ დასწყევლოს
ეშმაკების ფერხისაო...

ახსენა თუ არა წმინდა გიორგი, როგორც მიმინოს დანახვაზე ჩიტები, იგრე გაძვრნენ აქეთ-იქით და დარჩა მარტო ივანე... ბევრი თათრის მოლაც მოიყვანა თურმე, მისნებაც, მაგრამ ვერაფრით ვერ მოიშორა ის წყეული... მერმე ისევ მისნებს ეთქათ, რომ მანამ ნატრის თვალს არ იშოვნო, არაფერი არ გეშელებოა... თუ გიშველის, იგრე ნატრის თვალიო, თუ იმ წყეულმა ისიც არ შეგიკრაო... მას ღღეს აქეთ შეუდგა ნატრი თვალს გზა... რომელ გველსაც ნატრი თვალი აქვ. ის ბნელაში ათამაშებს, შაისვრის მაღლა თვალს და მთელ ღუნისა შიგ დაინახავს...

ერთ აოავას მიაგნო თვალიან გველს, უყარაულა და როცა შაისროლა მაღლა, ლურჯი ნიფხავი გადაუდგო და გაიქცა... თვალი ნიფხავში გაეხვია, გველმა ეძება, ვერ აიპვნა და გამოუდგა ავანეს... ქვას, ბალახს, ხეს, ყველასა ჰკითხავდა, ჩემი მტერი საით წავიდაო, და ისინიც ასწავლიდნენ. მაგრამ წყალში გასვლა მასწავრო... როცა წყალთან მივიდა გველი და წყალსაცა ჰკითხა, წყალმა უთხრა: „რა ვიცი, შენც ახლა მოდიხარ და მეცაო“... გველი იქვე წყალში დარჩა. ივანე კიდევ წავიდა მეორე დილით და

ნატრის თვალი წამოიღო... აკი გაუგო იმ წყეულმა და შაუკრა ისიც...

— ეიშ ქა?—წამოიძახეს იქ მყოფთ, და დედაცკა კი კვლავ განაგრძო:

— დარჩა ყელ გადაგებული... მერმე მეჩვენა ის წყეული მზეთუნახავ ქალად და უთხრა, თუ შემოყვარფო და შენ შვილისშვილსაც მე დამილოცამო, ცეცხლს აგისნი წყევლასო, ნატრის თვალსაც გაეხსნო და იგრე გაგამდიდრეფ, იგრე, რო შენ თავს შენვე დანატკრიდეო... თუ ჩემ ნებას არ დაჰყვები, მაგასაც არ გაკმარეფ და სადმე კლდეში გადაგჩეხამო...

ამ სიტყვებზედ ყველანი შიშის კანკალმა აიტანა: იწერდნენ პირჯვარს და სწყევლიდნენ სამას და სამის წმინდა გიორგიის სახელით.

— იმ თვალ გახეთქილსაც,—დაიწყო ისევ შამანდუხამ:—მეტი რა გზა ჰქონდა! ადგა და მიჰყვა იმი ნებას... იპ ღლე და მაჰ ღლე: ცეცხლიც ენთებოდათ და ნატრი თვალმაც დაიწყო მუშაობა... ფქვილის გოდორში ჩაჰდებდნენ, ფქვილის გოდორი იესებოდა, ქვევრში ჩაჰდებდნენ, ქვევრი იესებოდა... რაშიაც ჩაჰდებდნენ, სულ პირ გადმოჰდიოდა. ამოობაში სახლმა წამოიწია წინ და გადიდრდა... ივანე რო მოკვდა, ახლა იმისი უფროსი შვილი შაიყვარა. მოჰყვა და დათიამდინ მივიდა. ვინც ალსა ჰყვარობდა, ნატრის თვალიც იმასა ჰქონდა, სხვას არ უგდებდნენ ხელში... რამდენჯერ გამიგონია ჩემ ახალ პატარძლობაში: „დათიას საფუტკრეში მააწრეს, ალსა ჰკოცნიდაო“, „დათიას ვენახში მააწრეს ალთანაო“, „მაივან ალაგას მააწრესო“... ის წყეული თურმე ისეთი იყო, როგორც ამამავალი მზე... ხო იმთენი გამოიცვალა და კიდევ თურმე გასათხოვარ ქალსა ჰგვანდაო... არც დათია, არც სხვები ღამ-ღამე შინ არ იძინებდნენ თურმე, სუ ალის მუსაიფში იყვნენ და ნატრის თვალით კიდე საქმეს აკეთებდნენ... კუდიანობა ღამეს ტაბაკელაზედ*) მიდიოდნენ და იქ ქაჯებთანა და ქალატურებთან კატებით ჯირითობდნენ... რო იესებოდა და იესებოდა ი ოჯახი და ყელამდინ მაიყარა, სხვა ალები წყევიდნენ, როგორ თუ შენ ჩვენი დოვლათი სხვაგან მივაქვო, და ჩხუბში მოკლეს... გამწარდა დათია და როგო გამწარდა! სიკვდილამდინ პირი არ მოუპარსნია, სუ გლოვობდა... მოკვდა თუ არა დათია და ნატ-

*) ხალხსა სწამს, რომ ყველიერის ალების ღამეს და დიდ-ოთხშაბათის ღამეს ყველა კუდიანი ადამიანები—ადამიანები ქალატურები იკრიბებიან ერთს ტრიალ მინდორზედ, რომელსაც ტაბაკელა ჰქვინ, და ეშმაკებთან ერთად კატებით ჯირითობენ. ამისთვის ამ ღამესაც კუდიანების ღამეს ეძახიან.

თელიც გაჰქარა საიდლაკ და ოჯახიც წავიდა უკუღმა. ეშმა-
სა მიჰცეს ცხოვრება და ისევ იმათვე წაიღეს და ჯაღოებიც
ივე უგდეს.

ამ სიტყვებს რო ათავებდა შამანდუხა, ავადმყოფმა ძილში
ჩილი დაიწყო:

— ვაიმე, დედავ, მიშველე!

— რა იყო, შვილო, შენი ჭირიმე? — გაეპასუხა დედა.

ავადმყოფს გამოეღვიძა და შესწყვიტა ყვირილი. როცა დამ-
დდა, ჰკითხა დედამ:

— რათა ჰყვიროდი, შენი ჭირიმე, ძილში?

— გულდურაზე ვიყავ სიზმარში და ბრმა ლელიდამ ერთი დიდ-
ლება დედაკაცი გამამიდგა, უნდოდა დავეჭირე, ის კი იყო მი-
ილა, რო არ გამომღვიძებოდა.

— ჯვარი გწერია, შვილო! ბატონების ანგელოზი ყოფილა
შენი შეშინება ნდომებია, — უთხრა შამანდუხამ.

— ჯა, იმ დასაქცევმა მაკამ ე რაღა მააქორა, რო ლაპარაკ-
გაგვაბა და აქამდინ იავ-ნანა არ შასმენიათ ბატონებს! — სთქვა
ნომ.

გოგოებმა მორთეს იავ-ნანა:

„იავ, ნანა: ვარდო, ნანა, იავ, ნანინაო!

„აქ ბატონები მობრძანდნენ, იავ, ნანინაო!

„ბატონებისა დედასა

„ვარდნი უსხედან კერასა;

„გვერთ უდგა ოქროს აკვანი,

„ია და ვარდი ჰფენია;

„შიგ უწევს ბატონიშვილი —

„ბატონიშვილი ლევანი;

„პირს არტყია მარგალიტი,

„მარგალიტისა მტევანი.

—

„იავუნდის მარანშია

„ღვინო დგება ლაღის ფრისა;

„შიგ ალვი ხე ამოსულა,

„ნორჩია და ქარი ჰშლისა;

„ზედ ბულბული შამამჯდარა,

„იადონი მხრებს უშლისა.

სხვა ნაწყვეტ-ნაწყვეტი ლექსებიც ბევრი თქვეს და უმატებ-
დენ „იავ, ნანინა“-ს. ძლიერ ხმა შეწყობით ამბობდნენ გოგოები
„იავ, ნანინას“ და საამური გასაგონიც იქმნებოდა, რომ დანარჩენ-

თანაც მონაწილეობა არ მიეღოთ. ქეთო ბანს ეუბნებოდა; ავად-
მყოფის დედა სულ ერთსა და იგივეს გაიძახოდა: „ჩემი ილა მა-
მირჩინეთ, აგრემც გენაცვალებითო“. ს. შამანდუხაც თავის ლექსს
იმეორებდა:

ობლები კარგად გავზარდე—კაცად ვაქციეო;
ჩემი მიხა გუთანს ასხამს, გუთანს გაიტანსო;
სოლომანი მთაზე წავა, ყველს ჩამოიტანსო;
ზაქრო კიდეც მარილს წავა, მარილ მოიტანსო.

რამდენმეჯერზე მიჰმართეს გოგოებმა შამანდუხას:

— ბები, ნუ გვაშლევინებ, ბები!—მაგრამ პასუხად შამანდუხა
ყავარჯენს უთავაზებდა თავში და დედ-მამას შეუკუროთხებდა ხოლმე.
„იავ, ნანა“ დაბოლოვდა ცეკვით. ყველამ, შამანდუხადან მო-
კიდებული, იცეკვეს ჩანგურზედ. ცეკვის შემდეგ ოქროულამ მოა-
რთვა ვახშამი—ცარიელი ჰური და მჰადი, რადგანაც არაფრის მო-
ხარშვა არ შეიძლებოდა ცეცხლზედ—ბატონები გაჯაფრდებოდნენ.
ვახშამს უკან გოგოებმა სთხოვეს შამანდუხას:

— ბები, ჭრთი ზღაპარი სთქვიო!

იმანაც დაიწყო:

— ზღაპარ იყო, ზღაპარ იყო,
ქალას ჩიტი მამკვდარიყო;
მალლა შავდე, გამზმარიყო,
ჩამოვიდე, დამბალიყო;
დიდსა ქვაბში არ ეტევა,
პატარაში ლალი იყო;
ასმა კაცმა ვერ შექამა,
ერთი კაცის ლუქმა იყო.

— იჰ, ბები, ეგ-კი არა, კარგისა თქვი!

— მე ამაზედ კარგი არ ვიცი, კარგი კიდეც თქვენა თქვით.
აგე მოზღაპრე!—მიუთითა ქეთოზედ.

— უი ქა, სიკვდილსაც დაჰვიწყებინარ! ძალო, ერთი ბრმა
ხემწიფის ზღაპარი თქვი, აგრემც შავარჩება კმარი და შეილი!—
უთხრა მაკამ.

ჩაახველა ქეთომ და დაიწყო:

— იყო და არა იყო-რა, ღვთის უკეთესი რა იქმნებოდა!
იყო შაში მგალობელი, ღმერთი თქვენი მწყალობელი. იყო ვრ-
თი ღარიბი და საწყალი კაცი. თავის ბედობაზე არაფერი გააჩნდა
ცასა და ქვეყანაჰ შუა. ადგა, დაიწყო სიარული და მივიდა ერთ
მდიდარ კაცთან. ამ მდიდარ კაცს მოჯამაგირედ დაუდგა ერთი

წლობით. ყველი რო გაუთავა, ჯამაგირში ერთი ფური გამაართვა, გამოიგდო წინ და წამოიყვანა. რომ მოვიდა შუა გზას, გამოუვარდა მიწი მგელი და ეს ფური ანაჰდეულად გააქრო. დაღონდა ეს საწყალი ადგა და წავიდა, იგრეე ნაალავარან მივიდა და უთხრა: ეს-ესე მომივიდაო, ფური მიწი მგელმა გამოხეთქა, იგრეე დაგიდგები მოჯამაგირედაო. წლის გასულს კიდევ ფური გამაართვა თავის ჯამაგირში და წამოიყვანა. ის ფურიც იმავ ალაგს მოუკვდა. დაღონდა და დამარდა საწყალი, აღარ იცოდა, რა ექნა მემრე თქვა: მოდი, ერთი კიდევ ვცდიო და რაც გახდეს, გახდესო. წავიდა მესამედაც, გაუთავა ყველი და გამაართვა ფური. მაგრამ ეს ფურიც იმავ ალაგს მოუკვდა. ეჰო, აღბად ღმერთს ეგრე ჰქადიან ჩემთვინაო! დაიკრიფა გულ-ხელი და გაუდგა გზას. ბევრი იარა, ცოტა იარა, შემოხვდა ერთ კაცს. ამ კაცმა ჰკითხა, რათა ხარ ე მაგრე დღონებული და დაფიკრებულიო? იმანაც უამბო დაწერილებით, რაც თავ გადაჰხდა, მემრე უთხრა ამ კაცმა: მანამ შენ იმ მდიდარი კაცის ქალს ცოლად არ შაირთამ, შენი ბედი და ილბალი არ გაიხსნებაო. იყოყმანა, იყოყმანა და მერე თქვა: მოდი, ერთი ამასაც ვცდიო. ადგა და წამოვიდა იგრეე თავის ნაალავართან. იმის ნაალავარს უანგარიშო და უთვალავი საჩხო-საცხოვრებელი ჰქონდა და ერთად-ერთის ქალის მეტი არავინ გააჩნდა თავის ბედობაზე. ეს ქალი ორიე თეძოებით კოკლი იყო, ორიე თვალებით ბრმა, დაჩენჩილი, ქაჩილი და კუზინანი. როცა მოვიდა და უთხრა: შენი ქალი მომათხოვეო, მდიდარ კაცს სიცილად არ ეყო.

— რად გინდა, შვილო, რა ხელს მოგცემსო.

მაგრამ აღარ მოეშვა. ადგა და იმანაც მიათხოვა ქალი და თავისი საჩხო-საცხოვრებელიც იმას დაუმტკიცა. უყურა, უყურა იმ მახინჯ ცოლს, შამიკრა თავში და სთქვა თავის გუნებაში: ე რა შაცდენა მაივიდაო. გულმა ველარ გაუძლო, ადგა, დაანება თავი ცოლსაც, იმოდენა საცხოვრებელსაც, გაჰწია და წავიდა. იარა, იარა და მივიდა ერთს ქალაქში. ამ ქალაქში ხეშწიფე მომკვდარიყო და ანდერძად დაეგდო, რომ ვისაც ჩემი მტრედი დააჯდეს, ხეშწიფედ ის დასვითო. ააფრინეს მტრედი ჯერ ერთხელ, ამ კაცს დააჯდა. მაგრამ უარი თქვა, მე ხეშწიფობა არ შემოძლიანო. მეორედ ააფრინეს, კიდევ იმას დააჯდა. კიდევ უარი სთქვა. ააფრინეს მესამედ. მესამედც იმას დააჯდა. კიდევ უარი სთქვა. მაგრამ ხალხმა აღარ გაუგონა და დასვეს ძალად ხელმწიფედ. რახან არ მეშვებითო, მაშ თვალები დამთხარეთო, რო სამართალი არავისკენ არ გადავწიოვო. იმათაც დასთხარეს თვალები. მემრე უბრძანა, ერთი ვაშლიც გასქვითო შუაზე და ნახევარ ნახევარი დაჰკიდეთ ცალკეო. როცა

მე სამართალსა ვსჭირდე, იმ ნახევარ ვაშლებს უყურეთო. თუ ისინი შეერთდნენ, სამართალი სწორედ არ იქნება გადაჭრილი და მით-
ხარითო. ისე სწორედ სამართლობდა ეს ბრმა ხემწიფე, რომ არც
ერთხელ არ შეერთებულან ი ნახევარ-ნახევარი ვაშლები. ერთხელ
ვილატ ბერიკაცმა ჩამოიარა. ჯორცხენაზე იჯდა. ერთ ქვრივ-ოხერ
დედაკაცს წყალზე ხბოიანი ფური მიჰყვანდა და ბერიკაცმა რომ გა-
მოიარა, ხბო ჯორცხენას დაედევნა. დედაკაცი გამოუდგა, მაგრამ
ხბო ვერ დააბრუნა და დაუძახა: ე ხბო გამოიმბრუნეო! ბერიკაცმა
უთხრა: რას ამბობ, ხბო ხო ჩემმა ჯორცხენამ მაიგოვო!—რას ამ-
ბობ, ხბო ჩემიაო! უთხრა დედაკაცმა. ბერიკაცმა არ დაანება.—
წამოდი ხემწიფესთანაო!—უთხრა დედაკაცმა:—შენ არ იცი, როგო-
რი ხემწიფე გყავო? თავი დღეში სამართალს მრუდად არ გადას-
ქრისო!—წამოდიო, —უთხრა ბერიკაცმა და წავიდნენ. მივიდნენ
ხემწიფესთან და დედაკაცმა იჩილა, როგორც საქმე იყო. ბერი-
კაცმა კიდე უთხრა: —ხბო ჩემმა ჯორცხენამ მაიგოვო. ხემწიფე გა-
ჩუმდა, ხმას არ იღებს. რო გავიდა კარგა ხანი, ბერიკაცმა ჰკითხა:

— რას გაჩუმებულხარ და სამართალს არ გადაგვიჭრიო? ხე-
მწიფემ უთხრა: მე ჯერ თქვენთვის არა მცალიან, ზღვიდამ თევზე-
ბი გამოსულან და ყანა გაუფუჭებიათო. ჯერ იმათი საქმე მაქვს
გასარჩევო. —რას ამბობ, ზღვიდამ როგორ გამოვლენ თევზები,
ან ყანას როგორ გააფუჭებდნო, ეგ როგო შაიძლებაო!—უთხრა
ბერიკაცმა. —თუ-კი შეიძლებაო, რო ჯორცხენამ ხბო მაიგოვო,
ეს რატო აღარ შაიძლებაო?—უთხრა ხემწიფემ. წმინდა ბერიკაცს
მეფწონა სამართალის გადაჭრა და უთხრა: აქ შენ აგიხილდეს თვა-
ლებო და იქ შენი ცოლი გაგინთავისუფლდეს სიმაზინჯისაგანაო.
ეს თქვა და ხელმწიფეს თვალები აუხილდა და იმისი ცოლი კიდე
ისეთი გახდა, როგორც ამაშავალი მზე. თავიშთან მიიყვანა ცოლიც
და დაიწყეს ერთად ცხოვრება. კირი იქა და ლხინი აქა, ქატო
იქა და ფქვილი აქა, ქაქა იქა და ლეინო აქა. ელასა, მელასა, ჭიჭა
მეკიდა ყელასა, მთქმელსა და გამგონელსა, ძილი გაამოთ ყველასა.

ცოტა ხანს შემდეგ გაისმა ლოცვები:

„ჯვარი მწყალობს ჯვარცმული.
მე ვერ მაცდენს მაცდური.“
„ღაფწვები, დამეძინება,
პირჯვარი დამეწერება;
ცხრა ხატი, ცხრა ანგელოზი
სულ თავით დამეფინება“.

და უკელანი წამოწვნენ იქავე ცეცხლა პირას.

IV

გ ა ძ ც ე ზ ლ ი შ მ ი ლ ი

თიბათვის პირველი რიცხვებია. ქერები მომზადებულია მოსამკალად, ყანებიც ამრეშებულია. სოფელ მრავლეთვის ერთ მცხოვრებელს გაუსინჯავს თავისი მოსავალი დი საღამო ხანზედ მოდის შინისკენ. გამოიარა ოქროულას სახლის წინ და, რა დანახა სახლის კარები ღია, შებრუნდა ეზოში, მივიდა დერეფანში და შესძახა:

— ოქროულავ!

— ბატონო!— მოესმა სახლიდან.

— შინა ხარ?

ამის პასუხად ოქროულა კარებზედ მოდგა.

— გაგახაროს ღმერთმა! — ოქროულამ თავი დაუკრა.

— ცივი წყალი არ გიდგა?

ეს კი იყო ეხლა მოვიტანე, — და შებრუნდა შინ.

ფილია, — ასე ეძახოდნენ ოქროულას, მოსაუბრეს, — დაჯდა დერეფანში სამუფესა სკამზედ; ქუდი მოიხადა, შუბლზედ მოისვა ოფლის მოსაწმენდად და მარცხენა მუხლზედ დაირქო. ოქროულამ გამოიტანა სველი თიხის ლიტრით წყალი. ფილიამ ჩამოართვა ლიტრა, გამოაფურთხა, ჩაიყენა მერე პირში წყალი, დაახრილა და გამოღვარა. მერე იწაფა ორჯელ ზეცოზედ. „იშე!.. ცხონდა მამაშენიო!“ და დადგა ლიტრა ძირს.

ოქროულა იდგა ფილიას წინ, ცოტა მოშორებით. თავი მარჯვენა ხელზე დაებჯინა, მარცხენა ხელი კიდევ მარჯვენა ხელის ნიდაყვთან ედო.

— როგორი მოსავლებია, ჩემო მახლო? — ჰკითხა ფილიას, როცა ამ უკანასკნელმა დაისვენა.

— მოსავლები და რა მოსავლები! ამოდენა კაცი ვარ და ჩემს დღეში ამიჰთანა მოსავლები არ მინახამ— ღვთის თვალი შიგა ტროალეებს! ერთი სიტყვით. წელს ვერაფერ დაჰპრავს თავის მოსავალს.

— ზეციერმა გამჩენმა და ღვთისმშობელმა დედამ ბძანოს!

— ოქროულავ, მაიტა და ი ბიჭი დამიყენე ან მოჯამაგირედ, ან მეკალოვედ!

— ი, ჩემო მახლო, ბიჭი ვილამ შამარჩინა! ბიჭი წამეჩხუბა და ორი კვირაა საითღაც გემეკცა. არ ვიცი, ცოცხალია არის სადმე, ავად არი, კარგად არი, ჰშიან, წყურიან, თუ ნაძლარია, არა ვიცი რა.

— აბა, მამა გიცხონდა, ერთი რას ამბობ! იმოდენა კაცს რა გაუქირდება? აი, ყვარელში წავიდოდა სამუშაოდ, ეხლა იქ ვენახების თიბაა გახშირებული.

— ყვარელში წავიდა, თუ სადა, მე კი შვილი დამეკარგა-და!

— ეჰ, ჯეილმა ემაგრე იცის. ივლის, ივლის და ისევ მოვა. სად წავა? რა იყო ახლა, რაზე წაგეჩხუბა?

— ჩემი ცოდო რომ არ დაუღლით ღმერთმა, ვინც ის გა-
დამირიგეს! აუტეხნია, მოჯამაგირედ უნდა დავდგეო. მე კი სი-
კდილი მინდა და იმისი მოჯამაგირობა არა.

— ახირებული დედაკაცი ხარ, მე და ჩემმა ღმერთმა, უნდა და
დააყენე!

— რა ვქნა, ჩემო მაზლო, თუნდა ყველამ ჩამა!ევავთ, მე
ილას მოჯამაგირედ ვერ დავაყენებ.

— რა სიზმარი გინახავ, რომ ემაგრე უარზე ჰდგებარ?

— აის სიზმარი მინახავ, ჩემო მაზლო, რომ ნამოჯამაგირალი
კაცი აღარც სახლს არგია და აღარც თავს; ან უნდა გაყალბ-
დეს, არა-და, ი საცოდავივით, ჯანი და ღონე სხვას უნდა ა-
დალოს.

— შენ მითხარ, რომ კაცი თითონ იყოს და აღა შახვდეს
ღვთისნიერი, თორე ეგენი სუ ტყუილია.

— აბა, ეხლა მადლი ქნეს ი ჩემი ცოდვით სამსუბუქმა, ვინც
ის გადამირიგეს?, ვამობდი, ორიოდ კაბდო ნაჩიქნი :ქვ, იქნება
ღმერთმა მოჰხედოს და ქვეყანაში გეერიოს-მეთქი. ვინ მოუშვას,
ვინ გაუღწევას? უნდა წავიდეს, დეილუბოს. აი, ამაზე მეყრება
გულს და მექიდება თავს. ვამობდი, ბატონ-ყმობა გადავარდა,
თავის ქოხს ვერაფერ მააშორებს და თავითვინ იმონაგრებს-მეთქი
და ლახე, რა მიყვეს იმ ჩემი ცოდვით სავსეებმა!

— რა გულს იყრი, განა იქ დარჩება რა! საცა არი, გამოვ-
ლენ ეხლა, ვინც სამუშაოდ წასულები არიან, ქერები მოსამკა-
ლი გახდა.

— ნეტავი, შენი შვილების სიცოცხლით, მშვიდობით მოვი-
დეს და თუნდა ჩხირს გვერდად ნუ აქცევს.

— ნუ გეშინიან, მოვა, მა სა წავა, და ჩხირსაც აქცევს გვერ-
დად და სუყველასაც გააკეთებს.

— არა, ჩემო მაზლო, მე იმისი იმედი სულ აღარა მაქვ, ძა-
ლიან გადამირიგეს, რომ მეტი აღარ იქნება.

— მაშ დავყენე მოჯამაგირედ რიგიან კაცთან, ჯამაგირს ჯა-
მაგირად აიღებს და კიდევ გამოიჯეკება ყველაფერში.

— ნაცარს ავფშრუკავ და იმაზე ვკავებ და ილას კი მოჯამაგი-
რედ არ დავაყენებ!

— ეი, რა უნახავ ამ დედაკაცს, თქვენმა გამარჯობამი არც
ჩემთან დავყენებ? ჩემი ამბავი ხომ იცი?

— რა ვქნა, ჩემო მაზლო, გაგიტყდები და გცტყვი, ცილამ

ჩამოსული ანგელოზი რომ იყვეს, იმასაც არ დაუყენებ! უფრო პატარა იყო, როცა ღვდელი მეხეწებოდა, დამიყენე მოჯამაგირედო, ციმფამ კარი და ბანი აღარ დამიგდო. დღე ერთი იყო და მოსვლა ათასი. ი საცოდავის სამკვდრიც ზედავე შემართა. მაგრამ სამკვდროც მოვიმორე და კოდ პურსაც ვაძლევდი ჩემი ქერივ-ოხრობით და ზიკი კი არ დაუყენე. ეხლა რო სხვას დაუყენო, ხო წყევლითა და ქოქვით ამილო მღვდელმა! მერმე იმ დროულის წყევლა რა ხეირს დააყრის? ესეც რო არ იყოს, რა ვქნა, ი საცოდავის ანდერძს ვერ გავტეხამ. სიკვდილის დღემდის ცოდოს მაყრდა: „ილა მოჯამაგირედ არავის დაუყენოვო და ჩემს სავით ჯანი და ღონე სხვისათვის არ შაალეფინოვო.“

ამ ლაპარაკში იყვნენ, როცა ეზოში შემობრუნდა ჩვიდმეტ-თვრამეტის წლის ყმაწვილი ბიჭი: მაღალ-მაღალი მსხვილ მხარ-ბეჭიანი, მოგრძო და წითურ პირისახეზედ ახლად ჰქონდა ამწვანებული წვერ-ულვაში. შავი ღიდრონი თვალები ჰმოწმობდნენ, რომ მიმაცი და ხასიათ მტკიცე უნდა ყოფილიყო. ყმაწვილს ზიკს წელზე ერტყა ახალი ქამარ-ხანჯალი, თეთრი ახალი ჩოხის კალთები უკან შეეკალთავენა, წელში გაერქო ნამგალი და ზურგზე ეკიდა გულად. გვერდზედ მოეგდო ნაბლის ქუდი და თავმომწონედ მოდიოდა პირდაპირ სახლის კარებისაკენ. არ ვიცი, დაბრუნების იმედი აღარა ჰქონდა, თუ ყმაწვილი სრულიად გამოცვლილი იყო ახალ ტანისამოსში, მაგრამ ოქროულამ კი ვერ იცნო ილია და თვლით გაუშტერა.

— ეჰ, ილა არ არი?—წამოიძახა ფილიამ.

თითქო აქამდის ძილში იყო და ამ სიტყვებმა გამოაღვიძესო, ოქროულამ ერთი შეჰკივლა:

— ვენაცვალე, ხანჯლიანი შვილი მაქვს!—მერე გაექანა შეილისაკენ, გადახვია და დასწყო კოცნა.

ილია შევიდა დერეფანში, „გამარჯობა შენო!“ უთხრა ფილიას, მოიხსნა გულად-ნამგალი და დაჯდა. კარგა ხანს მდუმარება ჩამოვარდა.

— აბა, ერთი გველაპარაკე, საით იარე და რა ჰნახე? — უთხრა ფილიამ.

— ენახე და მართლა, რა კაი სანახავეები ვნახე! ?ე აგრე მეგონა, ჩვენს სოფელს სოფელი არ შეედრება მეთქი და ეგ ოხერი ყვარელი რა კაი სოფელი ყოფილა!

— ყვარელი რა... გათქმულია! კიდევ ეგ რა არის, ლეკებს არ უნდა ეხდინათ, რო მაშინ გენახა. შამილი მაგი გულიპთვინ არ იკლავდა თავს უნდოდა გაღმა მხარი დეემორჩილებინა და ყვარელში დაბინავებულიყო, მაგრამ ი დალოცვილმა რუს ხელწიფემ მაატანა ჩიტვით კაკანათში.

— ჯერ ეხლა რა არი და მაშინ რაღა იქნებოდა? ეი, რა სახ ლებია, თქვენმა გამარჯობამ, წამოჭიმული! ვენახები კიდენ, რაც იქ უკანასკნელ კაცსა ჰქონია, ჩვენში გაძრიალებულ ოჯახსაც არა აქვ. ძალიან გულ-უხობაცა უოფილა ყველაფრისა. საცა კი ვმუშაობდით, ყველგან ღვინოს თავზედ გვასხამდნენ. ხალხი დახი-ბლულსა ჰგავ და სარჩო კი ბევრი ჰქონიათ?

— მოსავალი როგორია?

— მოსავალი რა, ყანებშიაც და ვენახებშიაც ღვთის თვალი შიგა ტრიალებს. ეი, ღმერთო, რატო არსად მინახამ ეგეთი მსხმო-იარე ვენახები! იგრე აყრია მტევანი, როგორც ეონეოლი.

— იმპოთინ აოკებს მთელ ღვინოს, რომ მაგეთი ღვინო მო-ღის, მაშ! — თქვა ფილიამ და აღვა წასასვლელად.

— შეილო, რა მიყავ? — დაუწყო ღეღამ, როცა მარტო დარ-ჩნენ. — რაზე გადამილიე თვალი და გული შენი გზისაქენ ყურე-ბით? რას ამობდი, რო დაგვანებე თავი, მე ცალკე და მოსავალს ცალკე? ვის სინაბარას დაგვავდე, შეილო? განა იმისთინ გაგზარ-დე, რო წგრე მიყოს მეთქი?

— ეჰ, დედილო, მეც ბევრი ვიჩილე მემრე, სანამ შევეჩვე-ოდი სხეიდან ყოფნას, მაგრამ, პირი მერცხვინებოდა, ველარ დაე-ბოუნდი ცარიელი. ეთქვი, რაკი შინიდან ფეხი გამოვდგი, ცარიე-ლი მაინც ნუ დავბრუნდები, მივიტანო რამე მეთქი.

— იშოვნე რამე მაინც?

— ცბრა მანეთი ავიღე. ჩოხა-შალვარში და ქამარ-ხანჯალში ექვსი მანათი დამეხარჯა და სამი მანეთიც ფულად მოვიტანე.

— უი, შენ კი გენაცვალოს ღეღა-შენი! შეილო, რაკი შენ მმედილობით დამიბრუნდი შინ და ჩემმა თვალებმა კიდევ დაგინახეს, თუნდა ცალი ფულიც ნუ მგეგეტანა.

— ვაი, ცოცხალი და უნდა გემეგლო მაშინ, რო ხელ-ცარი-ელი მოვსულიყავი?

— მართალია, შეილო, კარგი შალვათია ეგ ფულიც. ე შენ კიდე სუ შაჰმოსილხარ, მაგრამ, თუ ჩემ რეგვენ ჰქვას დაუჯერებ და შინადამ ფეხს არ'ად გაჰდგამ, ის ყველას ემჯობინება. სუ ყო-ველთვინ სხეთა ხელში შაყურება და ღრეჯა განა კარგია, შეი-ლო, რა! გაისარჯე, მოხან, მოთესე, ღმერთი ხელს მოგიმართავს და ყველა ფულია.

— მეც მაგ ჰქვაზე დავდექ, ღეღავ, ეხლა. გულიდამ გადა-ვიგდე მოჯამაგირობა. ე სამუშაოდ კი ხანდიხან წავალ, და მო-ჯამაგირედ კი გაქრეს! თავი ღლეში აღარ ვიფიქრებ. რო არ წაფ-სულიყავ გღმა და იქ არ ერჩივნათ ჩემთვინ, მოჯამაგირედ ნუ დადგებიო, იქნება... რაღა იქნება, იგეთ გულზე ვიყავი, რო

უთოვოდ დავდგებოდი სადმე მოჯამაგირედ. მაგ ოჯახს-დასაქ-
ცევმა ფილიამ იგრე ამისხა ფთები, რო სიზმარშიაც კი მოჯამაგი-
რობა მეჩვენებოდა, მაგრამ ყვარელში კი სულ სხვანაირად გამა-
მიცვალეს გული.

— ვინ იყო ის ღვთის ნათლული, რო შენ ემაგრე გული
შავიცვალა? — ჰკითხა გახარებულმა დედამ.

— აქედან რო გავედით, ერთ კაცთან ვმუშაობდით ხუთი
დღე ერთმანეთზედ. მე ბიჭები დამცინოდენ, დედა შენმა გცე-
მა და გამოგადლო შინადამო. ერთ დღეს ალა თავს გველ-
ვა. და მკითხა, მართალიაო? მე უამბე, როგორ იყო და იმან მი-
თხრა: „დედა-შენი ძალიან ჰკვიანი დედაკაცი ყოფილა, მოჯამა-
გირობით კაცმა სახლი უნდა ააშენოსო? მოჯამაგირობა პირველი
ბედოვლათობა არიო. შენ დედა-შენს დაუჯერე, შვილო, ის ძა-
ლიან ჰკვიანი დედაკაცი ყოფილაო. შენ ჯერ ყმაწვილი ხარ, რა
გაგეგებაო. ნამოჯამაგირალი კაცი მკედრათ არი ჩასათვლელოო.
უგულოდ გააკეთებს აღის საქმეს, ჯალალნობას მიეჩვენეო; ერთ-
გულად გააკეთებს და, მაშინ ჯანი და ღონე სხვას უნდა ანაცვა-
ლოსო. მიბრუნდებოა შინ, ან გაყალბებული, ან დასნეულე-
ბული და ჰამის მეტს აღარაფერს გააკეთებსო. არა, შვილო, შენ
იგრევე დედა-შენს დაუჯერე და იმის ჰკვას მიჰყეო.“

— ღმერთო და ცისა და ქვეყნის გამჩენო! შენ მოუმართე იმ
შენგან მირონ-ცხებულს ხელი, როგორც იმან მოუმართა ჩემ პატარა
შვილს ხელი საკეთილოდ! აბა, შვილო, ჰნახე, რო მართალს გეუ-
ბნებოდი? დედა კი ცუდს მაინდოჰებს შვილისათვის და სხვა კარგს?
მაშ რად მამსებდა ცოდით ი საცოდავი მამა-შენი, მოჯამაგირედ
ნუ დააყენებო. თუ კარგი იყო მოჯამაგირობა იმან ხო მთელი
თავისი სიცოცხლე მოჯამაგირობაში დაღივა. აგრე იტყოდა-ყე
ის საცოდავი, როცა ჩალოვინდა ქვეშაგებში და აღარაფერი შეე-
ძლო, და მეც ვალალას ვაყრიდი:

სხვათა მოჯამაგირობას

ადვილად იტყვის ენაო:

დილით ძროხაში მგზავნიდნენ,

სალამოთ ღორისკენაო;

ქორ მეძებრებსაც მატანდნენ,

თანც ინადირე შენაო.

თუ კურდღელი დაიჭირო,

ხორცი ჩვენ, ტყავი შენაო,

და თუ დათვ-მელას დაიჭერ,

ჩაყავი ჩვენ, ხორცი შენაო.

— აი, რა ცეცხლში ყოფილა მოჯამაგირე აღის ხელში! ეს რო გამოგონია ი უბედური მამი-შენისაგანა, მე ხელი უნდა მოგიმართო იმპა შემდეგ?

— ოჯახი დეეჭეს ფიდიას, რომ იმან ამბილილია, იმ ქვა-ძალა, იმან! ცხლა, აკი გეუბნები, გულიდან გადავიგდე მეთქი მოჯამაგირობა. ზოგი ეგვე მუშაობით, ზოგი, რაც მამივა, იქი-დამ მოვიშხო, ფული მოვაგროვო და ერთი უღელი ბოჩოლა ვიყი-ლო და მივყვე ხენა თესვას. გლეხი კაცი თუ აშენებულა, იგრევე ხენა-თესვით.

— ეგვე, შვილო, ე მაგითანები იფიქრე და თუ მეც ხელი არ მოგიმართო და ძმასავით მხარი არ მოქცე, მაშინ ჩამაქვავე!

— ცოტა ლუკმა შეეკამოთ, არა გაქვ-რა? დაღლილი ვარ, მეძინება.

— როგორ არა, შვილო, თითქო გულმა შამიტყო, ლობიო შეკაპანდი დავდგი.

ივახშმეს და მიეცნენ ტკბილს ძილს.

V

ლამის მესამეები.

მრთ საღამოს, მაისში, ორი ღამის მესხრე გააყოლებდა კვალში წყალ დაღევიანებულ გუთნის ხარს. თეთრი წამოსასხამი ნაბდები გადაეკიდნათ მხარზე გადებულ დიდ ჩომბახებზედ და აქეთ-იქით ყანის პირებში უდგნენ. გუთნის ხარი გამოვიდა კვლიდამ და შეფიხნა ერთ ფერდობს, რომელზედაც ხშირად იყო მოდებული ტყის პატარ-პატარა კორომები მაყვლისა და კრიკინის ბარდებით. მესხრები დაწინაურდნენ და წამოწვნენ სერზედ, საცა თავდებოდა ფერდობი. ფერდობს ქვემოლ გაშლილი მინდორი შემოსილი იყო დასათავთავებლად მომზადებული ჯეჯილებით, რომელსაც წყნარი ნიავე სასიამოვნოდ არხედა. აუვაყებულის კრიკინისა და მაყვლის ბარდები უხვადა ჰფენდნენ არემარეს სახიამოვნო სუნნელოვანებას; მგოსანნი ბარდებისა თავისის ტკბილის გალობით ატკბობდნენ იქაურობას.

ერთი მესხრეთაგანი დიდხანს იყურებოდა მინდორისაკენ და სიამოვნებდა მღელვარე ჯეჯილებით. შემდეგ გადახედა ფერდობზედ შემოფენილ გუთნის ხარს და წამოიძახა:

— აი, შენი ჭირიმე, შენი, ჯერანავ, რო გულიანათა ჰპოქამ! ჰმოვე, შე ქელ-დალოცვილო, შეგერგება!

მეორე მესხრე კი ვერც არაფერსა ჰხედავდა იქაურობისას და

არც არაფერი ესმოდა, გარდა ბუღბუღლის სტვენისა; იმისი გონება სადღაც შორსა ჰფრენდა, ხანდისხან სახეზედ ეხატებოდა რაღაცა საიდუმლოებით მოცული ღიმილი; ხან ტანს ბუღბუღლის სტვენას აყოლებდა. დადხანს იყო აშინაირს მდგომარეობაში. შემდეგ წამოიძახა:

— დელა, ოდელია, დელა, დელას, ოდილასა, დილა, დელას, ორიოდელია, დილა-ოდელა! დამძახე ბიჭო! — უთხრა ამხანაგს და დაიწყეს ორთავ:

წყალი მწყურიან, წყალს დაფლევ,
დავეწაფები გუბესა!
დელას, ორი-ოდელია, დილა-ოდელია!
წავალ და ჩავეხუტები
ივანეშ გოგოს უბესა!
დელას, ორი-ოდელია, დილა-ოდელია!

— მართლა, ბიჭო, რატო აღარ გამითავე, როგო დააბოლოვე საქმე? — ჰკითხა ამხანაგმა.

— ვერ შევესწრობით ამაღამ!

— ამაღამ რო ის ვილაპარაკოთ, როდის-ღა დავიძინოთ?

— ვერ გაძლები ამოდენა ქალაქ ღამეში? შენ არ გაყარაულე, ნუ გეშინიან!

— არ მაყარაულებ რა, ჩემი ფეხები! შენი რა გადასახადია?

— მაშ ილა მოგიკედეს, თუ ილაშ ამაღამ თვალი მოხუქოს! რაც ის ივანეშ გოგო ვნახე, მე ტყბილად აღარ დამიძინია.

— ჰო-და, აბა, ერთი მილაპარაკე!

— სად ვიყავ?

— აი მზლუდრს რო მიხველ და აქვენებიანთ ტასიკო გოგომ რო გითხრა, ივანეშ გოგო აქ არიო.

— ჰო, რო მივედიტ მზლუდრობას, ექვსიოდ-შვიდი ბიჭი ვიყავით, ჩვენებიანთ გიოც იქ იყო. აბა, შენ ხო იცი, რო მე და იმას კარგა გვაქ შეწყობილი ხმა. ისე, სუ გუგუნით გავიარეთ სოფელზე, და მზლუდრშიაც სიმღერით მივედიტ. რო ჰნახო, და გვინახეს თუ არა ჩვენებურმა ბიჭებმა და ჩემგვეგებნენ. გოგოებიც წამოვიდნენ ჩვენკენ და ყურება დაგვიწყეს. მერმე იმ დალოცვილმა ღმერთმა სუ კაი ბიჭებს მოგვიყარა თავი, სუ დასანიშნი ბიჭები ვიყავით: მე, ჩვენებიანთ გიო, შინჯიკანთ ყარამანი, ყანჩანთ ბასილა, მესხიანთ ზაქარია, იმედაანთ კოწია, გარბელაანთ ნინია.

— ეი, რა სუ კაი ბიჭები შაჰყრილხართ!

— მემრე იგეთი ჩაცმულ-დახურულები ვიყავით, რო ყველას თვალი ჩვენზე რჩებოდა. მე კიდე იგეთი გამოკანკლული ყიყავი, რო!

— მითომ არ იცოდეს გამოკანკელა რა!

— ჰო, რო მივედით დაგვიწყეს ყველამ ყურება, ჩვენებიანთ ტასიკო იქა ყოფილიყო. დამინახა მე და ხელი დამიქნია. მე მიველ იმასთან და მითხრა, ივანეჭ გოგო აქ არიო. აი გაგიხაროან, მე გამიხარდა! მაშინვე წავედით, ჯერ ფერხული დავაბიო. ცალ მხარეზე მე და ჩვენებიანთ გიო ვამობდით, მეორე მხარეზე კიდე ყარამანი და ზაქარა. კაცო, მე იგრე გაჩამჩებულნი არა მინახამ-რა, როგორც სხვა სოფლისანი იყვნენ გაჩამჩებულნი. ბანსაც ვერ გვეუბნებოდნენ ხეროინს, ის ოჯახ-დაქცეულები ჩვენებურები რო არ ჩაბმულიყვნენ, კიდეც ერთი ათიოდენი, შენი მტერი, ჩვენ შავრ-ცხვებოდით. მერმე სულ ყველანი ჩვენ გვიყურებდნენ, ფერხული რო გავათავეთ და „პოი ტიტი“ დავიწყეთ. რო არც თამაშობაში გამოიჩინეს ფხა-ფოლადი! ერთი უნდა გვეყურებინა, როგორ დაბაჯ-ბაჯებდნენ. ჩემა მზემ და თავი არ მამიკვდებო, თქვენი შაქარა კამერი იმათზე კარგა ითამაშებს. გაგიხაროან, რო ჩვენმა ბიჭებმა ქვეყანა ზედ შაიხედის!

— აბა რა, კოწიას თამაშობას დაიწყებდნენ-რა! მგონია, სუ წყალწყალა ჩიტვიით დაქკრიალებდა.

— კოწიამ, თორემ ჩვენებიანთ გიომ ხო დააკლო-და!

— ნუ გეშინიან, არც-კი შენ ჩაჩორჩებოდნი!

— მანამ კარგა არ დავიქანცენით, სუ ვმღეროდით და ვთამაშობდით. ი გოგუები ჯიდე, ჩვენ ზემოდამ ერთი ბექური იყო, იმაზე იდგნენ და გვიყურებდნენ.

— ივანეჭ გოგოც ხო იქ იცო?

— არა, ბიკო, ბევრი ვათვალიერე, მაგრამ ვერსად დავინახე.

— მაშ ვერა ჰნახე?

— დაიცა ვითხრა-და! ჰო, რო გავათავეთ თამაშობა და მემრე გოგუებმა მუზიკა დაუკრეს და თამაშობა დააწყეს, ჩვენ ბიჭები წავედით, მივწიგ-მოვწიეთ გოგოები და ცალი მხარე დავიჭირეთ. ერთი ვილადა გოგო უკრავდა ბუზიკას. იმ დედ-მამა ცხონებულმა სუ აატირა. გამოდიოდნენ გოგუები რიგ-რიგით და თამაშობდნენ. მემრე გამოვიდა ივანეჭ გოგოც. გამოვიდა და რა გამოვიდა! ყველანი უკან მიჰყარა. თითქოს ალაღმა წამოუქროლო ჩიტებს, იგრე გაჩუმდნენ ყველანი და ყურება დაუწყეს. მემრე ის ოჯახ-დაქცეულები მაშობრუნდნენ და სუ მე დამიწყეს ყურება. ეი, შამრცხვა და რა შამრცხვა! ამოდენა ვარ. და თავიდანვე იგრე არსად შამრცხობია. მე თავი ჩავლუნე, იმან-კი უფრო და უფრო მოუმატა. როგორც ისა თამაშობდა, იგრე ბექებზედ გადაყრილი ხუთი-ექვსი შოლტვიით ნაწნავი უთამაშებდა. რო გაათავა თამაშობა, წავიდა და ჩემ პირდაპირ გოგუებში ჩადგა. ის მე მიყუ-

რებდა, მე იმას. იგრე გამიყარა თვალი-თვალში, რო ბოლოს იგრე მე შამრცხე და თავი ჩავლუნე. სხვა გოგულებიც ბევრნი გამოვიდნენ მემრე, ზაგრამ იმიჰოანად-კი ვერავინ ვერ ითამაშა. გოგულებმა რო გაათავეს თამაშობა, ჩვენი ტასიკო გამოვარდა და გვითხრა: ბიჭებო, ახლა თქვენ ითამაშეთო. აბა, მე ვიცოდი, თქმა არ შინდოდა, ყველაზედ წინ გაეარდებოდო-ყე და ციბრუტივით ვტრიალებდი, მაგრამ მაშინ-კი რალაცა დამემართა, თქვენმა გამარჯობამ, ვერ გავებდე. მემრე ი გოგო იგრე აწიწინებდა ი ბუზიკას, რო იმასზედ თამაშობა მკვდარსაც-კი მოუნდებოდა. კოწიამ ჯერ-კი მოიცადა და რო არ გავდიოდი, გავიდა და ჩამოტრიალდა. გაათავა და მე დამიკრა თავი.

— ჰაი, თუ შენც კი გამოიჩენდი, რაც იცოდი და არ იცოდი!

— ისემც დმერთი გაუწყებდა ღუშმანს! რას ამბობ, კაცო, რალაცა დმერთი გაიწყრა, სულობით ვერ მოვახერხე თამაშობა. მუხლები იგრე მეკეცებოდა, რო კინალამ არ წავიქე. რო ვნახე, რო ხერხად არ მომდიოდა, გაენებე თავი და წავერივე, საცა ბიჭები ჯგუფად იდგნენ. შაქნეს ერთი ალიაქოთი, რა დეემართა, რატო ვერ ითამაშაო. ჩვენ გიოს-კი ეყურებინა იმიჰოინ. თურმე, ნუ იტყვი, ძალიან მწყენოდა, რო მე ვერ მოვამგზავსე თამაშობა. შუბლი შაიკრაო და სუ იგრე შუბლ-შეკრული იდგაო. ჩვენებურმა ბიჭებმა რო ითამაშეს ჯველამ, ჩვენი ტასია გოგო მოვიდა, წამავლო ხელი და მითხრა: „რა დაგმართებია, შენი თამაშობა დუნიახეა გათქმულიო და აქ რალა დაგემართაო? წამო ითამაშეო.“ ბეერი ვიუარე, მაგრამ აღარ მემეშვა, მეც შევაფურთხე ეშმას და გავედი მეორედ. გავედი და მაშინ-კი, გაგინახიან, მე თვლები დავაცეცებინე ყველას. რო დაუარე და დაუარე, ბიჭები მიძახოდნენ აქათ-იქიდან, „ჰა, შენია ილიაგო!“ თურმე მიყურებდა ისა და სუ ღიმილი მოსდიოდა პირზედ. რო გავათავე თამაშობა და, ვერ-კი დავინახე, ვინ იყო, ერთმა დამიძახა: „ტყუილია შენიჰთანა, რო ყველაში გათქმული ხარო.“ შველა შენ გქონდეს, მე ამან გამახარა. ი ვილაცა იყო, სწორედ იმიჰ გვერდზედ თქვა და იმანაც გაიგონა. შენ არსად გინახამს ივანეჰ გოგო?

— აბა სადა ვნახამდი!

— ახ, ნეტავი ერთი გაჩვენა, ჰწორედ ციდან ჩამოსული ანგელოზია!

— ეი, იგეთი ლამაზიაჲ!

— აბა როგო განიშნო, კიმიანთ ბაბალე გოგოს ხო იცნობ?

— როგორ ვერა, იმასაც რო ვერ ვიცნობდე, მა ვილას ვიცნობ?

— ჰო, სწორედ იმ სიმაღლეა.

— თითქმის ცოტა-ლა ჰკლები შენ სიმალესთან.

— მე მაღალი ვიქნები, მაგრამ ის ძალიან მოხდენილია: მთავარესავეთ ბაღრი პირი აქვ, წითელი, თურაშაული ვაშლივით ლოყები, მაჯის სიმსხო, უსურვაზივით დაგრებილი კავები ჩამოჰკიდამ. ბეტებზედ კიდე ოთხი შოლტრავით ნაწნავი აყრია. შენ იმიჰ წარბები უნდა ნახო, თითქოს წალამი გაუკრამთო. შავი ყურპივით კიდე თვალები აქვ. მემრე გლეხურად ხო არ აცვია!

— არა?

— გლეხურად-კი არა. შენ გლეხურად გეგონა? .

— მაშა, კაცო!

— გლეხურად კი არა, თავადურად აცვია. შიგნით თეთრიანი ჩითის კაბა ეცვა, აი რუშიანს რო ეძახიან!

— აი ნაოქ ასხმული?

— ჰოო, ზემოდამ კიდე თავადური პოლკა. რალაც-კი ჰქვია სხვა: ტასიკომ მაჰწავლა. დაჰწყევლა ღმერთმა!.. ენი წვერზე მაღაია. ავეი ბატონიანთ ნენესაც არ აცვია, კაცო, იგეთი.

— ი ივანეჰ გოგოს ხო ეცოდინება იმიჰ სახელი?

— აბა, კაცო, იწყევლები! იმიჰ მეტი-კი ჰცოდნია რამე! დი-აკენიჰ ცოლთან ყოფილა შაგირდად და რა იქნება იგეთი, რო იმას არ უჰწავლეზია. ჩვენი ტასიკო ამბობს, იმან ხო გლეხური ლაპარაკი არ იცისო, სუ თავადურად სიტყვა-პასუხობით ლაპარაკობსო. აი ჩვენ რო ვიტყვით ჰხელები, ფეჰები, იმას ხო ეგრე არა ჰცოდნია, იმასა ჰცოდნია ხელები და ფეხები. წიგნსაც იგრე კითხულობსო, რო კარგი დიაკვანიც ვერ წაიკითხავს იგრე. „უფალო“ და „მამაუჩვენო“ დაისრულა და ახლა მოკითხვასა კითხულობსო. აბო ხელ-საქმე ჰცოდნია კარგი, აი! იგეთ ჩახსაკრავებს დაჰქსოვს და დაჰწერამს კიდევ ზედაო, რო ყვეარ ხარათა ღირსო!

— ევეი, რა მწავლული ყოფილა! ჩახსაკრავებზე როგორღა უნდა დაჰწეროს? არა ჰგვანებია ჩვენ მწერალს, ქალღღმუნდაც ძლიერა ჰწერავს!

— ოჰტატმა იცის-და!

— საოჰტატოც შენ მოგინდება ზევრი.

— ბევრი რა, ერთ თუმანს არ დამჯერდება?

— როგო არ დაგჯერდება, მეტი რალა უნდა!

— მივცემ, რა ჩემი ფეხებია, ვეღარ ამოვალეზინებ? ვაქსოვი-ნებ ჩახსაკრავებს და ვაყიდვინებ.

— რა, ჯიბი ბოხია ეცოდინება?

— ჩახსაკრავებზე ჰწერამს და ჯიბი ბოხია გაუქირდება!

— ერთი შამიკერეანე!

— არ დაიჯერებთ, კაცებო, ამ დასაქცევს ფული ექნება!

— იგრემც ჩემს მტერსა ჰქონდეს!
 — მა რად გინდა ჯიბი ბოხჩა?
 — ტალკვესი ვერაში შამინახამ.
 — ცოტა ძაღუები გყავ, რატო იმათ არ შააკერინებ?
 — ვაჰ იმათი, ძაღუები მე ვიცის..
 — მაშ კარგი, შაგიკერვინებ.
 — ვინ გირიგებს?
 — ვინ უნდა მირიგებდეს, იღბალია და ყისმათი!
 — როგო იღბალი და ყისმათი, მე რატო არა მაქვ მაგიჰთანა
 იღბალი?

— ჯერ სუფსარქისის მარხვა არ შაგინახამ?
 — ვინ მამაცლის იმიჰთვინ!
 — აი, რო შაგენახა, ნამდვილათა ჰნახამდი შენ იღბალსა და
 ყისმათსა. იმაზე მართალი არა ყოფილა-რა. ახლა როგო იყო:
 წლელუ ვიმარხულე. სუფსარქისობა რო თენდებოდა, იმ ღამეს აი-
 ღო დედა ჩემმა ერთი სათითე ფქვილი და ორი სათითე მარილი.
 არივა ერთათ, გამააცხო კვეერი და მითხრა: „ეჰ შაქამეო და დაიძი-
 ნეო, წყალი მოგწყურდებაო და, ვინც სიზმარში დაგალევიანებს,
 შენი იღბალი ის იქნებაო.“ დავწექ, დავიძინე და რო მამწყურდა
 წყალი, მაიტანა ერთმა გოგომ და დამალევინა. ავდექი თუ არა
 დილით, დედა ჩემმა მკითხა: „ვინ დაგალევინა წყალიო?“ რა ვი-
 ცი-მეთქი, ერთი ლამაზი, მაღალ-მაღალი გოგო მოვიდა და იმან
 დამალევინა მეთქი. „საიდან მოვიდაო“, და მეც გაუფშვირე ხელი,
 აი იქილამ მოვიდა-მეთქი. დედა ჩემმა შაჰკივლა: „უი, შეილო,
 ტასიკომ მელაპარაკა, შარშან მეშველიანთ ივანეჰ გოგოს შეენახა
 სუფსარქისის მარხვაო და შენ ილას დეელევიანებინა წყალიო. მე
 ტასიკომ დიდი ხანია მითხრა და შენ არ გეუბნებოდიო“. ტასი-
 კოსათვინ ეთქვა დედა ჩემსა, რო მეც ისა ვნახე, და ეხლა ტასი-
 კოა მაქანკალი.

— მემრე, სადილად ვიჰთან წახვედი ზღუდრიდამ?

— სადილად სუ ერთიანად ტასიკოჰთან წავედით, ვინც კარ-
 გი მომღერლები ვიყავით. მაგრამ რა გითხრა, გავაჯერეთ იკაურო-
 ბა. აბა, მეშველიანი ტასიკოს მეზობლები არიან,—რო უყურო,
 მოჰდგა ღობეჰთან იმოდენა ქალი და კაცი და სუ ჩვენ გვიყურებ-
 დნენ, როცა ვთამაშობდით და ვმღეროდით. მემრე ტასიკო მოვი-
 და და მითხრა: „ქარგია და ნუ დააწყვეტინე თვალები შენი ყუ-
 რებითაო“. მაგრამ მე უარესი ვქენ, კიდეც არ შეეცეცებოდა მუ-
 ხლები.

— ნეტავი შენ! ტყუილად-კი არ არი ნათქვამი: „ბედი ძამეო
 და სანახვეზე გადამავდეო“. მე არც ძმა გამამადლა, ძმარი ედინოს,

არც ბიძა, არც ბიძაშვილი, არც მამიდაშვილი, არ ვიცი, ვის რა დავუშავებ. ზოგს როგორი ილბალი აქვ! აბა რამდენით მე შენზედ დიდი ვარ, კიდევ ვიქნები ხუთი-ექვსი წლით დიდი; ხან წავეკიდე, ხან გავუწყერი ჩემ ბიძებსა და ძმებს: თქვე რო დაბინადრით და ზოგმა ქალებიც გაიპტუმრეთ, მეც ნულა მაყურებინებთ, დამაბინავებთ-მეთქი, მაგრამ ვერაფერი ვერა შევასმინე-რა იმ ოჯახ დაღუპილებს. ჯერ ვალი გვმართებსო, ვალს ველარ მივუმატებთ სხვა ვალსო. აბა ერთი შენ მითხარი, იმათ რო თავი დღეში ვალი არ მაიშორონ, მე დაუბინავებელი უნდა დავრჩე? მე ვეუბნები, საცა ი თქვენი შვილების გაპტუმრებაზე აღებული ვალია, ჩემი საქორწინო ვალიც იქ იყოს მეთქი. მაგრამ შაგადეს ქვა და შაუშვირეს თავი, პირი ვერ დავძარეინე იმ სახ-კარ დაღუპილებს!

— ბიჭო, შე რატო ეგრე ეხუმრები ვალს, იცი, როგორი კაცის დამღუპავია ვალი? ღმერთმა ჩემი ღუშმანიც ნუ ჩაადღოს ვალში და მეგრე სოფნის ვალში! ვენაცვალე დედა ჩემს სულში, რო იმან ვალი შამაჯავრა. სუ იმას ჩამჩიჩინებდა, ვალი კაცის დამღუპავიაო, ანამცა და ანამცა ვალი არ აიღო როდისმეო. ვალს უთქვამო: „კარის ჯუჯრუტანიდამ შეეძვრებიაო და კარებში ველარ გამოვეტყვიო“. აგე რა მოუვიდათ მამულოანთ. არ გახსოვს იმათი ცხოვრება, რა ცხოვრება ჰქონდათ? ვინა ჯობდა იმათ ამ მხარეზე? იმათი ცხვარი და ძროხა შინდორს აბნელებდა. აბა ეხლა შაჰხედე იმათ ნასახლარს, რასა ჰგავ? ვალმა არ ჩასცხო თავში!

— რას ამბობ, ვალმა კი არა, ვილაკამ ჯადო უგდო. ჩვენებთანთ ასაკის არ აბრალებდნენ, ღლარ გახსოვს?

— ჯადომ ჯადოდ იმუშავა და ვალმა ვალად, ორივე ერთმანეთზე მიჰყვა, თორე იმოდენა დოვლათი იგრე ანაძღეულად გაქრებოდა?

— ჰაიტა, მე რო ჩემ პატარაობაში იმათი მარილის ყორე მინახამ, მითქვამ ჩემ გულში, ნეტა რა ხარმა და კამენმა მოზიდა ამოტყლა ზღვა მარილი მეთქი! იგრე მალე სად ჩაიყლაბა იმოტყლა ცხოვრება!

— აბა ვალს ემაგრე ჰკოდნია, აი! ი ოჯახდატყეული, ი არტემაა რაღაცა, შაუჩნდა ჩრჩილივით და იგრე დაანიავა პატიოსანი ოჯახი. ის ოჯახდატყეული, თურმე ნუ იტყვი, მივიღოდა იმათას ღამ-ღამ, როცა საწვრილმანო დაქონდა, კარგსა სკამდა, კარგსა სკამდა და ერთი ბეწვა კევი რო მეწიწქნა ბალებიბისთინ, დავთაოში ჰწერამდა. რანაც ფულსა მოულობდა, იმასაც იმათ ასესხებდა, თუნდა არა ჰქირებოდათ. ატარა, ატარა, შაყენა უანგარიშო ვალი, მეგრე წაუსვა ხელი და წაართვა. ეი, მე რო იმას უყურე ერთხელ პური წყვაში! ერთი დიდი ხეავი იდგა მამულა-

ანთ კალოზე, მისდგომოდა შენი არტემა და, რო. ჰწყამდა, განა ხელს, მკლავს უხევედა, ის მკლავ-გასახზობი! კაცს ცრემლები გადმოჰჰყვიოდა, რო დენება. თითქო ნაღდი ფულები დაუთვალაო, ისე შეუბრალებლად ჰწყამდა, ის ოჯახ-დაქცეული. ვაჰ, ვალის პყვარებელს-კი... დედა-ჩემს ვენაცვალე სულოში, რო იმან ეგრე შამაჯავრა ვალი და მოჯამაგირობა, თორე ერთ ლუკმა ჰურსა ეკამ დღეს ღვთით, იქნება ისიც ალარა მქონდა. ეხლა შე რო ამბობ, რატო ჩემი საქორწილო არ აიდესო, იცი უფრო როგო დგაწვებოდა კრებზედ? მე რო შინ არ მეპოვებოდეს ყველაფერი და ვალის აღება დამჭირებოდა, იგრე უცოლ-შვილო დავდგებოდი და ვალს კი ჩემ სიცოცხლეში არ ავიღებდი. ჩემი თვალთ შაგაყვარა ვალი! მე ახლა რო ვინიშნები, სუ ყველაფერი მზადა მაქვს. შამადგომისა ათი დღის ნახნავი მაქვს და რა ღმერთი გაუწყრება იგრე, რო ოცი კოდი მაინც არ მაგიგროვდეს. ჯერ ეხლაღ მექნება კიდევ ძველი ოც კოდამდინ; აბა რალას შავკამთ ეხლა, საცა არი ყანები გაიჭრება. ახლა კიდევ გაზაფხულის მოსავალი? ეგნახიც კარგი მაქვს. თუ ღმერთმა ცა და ღრუბელი დაუმშვიდა, იმთენი მაძივა ყველაფერი, რო არამც თუ ქორწილში მეყოფა, კიდევ გავყიდი. საკლავებიც ეხლავე მყავ დვალანებულო. ფულადაც სამ ოთხ თუმნამდინ მექნება. როგო არ მეყოფა საქორწილოდ?

-- მაშ ეგ არი, გაათავე საქმე რალა?

— არა, აბა ჯერ საღ გავთავებდი, მაგრამ გათავებულივით კია. როგორც ჩვენმა ტასომ მილაპარაკა, „იგრე ჰყევხართ ყველას გულში ჩავარდნილი, რო იმათ შენ მეტი არავინ უნდათო“. მე უფრო არავინ მინდა იმის მეტი და ვერც არავინ, იმას ხელს ახლებს, სანამ ცოცხალი ვარ. იმათ დაუბარებიათ; რო უსანეთობას მოვალთ სახლის გასაშინჯადაო და პეტრე-პავლობას ნიშანი მოიტანეთო. უსანეთობამდინ ალო გამოვა და მეც მოცლილი ვიქნები.

— შენ იკეთები მელაპარაკე, ჩემო ძმაო, რო მეც ვამიფრთხა ძილი. ადგი, ხარები ავშალოთ და სადმე კვლებში შავრკოთ, ერთი კარვა მაინც დავაძლოთ, თუ ვერ დავიძინებთ.

მეხრებმა დააძლეს ხარი, დაჰყარეს ერთ მინდვრიანზე და თითონაც მიდეს თავები: ილიამ თავის შვინდა ხარზე და მეორე თავის ჯერანაზედ. სულ არა სძინებიათ ერთ საათს, ნამგლის პირსავით დაღუფულმა მთვარემ ამოაშუქა და დაუფრთხა უიმისოდაც დამფრთხალი ძილი ღამის მეხრებებს. უცბად წამოხტა ილია და დაუძახა ამხანაგს:

— ბიჭო, გიგავ, ადგი, გათენებამ მაატანა!

ადგა მეორე ამხანაგიც, აშაღეს ისევ ხარები და გაყოლეს

გუთნისავენ. მირგეს დილა-ბნელაზედ გუთანთან ხარი და დაუწყეს შეხება.

— ილაჲ, რა ილბალი გაქე, შე დასაქცეო! — უთხრა ამხანაგმა. — დღეჲ შენი ზენაა და რანაირად არი დამაძლარიი ხარი, რა დღიურს გადაჰქიმამენ.

უღელი ხარი-ლა ჰყვანდათ შესაბმელი, როცა მოვიდნენ გუთნის დედა და დღისის მეხრეები. დღისის მეხრეებმა წნელები დასინჯეს და, საცა უნდოდა, ახლები ჩააგრისეს. გუთნის დედა-კი გაემართა გუთნისკენ და აასხა სახნის-საკვეთი. შეაბეს, დახელა გუთნის დედამ ხარსა და სთქვა:

— დაილოცოს თქვენი მშობლის, ძუძუ, რა დამაძლარი ხარია! აბა, რა-კი დავკორწილდი, მას აქეთია, სუ გუთნი დედათა ვარ და, როგორც წლეულ დამაძლარი ხარი მოდის, იმიჰთანა-კი არსად მინახამ.

— ილამ იცის-და! იგრე გაატარებს სარტყლის ტოლა კვალს ში, რო ერთ თავთავს არ მააწყვეტინებს! — წამოიძახა ერთმა დღისის მეხრემ.

— მაშ ხარები რო მე მაძლობენ, მე-კი არ უნდა დავაძლო ეგენი? — უპასუხა ილამ.

— აბა, ილაჲ, ნაზურგი შევკრათ, თუ ნაფევი მივაგდოთ? — დაუძახა გუთნის დედამ.

— ნაზურგი, ნაზურგი!

— აბა ვახსენოთ ღმერთი. ღმერთო, შენ შეგვეწიე! — და გაისმა „ჰაე-ჰე-ჰე!“

კოტა ხნის შემდეგ ტოროლამაც მორთო თავისი დილის გალობა. თითქოს ტოროლას ჩამოართვაო, შემოსძახა ილიამ:

„უხერხული გუთნიჲ დედა
მეხრეებს ემუქრებოდა,
კოტა მხენელი და მთესველი
მაღალ ღმერთს ემდურებოდა.“

სხვა მეხრეებმაც მიაყოლეს ბანი და შემდეგ ყიყინა: „ჰაე-ჰე-ჰე!“

VI

ო ს ბ ა ბ თ ა ნ .

სოფელში აბრია დიეკანს „ძიან მწავლული“ ცოლი ჰყვანდა. თუ როგორი „მწავლული“ იყო დიეკანის ცოლი ანასტასია, იქიდანა სჩანს, რომ, როდესაც აბრია, წიგნების კითხვის დროს,

ან შეფერხდებოდა, ან ტყუილს გაურევდა და მღვდელი ამაზედ დაუყვირებდა, იქ მყოფნი დაიწყებდნენ ხოლმე: „ვაჰ, სად არი ეხლა შენი ცოლი, რო საჩქაროზე არ გადაბუღებულე!“ პეგრ-ჯელაც შელაპარაკებულან და წამოუყენებიათ მრავალი საბუთები, იმისი სწავლის დამამტკიცებელი; მხოლოდ მაშინ-ღა გაჩუმებულან, როცა გასჯაერებან. მართლაც-ღა როგორ არ უნდა ეწოდნათ ანასტასიასთვის „მწავლული“, როდესაც მთელი სოფლის მანდილოსანთა მკითხველ-მწერალი ის იყო. მანდილოსანთაგან, რასაკვირველია, მამა-კაცთაც ჰქონდათ გაკებული და, როცა დასჭირდებოდათ თამასუქებისა, ან სხვისა რისამე წაკითხვა და წამკითხველი ან არავინა ჰყვანდათ, ან ისეთი ვინმე შეხედებოდათ, რომელიც თავსა და ბოლოს ვერ გააგებინებდა, იტყოდნენ ხოლმე: „მაიტა ერთი იგრევ ტასიას წაუღო, თორე... იგრე გადამკითხონ როგორც ღვდელი. მეტიმეტი ჰწავლისაგან სუ თავს იქნევს!“

არც უნდა ყოფილიყო ანასტასია უცოდინარი. იგი იყო მღვდლის ქალი—ყველა შვილებზე უმცროსი. როგორც კოჟანდარი, იგი ძრიელ საყვარელი და ნებიერი იყო დედ-მამისა და ყოველი სიკეთე მისთვის ემეტებოდათ. რაც იცოდა და არ იცოდა, დედამ ყოველიფერი გადასცა ანასტასიას. წიგნის სწავლებასი-კი მამაც იღებდა მონაწილეობას, ასე რომ ხუცურიც-კი ასწავლა, პირდაპირ სამოციქულოში, და რამდენჯერმე წააკითხა ეკლესიაში სამოციქულო საუფლო დღესასწაულებში.

არც აბრია იყო მდარე კაცის შვილი. აბრია-ც მღვდლისა და დიდი ოჯახის შვილი იყო. როგორც სხვა ძმებს, ისე აბრია-საც დედ-მამის დაუდევნელობით, არ გაჰლებია სასწავლებლის კარები. იმისმა ძმებმა ზოგმა მონასტერში, კერძოდ მღვდლებთან, ისწავლეს საეკლესიო წიგნების კითხვა და კიდევ იშოვეს ზოგმა დიაოქობა და ზოგმა მთავარ-დიაკვნობა, აბრია-კი დარჩა ამასაც მოკლებული. სოფელ მს-ს მღვდელი ამავე სოფლის მცხოვრებელი იყო და სცდილობდა თავისი წინამოადგილის შთამომავლობა ისე გვენადგურებინა, რომ ადგილის შემცირებული აღიარებინა ჰყოლოდა. ამისათვის არამც თუ ხელს უშართავდა აბრიას, ყოველს ღონისძიებას ხმარობდა, რომ აბრია სასულიერო წოდებიდან გამოერიცხათ და გლეხ-კაცად დარჩენილიყო. დასანიშნი იყო აბრია, როცა ანაბანიც-კი არ იცოდა და სახლი-კაცების ჯიბრობით ძროხაში, გუთანზე და ურემზე დადიოდა. იქნება სულაც „ტყე-მინდვრის“ კაცად დარჩენილიყო, რომ აქეთ-იქიდან არ ეთქვათ: „თუ დიაოქობა არ იშოვნე, სასულიერო წოდებიდან გამოგრიცხამენ. და ხარჯს შეგაწერენ“. ამ გარემოებამ ძრიელ შეაფუცხუნა აბრია. ზოგიერთის მადლიანის კაცის შეშფო-

ბით ისწავლა ბუკური ანაბანა და მას აქეთ დავითნი არ მოუშორებია: ხან ჯიბით, ხან გულით ატარებდა თან და თავისუფალ დროს კითხულობდა. ისწავლა ისე, რომ ბოლოოჩინმა დაამტკიცებინა აბრია თავისავე სოფელში ღიაჩოქობის თანამდებობაზედ და მიათხოვა ობლად დარჩენილი თავისი დეიდაშვილი ანასტასია.

აბრიაც და აბრიას ძმებიც გაუყრელბებიც იყვნენ თავის ერის კაც ბიძაშვილებთან. მხოლოდ აბრიას ძმები თავიანთის ცოლ-შვილით სცხოვრობდნენ იქ, სადაც მსახურობდნენ; აბრია-კი თავის ბიძაშვილებთან ერთად სცხოვრობდა. ოჯახი რძალთა მრავალი იყო. ყველა რძლები, ანასტასიას გარდა, გლეხ-კაცის შვილები იყვნენ და ამისთვის ანასტასია ირჩეოდა იმათგან თავისის ხასიათით და ზნე-ჩვეულებით. ანასტასიას ახსოვდა თავისი ვინაობა და, ყოველთვის სცდილობდა, არ დაემცირებინა არც თავისი შთამომავლობა და არც კაცის ცოლობა; ბავშვებსაც-კი აგრძნობინებდა თავისის ქცევით, ვინც იყო. ანასტასიას ქცევა არ მოსწონდათ დანარჩენ რძლებს, მით უფრო, რომ ბევრს საქმეში, მ-გალითად. პურის ცხობაში, წყლის მოტანაში, სამარგელში და სხვა „სათაქლო“ საქმეში იმათთან არ ეწეოდა უღელს. იმისი საქმე იყო ჭურჭლის დარეცხვა, თონებზედ თვალის დაჭერა, როცა სხვა რძლები პურს აცხობდნენ, და ტაბაკით პურის შეზიდვა. როდესაც-კი უიმისოდ შეიყრებოდნენ ერთად რძლები, მოჰყვებოდნენ ხოლმე ტუჩების აპრუკვით იმის ქორვა-კილვას.

— ი ჩვენი პეწენიკი (ასე უწოდებდნენ ანასტასიას) სადა ჰმანდება? — იკითხავდა ერთი.

— რა ვიცი, ქა, ძრიან-კი ყვიტყვიტებს-და; იტყვი, მაგისი მოახლო იყოს ვინმე! — ჩამოართმევდა მეორე.

— ი, მეზი-კი დავაყარე მაგი თავსა და ჩავტოვე! რაო ახლა, ვინ არი მაგაზე ნაკლები, ან კაცი შვილა? აქა-და, მეო-და დიაკ-ვნიჰ ცოლი ვარო, თავზე ბუზს არ ისვამს! — დაუმატებდა მესამე.

— რა ვიცი, ქა, უწინ ღვდლი ცოლებიც არა დიდობდნენ ემაგრე! — იტყოდა მეოთხე.

— თუ დარღვევს ჩვენ ოჯახს, ეგ დაარღვევს! — დასკვნიდა მეხუთე. ბევრს სხვა უწამაწურობასაც ლაპარაკობდნენ ხოლმე ტასიაზე.

უფრო იმაზე მოსდიოდათ რძლებს ჯავრი, რომ ანასტასია არა სცხოვრობდა საზოგადო სახლში — რძლებთან ერთად. ისა სცხოვრობდა ცალკე მარანში. რამდენადაც ძლიერდებოდა ანასტასიას მიმართ რძლების სიძულვილი, იმდენად თვით ტასია მალ-ლდებოდა გარეშე ხალხის თვალში. ყველა ანასტასიას ამართლებდა, ყველა იმას ამბობდა, რომ ტასიას ღირსნი არ არიანო, იმისი

ფასი არ იცინაო. ამ შემთხვევაში ანასტასიას დიდადა შეელოდა ის ვარემოება, რომ წერა-კითხვა იცოდა და ამით დაელოდებოდა ჰყვანდა ხალხი. წერა-კითხვაზე იყო მისი მიზნები, რომ ყველა, ვისაც კი მოეყრებოდა ქალი გასათხოვრად, ანასტასიასთან გაზენიდა შეგირდად.

მართალი რომ ვთქვათ, ანასტასია არ იყო ღირსი რძლების კიცხვისა. იმისი შეგირდები ოთხს იმდენს აკეთებდნენ, რაც იმას თავის წილად საქმე შეხედებოდა. სხვაც არა იყოს-რა, სოფელში ანდაზა იყო: „ღვდლიანთ (თუმცა იმათ სახლში მღვდელი აღარ იყო, მაგრამ მაინც ისევ ღვდლიანთ ეძახოდნენ) ეზო-ყურეში ერბო აიკრთებოდა“. რასაკვირველია, ეს სულ ანასტასიას შეგირდების უნარი იყო, ყოველ დილა-საღამოს ჰგვინდნენ შინ და გარეთ მთელ ეზოს. წყლის მოტანა, ცეცხლის ანთება შეგირდებზედ იყო პინაპრებული. გარდა ამისა, ყოველი რძალთაგანი, ნამეტნავად, ვისაც აკვანი ედგა, ისე დაასაქმებდა შეგირდებს, როგორც უნდოდა.

თავისი საცხოვრებელი ადგილი—მარანი ანასტასიას ყოველთვის სუფთად და მილაგებულ-მოლაგებული ჰქონდა. ტუპკირები და გოდრები ელაგა საწნახელში. მარჯვნივ კედელზედ იყო გაწყობილი სარკმლები, მაწაწურები და ეკიდა ხაპირი და ყელიანი გოგრის ძაბრები; მარცხნივ ნახევარ ბაქანზე იყო გაშლილი ფარდაგი; ფარდაგის თავში მარცხენა კედლის ძირზე ელაგა აკეცლი ქვეშაგები. ძირს, ბაქნისა და კედლის კუთხეში, იდგა სკივრი; სკივრს ქვემოთ პატარა ხილის კიღობანი. სკივრსა და კიღობანს წინ იყო ხოლმე გაშლილი ნაბადი, რომელზედაც იჯდა ანასტასია საქმის დროს. იმას ქვემოთ სხდებოდნენ შეგირდები. მარჯვენა მხარეს-კი არ ეკარებოდნენ არც ანასტასია და არც შეგირდები, რადგანაც ბლომა ზედაშეები იყო.

ანასტასია ასწავლიდა წერა-კითხვასა და ხელსაქმესა. შეგირდები ორ განყოფილებად ჰყავდა ხოლმე განსაზღვრული. პირველს განყოფილებაში ირიცხებოდნენ გასათხოვარნი და სწავლობდნენ: „ანაბანას“, „უფალოს“ და „მამაო ჩვენოს“. ხელსაქმიდან: სახის შეყრვას და ჩახსაკრავის ქსოვას. მეორე განყოფილებაში ირიცხებოდნენ გათხოვილნი და სწავლობდნენ: „მოკითხვას“ და სწერდნენ ნახშირით ბეჭუდ; ხელსაქმიდან: ჰპარგავდნენ ყაჯრებს და აკეთებდნენ გვირგვინებს. სწავლებაში ანასტასია არაფერს იღებდა ქალის პატრონისაგან, გარდა ძღვენებისა ყოველ ბედნიერ დღეებში და, როცა გათხოვილს ქალებს მოსაკითხი მოუვიდოდათ, მხოლოდ ჯვარის წერის წინ იღებდა სანეფოსაგან „საოსტატის“ ხუთ მანეთიდან ვიდრე თუმნამდინ.

ერთ დღეს, როცა შეგიძლებოდა მოიშორეს მოვალეობა სახლ-
კარისადმი, მიუხედავად მარანში თავიანთ საქმეს. ამ დღეს მარტო
შვიდი შეგიძლია ქალი იყო. ორს მუხლებზედ „ანა-ბანა“ ელო,
ერთი მისჯდომოდა აკვანს და კალთაზე უფულო ელო. მეოთხე ქალს
ელო წინ ქარგაზე გაბმული წითელი მაუდი და ყაჯარსა ჰყარავდა.
დანარჩენს სამს გეგბათ ძაფები და ჩახსაკრავსა ჰქსოვდნენ. ერთი
აწყობდა, ორი უბეკვდა; ჩახსაკრავზედ იწერებოდა შემდეგი ლექსი:

• ვარ ჩახსაკრავი ლომისა,
მუდამ მსურველი ომისა:
უყვარს თვისი გამარჯვება,
და დამარცხება მტერისა“.

ანასტასიამ ჯერ ერთს წააკითხა „ანბანი“, მერე მეორეს.
შემდეგ მიუახლოვდა აკვანთან მჯდომარეს და ამანაც დაიწყო:
„უფალო-უფალო იესო-იესო ქაიისტაე-ქრისტე ღმერთო-
ღმერთო!“ ამნაირად წაიკითხა ბოლომდის დანარჩენიც: „სწავლა
კეთილად მოუხდინე მხეველსა შენსა ეკატერინესა, რათა ისწავ-
ლოს წიგნი და წერვა, და გაქოს და გადიდოს უკუნითი უკუნი-
სამდე. ამინ“. ყაჯრის მკერავს დაუწყო ღონჯიანი კაცის სახე,
ჩახსაკრავის მქსოვთ ასო „ლ“ და თითონ გავიდა თონჯზედ, რა-
დგანაც საცხოები ჰქონდათ. გასვლა ანასტასიას და ჩახსაკრავის
არევა ერთი იყო. ბევრი ეწვალენ, ყაჯრის მკერავს მიეშველა,
მაგრამ ვერა გააწყეს-რა.

— იმნეტავი მეც ეხლა ყაჯარსა ვკერამდე, ეგ ავიღო! —
წამოიძახა ჩახსაკრავის მქსოვმა-დამწყობმა, როცა დაიწყო მუშაობა.
რომ ვერას უშველიდნენ წამხდარ საქმეს.

— შენ აღვილი გეგონება — სუპასუბა ყაჯრის მკერავმა.

— მა რატო შენც ჩემსავით მალ-მალე არ გერევა?

— იმისთინ, რომ მე დიდი ხანია შავირდადი ჯარ და ვიცი,
შენ-კი გუშინ მოხველ. განა ეგრე მალე დავაწყობინებდა ოსტა-
ტი ჩახსაკრავს, რო არ გეესინჯეთ რა! ეგრე მალე იმისთინ დავა-
წყობინა ჩახსაკრავი, რო მანამ ხელს დავდებენ, გაათავო და ახლა
ყაჯარი და გვირგვინები დაიწყო, რო ქორწილებამდინ მოასწრო.

— ნეტავი შენი სიცოცხლითა და ბედნიერებით, მოხდეს და
იგრე მალე შევეკრო ყაჯარიცა და გვირგვინებიც, რო!..

— იგრე შამრჩეს ძმა, შენ ტყუილად გგონია, რო ყაჯრის
კერვა აღვილია!

— იცი, ქალო, მაგას რაზე ვამბო? მე ეხლა გული გულის
აღაგას აღარა მაქვს და თავბედისა არაფერი გამეგება. ი გულ-
კედრის შეილმა, ჩემი გულიცა და ჰკვაცა და გონებაც იმან წაიღო!

— იგრე იციან ბიჭებმა შენიბთანა ქალებისა!

— რა ჩემიბთანასი, შენ-კი არა ჰყოფილხარ ამიბთანა ცეცხლში?

— ყველას მაგიბთანა წყალი დეესხმება ხოლმე, ჩემო მარო! მეც ისე გადამრიგა სოსიას ნახვამ, როგორც შენ ილას ნახვამ.

— არა, რო არ შაიძლება, ძე აღამიანს უყვარდეს ვინმე ისე, როგორც მე იმ გულ-მკვდარმა—ნულარვე, —ჩამიგდო გულში სიყვარული! ნეტავი ერთი დეგენახა, როცა თანა მღეროდა და თან უვლიდა წყალ-წყალა ჩიტივით, —სუ ზლიქებზე დგებოდა. მემრე იგეთი გამოკანკლული იყო, რო, იტყვი, პეწენიკი თავადიშვილიაო! ნაბდი ქული გვერდზე კოხტად მემგდო, ბუზმენტ-მოვლებული თავთის პერანგის გულისპირი წითლად-კი უღალანებდა! იგეთი ჩოხა-შალვარი და ახალუხი ეცვა, რო აღამიანი ვერ გაძლებოდა ყურებით. ი ბადრივით პირზე კიდე შუქი გადაჰდიოდა, იტყვდი, ახალი ამოსული მთვარეაო. მემრე, რაც სახელი მე მიყვარს, ისა ჰქვიან.

— ჩემსასაც ისა ჰქვიან, რაც მე მიყვარდა.

— ნეტა ყველას ეგრე უცბად ეკიდება გულზე სიყვარული, როგორც მე უცბად მემგდო?

— შენ ჯერ ცოტა გინახამ, ჯერ შენი ხო არც-კია, დიგულე შენად, სიყვარული მაშინა ნახე!

— მართალია, ჯერ საქმე არ გათავებულა, მაგრამ გულმა-კი დანადვრცელები იცის, რო ჩემია და ჩემს იქით არსად წავა. ამ კვირია ჩვენები შილიან სახლის სანახავად; თუ ჩვენებმა თან არ მაიტანეს ბოლოვა, სწორზე თითონ მოვლენ და დამდებენ ხელს.

— რო არ მოჰუეს, რას იზამდი?

— უი, უწონ დღე გამიქრეს, მაშინ ხო, სცა დიდი წყალია, იქ გადავევარდი და დავიღრჩე თავი!

— აბა, მგე ემაგრე ვფიქრობდი აი, თუ სოსია არ მომხდარბყო.

— ოჰ, რა ძნელი ყოფილა სიყვარული!

— აკი გითხარ, სიყვარული მაშინა ნახე, როცა ხელს დაგდეხს! როცა საღამ-საღამობით მოვა და უბითა და ჯიბით მოგიტანს, რასაც იშოვის და იპოვის, სიყვარული მაშინა ნახე! იზი მონატანიც ისე გეყვარება, როგორც ის. აი, ე ბეჭედი—უჩვენა თითი ამხანაგმა ქალმა—ჩემს თავს მიჩვენია. როგორც სოსია მიყვარს, იგრე ეს ბეჭედი. როცა პირველად მამა ჩემმა დაჰპატიჟა და მოვიდა, მაშინ მამიტანა და მას აქეთია არ მამიშორებია; მძინამ თუ მღიძამ, სუ ხელზე მაქვ გაკეთებული. ამას რო უკურებ, აგრე მგონია, სოსიას უყურებამეთქი.

— ბელგაზე-კი არ იყო ბეჭედი?

— ბეჭედი და რა ბეჭედი! კარგისაგან კარგი. იმას როგო ვა-
ვიმეტებ გასაფუქებლად. სოსიაზე სთქვა, საში მანეთი მივეციო—
ვერცხლისაო. ეს ბეჭედი-კი არ არი უბრალო, ამაშიაც საში აბა-
ზი მიუცია, მაგრამ ის სუ სხვა არი.

— რა თქმა უნდა, რო კარგი იქნება, რა-კი ვერცხლისა-
ყოფილა!

— ბაღდადი კიდე! ერთი ვეებერთელა საბნის ტოლა არი!

— რა კარგი ყოფილა გათხოება. ნეტავი შენ, რო გული
გულის ალაგასა გაქვ!

— როცა-კი მოსულა სოსია, ცარიელი არ მოსულა—ხურ-
ჯინი გატენილი მოუტანია. მწარე ნიორი რა არი, მწარე ნიორიც
რო მოიტანოს, ისიც თაფლია. ძალიან ტკბილი ყოფილა ქმრის
ლუქმა!

— ი, ღმერთი-კი გაუწყრათ და ეამი შაუდგათ ამ უპატრო-
ნო ღლეებს, რო ჭიაყელავდებიან!

— ნუ გეშინიან, შენც მალე მაიხდი ოფლს. ერთი ეგ არი,
გათხოვებისას ვერაფერს გაიგებ. გათხოვება იმან დაიკვიროს, ვინც
აღდეკომას გათხოვილი მიჰგებებია. რა ტკბილი იყო წლეულ ზემ-
თვინ აღდეგომა, რო იცოდე! დიდ შაბათს, ჯერ შაბინდებული არ
იყო, რო ზემა პატარა მაზლმა მოგვიყვანა კარებზე დატვირთული
ცხენი. რა არ იყო ხურჯინში, როცა ამოვალაგეთ: ეს წითელი
კვერცხიო, ეს ახალი ყველიო, ვინ მოჰთვლის! რა უნდოდა თეა-
ლა და გულს, რო შიგ არ იყო. ბატკანს კიდე თავი ჭიაფრით
ჰქონდა მალებილი. მაგრამ მე სუყველას თავი დავანებე და მივეარ-
დი შაკრულ ბოლჩას. გავხსენ, ქალო, და იგრე გაიხაროს შენმა
გულმა, როგორც მე გავიხარე. ლამაზი, დახატული ბაშმაკები,
კარგი ლამაზი კოტიტკა, კარგი ჩითის საკაბე და ერთიც კარგი
თასაკრავი. ამას რო მოვრჩი და, ზემა მაზლმა მამიტანა და მამცა
ხელში ჯოხზე მიკრული ვეებერთელა კელაპტარი. სუ ყველან-
ე-კი ზემ კელაპტარს უყურებდნენ ევლოგიაზე. ზემიტანა კელაპტარი მარ-
ტო ბატონიანთ ქალებს ეჭირათ.

ღმერთმა ნუ დაუღიოს ზემი ცოდო ზეენებიანთ ბაბაღეს! იმას
რო არ ვეძაგებინე, აღებაშივე დამდებდნენ ხელს და შენ გეყურე-
ბინა მაშინ, ან როგორი მოსაკითხი მამივიდოდა ან კელაპტარი
სააღდეკომოთ. აგრე ამოზენ, რო ილიასთანა თავმაშწნე ბიჭი ღე-
დამიწის ზურგზე არ დაიბადებო. სუ იმას ცდილობსო, რო ყვე-
ლაზე მეტი და გამარჯვებული იყოსო. აბა ის რას მაკადრებდა
უბრალო კელაპტარს, თუ ძრიან კარგისა არ იქნებოდა, მაინც
გაღამიხდის სხვა ნაირად. კინალამ-კი, იმ გასაშეებელმა და შეილ-

მკვდარმა, —ხელიც იმისკენ და პირიც—ხელიდამ არ გამაგდებინა ილიას! თავისი დაშავებული გომბიო უნდა ეყიღნა ი ლომივით ბიჭიჭთვინა და ღამიწყო მე ძაგება: ეს აგეთიაო, ეს იგეთიაო. თარაქამა არიო. რა უთარაქამე, ნეტავი შამატუობინა! ვაჟკაცი რო შეეხეროს, პირს არ მაარიდებსო, იგეთი უნამუსოაო. ეგრე ვეძაგებინე მართლა-და იმ უნამუსოს, აგრემც დაცარიელებულა ის ვაჟიშვილებიდან და გაუშავდება იმას დაშამული ქეთას გვირგვინი! თქვენ ეი,—მიუბრუნდა დანარჩენ იქ მსხდომ გოგოებს, —გაგაქრობთ და გაგაწყვილებთ, თუ ვისმე ამბავი მიგიტანიათ!

—მართლა, ქა, და მეტი-მეტად იცი, რო ვინც უნდა შამოგვხდეს, პირს არ მაარიდებ!

—რა არი ახლა, რო არ ვარიდებ? თავი რო არ ჩავლუნო და პირდაპირ შეხედო ვისმე, იმისთვის უნამუსო გავხდები?

—უნამუსო-კი არ გააჩნდება, მაგრამ ამბობენ, აშილიაო.

—რა აშილობა არი, ქა, თქვენი ჭირიმეთ, რა თავს არა ვლუნამ, ვინც შამამხედება? თავის ჩალუნა მაშინა მეფერობს, როცა თავზე გადახედია რამე და სირცხვილით პირი მეწვება. სოფიოი თუ თავ-ჩალუნული დადის, იმისთვის არ აბულრაგებს თავისზე დენა მიღეთ ხალხს! აგე იმასა ჰფერობს თავის ჩალუნა და კდევცა ჰლუნაჲს, აბა მე რა გადახედის, რისათვის უნდა ჩავლუნო თავი?

—მაშ ვინც ვაჟკაცს შაახედება და თავს ჩაჰლუნავს, ყველას გადაჰხედია რამე?

—ყველას-კი არ გადაჰხედია მაგრამ ან უნდა გადაჰხედოდეს რამე და პირი ერცხვინება, ან უნდა ულამაზო იყოს და არ უნდა თავისი სისახიჩრე გააგებინოს ვისმე.

—ეგე, შენი პირითვე ჰთქვი! კიდეც მაგას ამოხენ ყველანი, რო სილამაზის ხმა აქვ დავარდნილიო, თავი მოჰწონსო და იმისათვის არავის არიდებს პირსაო.

—ჰო და, რად დავარიდებ, როცა ვიცი, რო არავინ არას მერჩის და მეც გული წმინდა მაქვ!

ამ სიტყვებზე მოასწრო ანასტასიამ, გაუსინჯა საკმე და რა ნახა. რომ არავის არაფერი გაეკეთებინა, მოუგრინა ხორცი.

VII

წიგნების.

მართს წისქვილს—მდინარე იორზედ—წინ უდგა დიდი, „ქუდი ვით შაკრული“ ვერხვი; თითონ წისქვილსაც ვერხვისაგან მიუღია სახელი და ჰქვიან „ვერხვის წისქვილი“. დიდი ამაგი მიუძღვის ამ

ვერხეს მოსაფუქვავეთა წინაშე. ზაფხულობით, როცა ძვირდება წისქვილები, ამ ვერხვის „შავი გრილო“ იფარავს მოსაფუქვავეთ მზის შუვავე სხივებისაგან: ბევრს მუშაკს ამოუქშენია თავისუფლად, ხანგრძლივის მუშაობის შემდეგ, და გამოუქმნია ტკბილი ძილი ამ ვერხეს ქვეშ; თანაც ძილში დამტკბარა იმისი მახვილი სმენა ფოთლების შრიალით, რომლითაც ვერხვი თითქმის მძინარეს ნანინანად ეუბნება იმის გულიდან განუშორებელს ნატვრასაო:

„მუშას წელი ნუ ატკივა,
ფურსა ძუძუ, ხარსა ქელი“.

ერთხელ, აგვისტოში ვერხვის წისქვილთან იდგა ოცამდის საფუქვავის ურემი. შუადღისას მოსაფუქვავენი შეგროვილიყვნენ ვერხე ქვეშ, ზოგს ეძინა, ზოგი შეექცეოდა ახლად გამომცხვარს ხშიადს და ივრის წყალს, ზოგნი, ახლად გამოღვიძებულნი ტკბილის ძილისაგან, შეექცეოდნენ ყარფუხს. მხოლოდ შეიდიოდრევა კაცს მოეყარნა ერთ აღვილს თავი: ზოგი მოკეცილი იჯდა, ზოგი მხარ-თედოზე იყო წამოწოლილი, ზოგი პირქვე იწვა. პირები-კი ერთმანეთისაკენა ჰქონდათ მიქცეული და საუბრობდნენ ჯერ-ჯერით.

— ეი, კაცებო, თქვენმა გამარჯვებამ, რა ნაირად შამოვარდება-ყე სიცხე! იტყვი, კაცს სული უნდა ამოჰხუთოსო, — სიტყვა ერთმა.

— დაიწვა, დაიწვა, თქვენმა გამარჯობამ, ცა და ქვეყნიერობა! — ჩამოართვა მეორემ და შემდეგ სხვებმაც ერთი-ერთმანეთს.

— ამობენ, კაცებო, მთელ დუნიაზე ეგეთი გვაღეაო.

— რატო ერთი ი ელია არ გამოუძღვება ღრუბლებს და არ მაიყვანს წვიმას, რო გაგრილდეს ცა და ქვეყანა!

— ი თხა ხო არ დაუვარდა?

— ან ის ოჯახ-დასაქცევი, ი ბებერი მაინც რატო არ ადგება, რო ქარმა ქროლა დაიწყოს და იმან მაინც გააგრილოს დედამიწა!

— ოჯახი რო დეექცესი ვაჰ, ერთი წამავლებინა იმიჰთვინ ხელი, ცოტა ჩვენებიანთ ბაბალეს ჯავრიცა მჭირს, იმი ჯავრსაც იმაზე ვიყრიდი... არ დაიჯერებთ, ბიჭებო, ისიც ჩვენებიანთ ბაბალესავით ბალყუმი იქნება!

— მე კიდე იგრე გავიგონე, რო ე ამოდენა სიცხეები წარღვნი ნიშანიაო. გუშინწინ მინდვრიდამ მივედი შინ და ჩვენი დედაკაცებს მივასწარ ლაპარაკზე, რო სომხი ტერტერებს კარაბადინი გაუხსნათო და უთქვამთო, რო წარღვნა უნდა მოვიდესო. ორი-სამი თვე იგრე ვცხელებო, მემრე ჰამბას ითოვლებსო და ცამ-

დინ ააგებსო. მეეკიდება ბამბას ცეცხლიო და სუ ერთიან გამოიხუხება შიგ ყველაფერიო.

— ხო დაილუბა მთელი ღუნია?

— განა უწინ-კი არა ყოფილა წარღვნა-რა?

— უწინ წყლითა ყოფილა წარღვნა და დიდი წარღვნაცა ყოფილა. ნოქვთინ ჟებრძანებია ღმერთს, რო ერთი დიდი კიღობანი შაკარიო, შენც შიგ შადიო და ოთხ-ფეხი პირუტყვიც და ფრინველებიც შაიყვანე სათესლედაო. ნოესაც შაუკრამ გვებერთელა კიღობანი, შასულა შიგ თავი ცოლ-შვილით და ყველა ოთხ-ფეხი და ფრინველები შაუყვანია, კამეჩი-კი დაჰვიწყებია; მოვარდნილა ცი-დამ წყალი და მოუტივტივებია მალლა კიღობანი. საითაც კიღობანი მიჰქონდა წყალს, კამეჩიც მიჰდევდა თურმე უკან ცურვით და ეძახოდა „ნოე“. იმისთინა როყინოზს ეხლა „ჰაე“, რო ნოეს ეძახის.

— ეი, ბიჭებო, ეხლა არ მოვედი გული ხმას, მართლა ნოე არ გამოდის!

— მა აქამდი არ იცოდი?

— ნოეჰ კიღობანი ეხლაც იგრევე ხელ-უხლებელია; ერთ დიდ მთაზე დგა მარილეთი გზაზე და იმ მთას გაუწყვეტელი ნისლი და ბურვი ახვევია; ძე-აღამიანს ვერ შეუძლიან იმ მთაზე ავიდეს. რამდენმა წმინდა ბერმა მოინდომა თურმე ასვლა, მაგრამ რამწამი-სულა შუა გზას, დაჰძინებია და ანგელოზებს აუწყენიათ და იგრევე ძირს ჩამოუტანიათ.

— ჰო, მეც ე მაგრე გამიგონია.

— ბიჭებო, რა გვეშეგლება, რო აქავე მოგვაჰწროს წარღვნამ? ეს ოხერი, რალა ეხლა დაძვირდა ე წისქვილები!

— რამ დაგაფეთიანათ, კაცებო? აი შაგირცხვათ კაცობა! ე მაგრე მალე უნდა შაგეშინდეთ? ტყუილი ხმემა. ჩვენშიაც გავარდა წარღვნაზე ხმა. მასკვან დედაკაცებს ეკითხნათ ჩვენი ღვდლი ცოლითინ და იმას ეთქვა, რო მანამ „ჰ“-სა „ჰ“-ში არ მივალთ, წარღვნა არ მოვაო.

— „ჰაე“ და „ჰ“ რალა?

— თარიღიაო.

— თარიღი რალა!

— მე კიდე აგრე გავიგონე, რო აი ანგლიჩნებმა რო რალა-ცა მაშინა ვადმოგადეს, იმაჰ გამოჰყვა ეგეთი გვალვებიო.

— აი, ოჯახი დეექცათ, როგორც იმათ მთელი ქვეყნიაოზა დალუბეს!

— ნეტავი მითხრა, მართლა არაფერი არ აბია შიგ?

— აბია-კი არა, ცეცხლითა მუშაობსო.

— ეი, თქვენმა გამარჯობამ, ცეცხლით როგო მუშაობს?
 — რა ჰქვიათ ხემწიფე ყოფილა, ვისაც ის მოუგონია!
 — ჩვენი ხემწიფე უფრო ჰქვიათ არა ყოფილა, რო აი მეს-
 რებზე რაა გაბმული, ის მოუგონია!
 — ი რაღა არი, ნეტავი მოთხრა?
 — ის ის არი, რო საჰწრაფო წიგნებსა ჰგზავნიან იმით.
 — აბა როგორ?
 — ერთი რაღაცა არის პეპელასავითაღ, იმაში ჩაპდებენ წიგნ-
 საო და იგრე მოჰკურცხლავსო, რო თვალს ვერ მოჰცხობს კაციო.
 — არ დაიჯერებთ, კაცებო, თქვენმა გამარჯობამ, იმ დღეს
 მე დავინახე, ბუზიჰ ტოლა ჩანდა და სუ ისე სრიკინ-სრიკინი მიჰ-
 ჰქონდა.

— კარგი თვალი უნდა, რო ის დაინახოს კაცმა.
 — ჩემა მზემ და თავი არ მამიკვდება, მე დავინახე.
 — ყველაფერი მაიგონა ე ჩვენმა ხემწიფემ და ე სიკვდილის
 წამალი კი ვერ მაიგონა, — თქვა ერთმა ხნიერმა კაცმა.
 — რაც უფლის დაწერილია, იმას როგო მაიგონებს ხემწიფე!
 — ხო უფლიდამ არი ნაკურთხი და რატომ ვერ მაიგონებს?
 — იმიტომ ვერ მაიგონებს, რო უფალს იქ უწერია: მავანი
 კაცი მევან ღროს უნდა მოკვდესო და აბა ხემწიფე როგო ამოჰ-
 შლის, რაც უფალს დაუწერია?
 — ნეტავი რომელი ხემწიფე უფრო ღონიერია?
 — ჩვენი ხემწიფითანა ღონიერს არავის ამობენ, სუ ბუინა-
 სავით გამოჰყავ ჯარიო.
 — რას ამობ. ანგლიჩას ხემწიფეს ამობენ, ღრუბლითა
 ომობსო.

— ეი, ის ოჯახ-დასაქცევი, რა ღონიერი ყოფილა!
 — აბა ცა და ღრუბელიც იმიჰთვინ შავიკრა იმ სახ-კარ და-
 ღუბულმა, რო ღრუბლების ხემწიფეცა ყოფილა-და!
 — ჰმ! მაგიჰთანებისა მე მკითხოთ, ვინ არი ღონიერი და ვინ
 არა? — წამოიძახა ერთმა მოხუცებულმა. — ღონიერი ყვენია და
 ხონთქარი! ყვენი რო ტახტიდამ დაიძვრებო, მზე და მთვარე და-
 ბნელდებაო; როცა ხონთქარი დაიძვრება, მაშინ კიდევ დედამიწა
 იძვრებო.

— ჰა, დედა, აგე ღონიერები ვინა ყოფილან!
 — რატო მალ-მალე დაიძვრებოდა ე ხონთქარი!
 — ხონთქარი წელიწადში ერთხელ დაიძვრება ტახტიდამო
 და ყვენი-კი სამ წელიწადში ერთხელაო.
 — მაშინ იმ ოჯახ-დასაქცევმა განაყოფთ ბასილამ მამატყუა?
 ჰვეყნიარობა ერთ დიდ თევზზე ღვაო. თევზს ბოლო პირში უჭი-

რავსო და როცა ბოლო გეგშეება პირიდაშო და იმი დასაქერად შატკედებაო, დედამიწაც ინძრევა მაშინაო.

— აბა, კაცებო, რა ოჯახი დაჰქცევია, იმოდენა თევზს წყალში როგო იმაგრებს?

— ბებია ჩემმა კიდე აგრე მითხრა, რო მზე და მთვარეს გველშაპები დაიქერენ-ყეო და დაბნელებენ-ყეო. მანამ ძირილამ თოფებს არ დაუშენენ, არ გაუშვებენ-ყეო.

— ჰო და ყენს ჯაჭვითა ჰყავ გველეშაპები დაბმული, და როცა აღგება, მაშინ ცოტა ხან აუშვებს-ყე და მაშინვე მხესა და მთვარეს მისცივდებიან-ყე.

— კარგამც დაბმულები ჰყოლია, თორე ვინ იცის, აქამდინ რამდენჯერ ჩაბყლაპამდენი!

— თევზს კიდე ბოლო მაშინ ეშვება პირილამ, როცა ხონთჰარი აღგება-ყე ტახტილამ.

— მე კიდე ისევ იქა ვარ. ის ოჯახ-დასაქცევი, რა მდიდარი იქნება ი ანგლიჩას ხემწიფეა ვილაცა! მგონია მაშინ მოჰყავ წვიმა, როცა ყანებს უჭირს.

— არა, ჰურით ჩვენი ხემწიფე დაჰკრამსო და ფულით-კი ისასჯობიაო.

— საცა ჰური იქნება, ფულიც იქ არი.

— ნეტა, ბიჭებო, მჰადი სხვაგანაც იქნება?

— ჰმ, მაშ უმჰადო ალავი იქნება? საცა გლეხი კაცია, მჰადილც არი.

— გლეხი კაცი რო არ გეჩინა ღმერთს, ხო არც მჰადი იქნებოდა ქვეყნიერობაზე?

— ვილაჰთვინ იქნებოდა? წმინდა ჰური თავადებიჰთვინ გაუჩენია, ქერი ჰური—ანჯაურებიჰთვინ და მჰადი—გლეხი კაციჰთვინ.

— დახე, იმ დასაქცევ ილიას, როგორი კარგი ყარფუზები უყიდნია!..—ამ სიტყვებზედ ყველამ გაიხედა იმ მხრისაკენ, საიდანაც მოდიოდა ერთი ახალგაზდა გლეხი, რომელსაც აქეთ-იქით ილღიებში ეჭირა ორი ყარფუზი.

— რა კარგები გიყიდნია, რა მიეცია?—ჰკითხა ერთმა მოსახერბრეთაგანმა, როცა ემაწვილი გლეხი მოახლოვდა მათთან.

— თითოში რვა გროში-კი მიეცია-და!

— დაიჯერე, კარგებისაა.

— მაიტა, ერთი პირი გავასველებინე!

— ვერას გაიგებთ! აგე ბალი, წადით და გაიხელოთ. ამ ყარფუზებს სხვა პატრონი ელიო.

— აი, შე დასაქცეო, შენც-კი მიგიხარბიან ი გოგოჰთან!

— არ მეყოფა? კინაღამ არ დავტოვებდი ამ ერთ კვირაში.

— ეგ იმიტოვინ მოგივიდა, რო გალმა ირ წაიღე და აქ წამაიღე.

— კაცმა ყველაფერი უნდა გამოჰცადოს. ეთქვი, იორში უნდა წავიღო-მეთქი და სიტყვას აღარ გადაველ.

— რა გინდა, მოსაკითხისათვის ხო მააქწარ-და!

— მოსაკითხიზოთინაო! ერთი სიტყვით, მეწისქვილეებსაც და მოსაფქვევებსაც სუ დაეხანჯლავედი, სამარიამობოთ, რო ვერ მა-მეჭწრო დეტქვა და მოსაკითხი. გასაგზავნი დამრჩომოდა. შენ არ იცი, რო მელიას მეძახიან?—ყმაწვილი ბიჭი გაემგზავრა ერთი ურ-მისაკენ, რომელზედაც ფქვილის საცალოები ედო, ჩააწყო ურემში ყარფუზები და დაუწყო შესაბმელად მომზადება.

— რა ყოჩალი ბიჭი ჩანს?

— ყოჩალი და მაგრე!

— არა, ზედ ეტყობა-და!

ღმერთმა დალოცოს მაგისი გამდლის ძუძუ, ერთი სიტყვით, მთელ ღუნიაზე არ დაიბადება მაგითანა ფოლადიანი ბიჭი!

— რა გუთანზედაც ეგ ლამი მეხრედ უდგა, იმ გუთნი ხარი ვერ გაიგებს, რო გუთანში აბია.

— ეი, მე რო ეგ მინახამ, რიგო უმარჯევებს ხარს ი ბალახს! როგოი ვიწრო კვალიც უნდა იყოს, იგრე გაატარებს შიგ მთელ გუთნელს, რო იტყვი ერთი ხარიაო.

— აბა, მკლავ-მარჯვენაც მაგაჰ შარჩება აი!

— გუთნი დედები სუ ერთმანეთს ეცილებიან და ჩხუბი მოჰ-ლით მაგი გულისათვის.

— აბა რა თქმა უნდა, რომ ყველა გუთნი დედას კარგი მეხ-რე უყვარს!

— ლამეში სამჯერ-ოთხჯერ თუ არ დააძლო ხარი, გული არ მოუსვენებს, და გუთნი დედა ხო ვერ მიაჭწრობს იგრე, რო მაგაჰ გუთანი შაბმული არა ჰქონდეს.

— ღმერთიც მაგიჰთანა კაცს მოუმართამს ხელს!

— აკი უმართამს. ერთი ბეწვა ბალლი დარჩა ობლად. მამისა არაფერი არა დარჩოზია რა და თავისი მხნეობით იგრე მაიყვანა სახლი, რო მართლა კარგა...

— ღმერთსაც უყვარს მაგიჰთანა გამრჯელი კაცი და კაცსაც!

— არა, ეტყობა ი ყველაფერში, რო ძალიან ფოლადიანი უნდა იყოს. ჰე, როგო ლაზათიანად გადაუტყლოშუნა ი შოლტი. ჰე, შეგრჩეს ეგ მარჯვენა!

ამ ლაპარაკის დროს, რომელიც სრულიად არ ესმოდა ილიას; შეება ურმები და გაუყენა გზას. მოსაუბრენიც დაიშალნენ. ზოგ-მა ხარები ვარეკა საძოვარზე, ზოგი ადგა, უსაქმობისაგან და-

თენთილი, ცალი ხელით იქეჭებოდა, ცალი-კი უბეში ედო და გასწივა უაზროდ, თითონაც არ იცოდა, საით; ზოგი იქავე დარჩა. მაგრამ საუბარი-კი შესწყვიტეს.

VIII

მზნამზნო

ბუნება ახლად არის გაღვიძებული. შუადღე გადასულია. სოფელს მდამ გამოვიდა და გაემგზავრა მრავლეთისაკენ ერთი დაყაჯრული კვიციანი ცხენი, რომელზედაც იჯდა შალ-წამოსხმული ყმაწვილი ქალი. ქალს ფეხები უზანგოების თასმებში ედგა და ხელში ეჭირა საბანში გახვეული ბავშვი. ყაჯარს ქვეშ, უნაგირის საწყვეტებში, იყო ჩაკრული პატარა ხურჯინი: ერთს თვალში ტანისამოსის ბოხა ჩაიღო, მეორე თვალში-კი იღო ერთი შოთის პური და იდგა ერთი პატარა ქიქლა ღვინო—რძის ვახშამი. ცხენის ჯილაღი ეჭირა ახალგაზდა ყმაწვილ ბიჭს, მორთულს სამეფო ტანისამოსით, რომელიც უკან-უკან იხედებოდა და ესაუბრებოდა ქალს. ქალი ხან-გამოშვებით იძახოდა: „რძე-ო, რძე-ო, წა-მო-დი, გიგიასა ჰშიან!“

როცა კარგა მოშორდნენ სოფელს, ყმაწვილმა კაცმა მიჰმართა ქალს:

— ერთი სიტყვით, ისე უნდა გამიზარდო ე გიგია, რო ლო-მი უნდა გამოიყვანო!

— მე რა გაგიზარდო-რა! — უპასუხა ქალმა ღიმილით და ნებივრობის კილოზედ. — მე ძუძუსა და მოვლას არ მოვაკლებ და გაზდა ღმერთზე ჰკიდი.

— ღმერთზე ჰკიდი, მაგრამ თუ შენ გეყვარება და კარგა მოუვლი, ღმერთიც ხელს მოუმართამს.

— მართო ჩემი ხო არ არი, რო მე მიყვარდეს? შენც უნდა გიყვარდე!.

— მე და არ მიყვარს! ჩემა მზემ და თავი არ მამიკვდება, ეპ სამჯერ მაინც მინახამ სიზმარში, რო მითომ გიგია დღისი მეხრეთ გუთანზე ედგა.

— უი, იმ დღეს შავესწრობი?

— ჰაი თუ ღმერთმაც ხელი მამიმართა! იგეთი რამ უნდა გამოვიყვანო, რო ზუთმეტი წლისას ღამი მეხრეობა შეეძლოს. იგრე-კი არ ვუზამ, როგორც მამა ჩემმა მე მიყო, რო მჩხავანა კატაც არ გაუშვა ჩემ ბედობაზე. ღვითთ, ეხლა ყვეარი ხარი მყავ. მინამ გიგიას მეხრეობა შეეძლება, ოთხ-ხუთ უღელ ხარ შავყრი.

მაშინ ყველანი შემეხვეწებიან, რო შაუბა ხარები და გიგიაც მივაყოლო ღამე მებრეთ; მე კიდე შინ დავტრიალოდები.

— ეი, ეს უნდა ღამე ხარში ატარო და შენ-კი შინ გამაიძინო? დიად!

— არ გამოვიძინებ კი, შინა საქმეს გავაკეთებ. მინამდინ კიდე დავებრდები, — უპასუხა ღიმილით.

— დაპებრდები, თუ რაც მოგივა, მე ამას იგრე პატარას ვერ გავიმეტებ საღამო მებრეოდ.

— როგო, შენა გგონია, მე-კი გავიმეტებ? მე ვამოზ, ისეთი უნდა გამოვიყვანო-მეთქი, რო ღღისი მებრეობა არ იკადროს და პირდაპირ ღამის მებრეობა მაინდომოს თითონვე. მე განა დიდი ვიყავ, ღამე მებრეობა რა დავიწყე-რა! მეც ხუთმეტ-თექვსმეტი წლისამ დავიწყე ღამე მებრეობა.

— შენი საქმე სხვა იყო და ამისი საქმე სხვა არი. შენ არ-კი გახსოვს მამა და ამას, მამა ღმერთმა უცოცხლოს, რა აქვ გასაჭირი?

— გასაჭირი-კი არა გვაქვს-რა, მაგრამ, მე ვიქნები, თუ ეგა, უნდა ერთ-ერთმა აუცილებლად ღამე მებრედ ვიაროთ, ამიჰთვინ რო ხარები გვყავ და იმათი თავის დანებება და სხვის ხელში ჩაყ-რა არ იქნება. ხარები რო კაცმა უპატრონოდ სხვისა ხელში ჩაყაროს, იმათი იმედი აღარ უნდა ჰქონდეს; ხო გავიგონია, „ხარი სხვისაო და სახრე ტყისაო“. პატრონი-კი რო გვერთ ეყოლებათ, ბალახსაც მიუშარჯევებს და ტოლის დადებითაც არ გაალახვინებს. შენ არ ი-კი მებრეების ეშე-კობა!

— მეტი რა გამოგონია მამი ჩემისაკან.

— ჰო-და ე მაგას გეუბნები, რო ეგრეო!

— ღმერთმა კეთილის ყურით გაიგონოს! ზამეულოთიდან მო-ჰდგამს ჯიში და დედეულოთიდან. მამა ჩემი არ არი, რო, რაც გა-მოხდილა, სუ გუთანი უჭირამ.

— ეჰ, კაცი თითონაც უნდა გამოვიდეს, თორე მამა ჩემს თავისი სიცოცხლე, მოჯამაგირობაში დაუღლევნია, მაგრამ მე არ-კი ვიცი, მოჯამაგირობა რასა ჰქვია. მეც რო მამი-ჩემის კვალზე წავსულიყავ, ეხლა სხვის ხელში შაჰყურე ვიქნებოდი. მაშინ ხო ზედ-ც აღარ შამამხედადი! — დაუმატა ღიმილით.

— მე-კი შამოგხედამდი, თუ მამა ჩემი შამამახედებდა. სუ იზას ამობდა: „იგეთ ოჯახში უნდა ჩავაგლო ჩემი ზარკოვო, რო, ვინიცომა არი, ქვრივი ბა ეწეროს და დაქვრივდესო, ვენახების ღობეებმა შინახონო“.

— ეი, გამოჰკრა ამანაც!

— ო, გიგიას სიცოცხლემ!

— მაშ მე რათ მამათხოვა შენი თავი, რა გადაქიმული ზვრები მე მაქვ?

— შენ სხვა ხარ. შენიდამ რო მაქანკალი მოვიდა, დედა ჩემი და მამა ჩემი ეკითხებოდნენ ერთმანეთს, მე-კი ჩუმად ყურს ვუგდებდი. მამა ჩემმა თქვა: „მე არ დავარიღებ იმას ქალსაო. მართალია, ძირეული ოჯახი არა აქვსო, მაგრამ თითონ მხნე ბიჭიაო; მამა-პაპისა არაფერი არა დარჩომია-რათ, მაგრამ თავისი მხნეობით სახლი ყოჩაღად მაიყვანაო“.

— სწორედ მითხარი, შენ რა სთქვი მაშინ შენ გულში?

— რა ვთქვი? იგრე გაიხაროს ჩემმა პატარა ქმარ-შვილმა, როგორც მე მაშინ გამიხარდა.

— ჰი თუ შენც-კი მისვამ თავზე ქონს!— უთხრა ღიმილით.

— იგრე მართლა ღმერთმა მე წამარჩინოს პატარა გიგის თავი, როგორც მართალს მე ვამბობ! ქმარსა და შვილს ტყუილად დავიფიცამ?

— გეზუმრები, განა მართლა გეზუმრები-რა!

— განა არ ვიცი, რომ გეზუმრები, მაგრამ ხუმრობასაც თავისი საბუთი აქვ.

ამნაირი ლაპარაკით შევიდნენ მგზავრები სოფელ მრავლეთში, რასაკვირველია, ამ მგზავრებში ყველანი იცნობენ ილია თვალია-შვილს თავისი მეთუღითა და ძით.

ილია თვალია-შვილმა, ოქროულას შვილმა დასდო ზელი ივანე მეშველიშვილის ქალს მაროს, ანასტასიას შევირდს. გადაიხდა ქორწილი. სანათლიღებოდაც მოუვიდნენ მაროს წესისამებრ ორის თვის უნახავი დედ-მამა და ნათესავები, მაგრამ მაინც ამათმა ნახვამ ვერ მოუკლა სრულიად წყურვილი „სამშობლოს“ ნახვისა. იმის გულს იზიდავდნენ ის ადგილნი და სწორ-ამხანაგნი, სადაც და ვასთანაც გაატარა თავისი სიყმაწვილის დღენი და ყოველთვის ნატრობდა იმ წუთს, როდესაც იზამდა პირს სამშობლოსკენ. ეს წუთიც დადგა იმისთვის ჯვარის წერის ექვსის თვის შემდეგ, როდესაც მისმა უფროსმა—დასანიშნად მომზადებულმა—ძმამ შეპოუტენა ეზოში ორი შეკმაზული ცხენი იმის წასაყვანად სამშობლოში მოსალოგინებლად. იმავე დღეს საღამოზედ მარო იჯდა მშობლებთან და შეექცეოდა. მოიკლა წყურვილი. დალოგინდა კიდევ და ეყოლა ვაჟი, რომლის მომავალ ბედზედაც მოსაუბრობდნენ გზა-გზა ცოლ ქმარი.

როცა მგზავრები შემოვიდნენ სახლის ეზოში, ოქროულა გაექანა, ჩამოართვა რძალს თავისი შვილი-შვილი და შეარბენა შინ. ოქროულა ძლიერ გახარებული იყო, რომ ილიას პირველად ვაჟი ეყოლა. სულ იმას იმახიდა, ახლა კი მოჰყვდა ღმერთმა ჩემ

ილასაო, ძმასავეთ მეესწრება შვილი და ობლობას სულ დაავიწყებინებსო. რაწამს გაიგო ოქროულამ, რომ მაროს ვაჟი ეყოლაო, მოამზადა ოოგინის ძღვენი და მესამე დღესვე გაემგზავრა ახლად მშობიარე ჩძლისაყენ. ბევრი ჰყოცნა, ბევრი ეალერსა თავის პატარა შვილიშვილს, მაგრამ მაინც ვერ გაძლა იმის კოცნით და ალერსით ნახევარის ღლის განმავლობაში. ამისთვის სახლში შეყვანის უმაღლეს დანაშაულს ბავშვს ხანგრძლივი კოცნა და ალერსი. როცა მოიოხა გული კოცნით, დაიწვინა კალთაზე, ააპყრო მღლა ხელები და დაიწყო: „იი, მაღალო ღმერთო, შენ აჩუქე და გაუზარდე თავის პატრონს!... შენ გააფუფუნე ამ ფუზე-კარზე და მიეცი შენი წყალობა და გამარჯვება! შენ მიე მკლავში ღონე და ხელში პარაბა, ჯანის სიმთელე და გულის სიმზიარულე! შენ შემაჰსწარ ამის ბედნიერობას და გადუქცივე ამას ღზინად, რაც ამის უბედურ პაპას ტანჯვა და უსამართლობა გამოუვლია, და ამას შაჰმატე იმისი დანაკლისი დღენი!“

IX

დაწყება საძმოსა

როთა ვითარების გამო მრავლეთში სასოფლო თვალსაჩინოდ გადიოდა. მთელ მამულაშვილების ნასახლკარი და ნახევარი საფუტკრისა სასოფლოს შეემატა. საფუტკრის მეორე ნახევარი-კი არტემა არზუშანოვმა შემოლობა თავისთვის. მამულაანთ სახლისა თითო ადლის სიმაღლე კედლის ნანგრევები-და იყო დარჩენილი და შიგ ღამ ღამე ზაფხულობით არტემას საკლავი ძროხები და ცხვრები ეყარნენ ხოლმე. მარნის კედლები, თუმცა ისევ ხელ-უხლებელი იყო, მაგრამ ქერი-კი ზედ აღარ ედგა და ქვევრების გამოზიდვაში კარებიც ჩამოენგრინათ. მარცხენა კუთხეში შიგნიდან უკან მიშენებული ჰქონდა პატარა ქოხი, შამზნარით დახურული. ამ ქოხში სცხოვრობდა არტემას ნათლიმამა ზაქარია მამულაშვილი, რომელიც ერთად-ერთი ღა დარჩა თავის ეზო-ყურეში და სხვა თავისის ძმებისა და ბიძაშვილებისავეთ არ გადავარდა სხვაგან: იქნება იმისთვის, რომ თავის ნათლიას „სამადლოდ იოლას მიჰყვანდა.“ არტემას საკლავებს დასდევდა და თვეში იღებდა იმისგან სამ მანათს ავეჯით. წინანდელ პატარა დუქნის ალაგას არტემამ ააშენა ორი თვალი ქვეითკრის დუქანი: ერთ თვალში იყო ფარჩის დუქანი, მეორეში ბაყლისა და საწვრილმანოსი. ორივე დუქანს არტემა თავისი ფულით ამუშავებდა. რადგანაც არტემამ ბევრი ვენახი შეიძინა და დიდ ზვრებად გადაქცია, ხილობის დროს ცოლ-შვილი მოჰყვანდა ხოლმე მრავლეთში: „გაი-

ხარებენ ყურძნით სავსე ვენახშიო.“ ამისათვის საჭიროდ დაინახა არტემამ სახლის აშენება და კიდევ ააშენა თავლაზედ ორ ოთახიანი ქვითკირის სახლი, ფართო აივნით, და უკანაც ბალი გაუყეთა „საგულაოდ“. ეზოს გარშემო შემოავლო მაღალი ძეძვის ლობე და სახლის წინ დადგა დიდი ალაყაფის კარები.

ერის კვირა დღეს სასოფლოზე ჩვეულებისამებრ შეყრილიყო ხალხი. ზოგი იღვა ჯგუფ-ჯგუფად ღუქან წინ, ზოგნი ისხდნენ, დაფანტულად, იმ ხეხილებს ქვეშ, სადაც როდესღაც ელაგა ფუტკრის გეგები. ერას ფურცელზედ, ნასაფუტკრალშივე, გამობმული იყო ლურჯი ულაყი ცხენი და ხელს უსვამდა ერთი არტემას მოჯამაგირთავანი. თვითონ არტემაც იქვე იღვა და, ქოშებით და ხელში კრიალოსნით, სიამოვნებდა ცხენის ქიხინით და მაღლა-მაღლა ხტუნვით. ამ ეამად არტემა არ იქნებოდა ორმოცდახუთის წლისაზე მეტი. იგი საზოგადოდ მოხდენილი კაცი იყო. მსუქანი და მრგვალი პირისაზე მოპარსული ჰქონდა, უღვაშები ქერა და პატარა, წარბებიც ქერა, ცხვირი ზომიერი და თვალები კროდა. თავზედ ეხურა „კარტუზი“, წინ გადმოწეული; მოკლე, თეთრიანი ჩითის ახალუხი ეცვა და ვიწრო შალვარი, კოჭებამდის ჩამოშვებული. წელზედ ერტყა ოქროს წყალში დაფერილი ვერცხლის ქამარი და გულზედ საათი ჰქონდა გაკეთებული. ტანად წამოსადგეი იყო და ღიპის გადიდებაც შეჰპარვოდა ცოტათი. არტემა ძალიან ჰყვანიდა და მოხერხებული კაცი იყო. თუ წინად „რეტიანსა“ და „ლაუჰტენის“ ეძახოდნენ, ესლა დიდის მოწიწებით მიჰმარცხდნენ ხოლმე: „ხაზენო“ ანუ „აღაო“. მხოლოდ ერთი ცუდი ხასიათი დასჩემდა ბოლოს და ბოლოს დროს: წრეს გადასული გულფიცხი იყო. ერთად-ერთი მაღალი სიტყვა იყო საკმარისი, რომ ყბები ზედ შემოემტვრივნა მაქმელისთვის. არტემა არავის არ არჩევდა, ყველა ერთი იყო იმისთვის: სუღია იქნებოდა, მწერალი, თუ უბრალო კაცი. მხოლოდ მამასახლისს უთმობდა ყველაფერს, ისიც მეგობრობის გულისთვის და პურ-მარილის პატივისცემით. ძალიან იშვიათად მოხდებოდა ხოლმე, რომ უერთმანეთოდ პური ექამათ. აი ესოცა არტემასთან იღვა მამასახლისი თავისი ამალით, სუდიებით და ილღიაში დავთარ ამოპრილი მწერლით, და ეხუმრებოდა, ელაზნანდარაგებოდა. ხუმრობასა და ცხენის ყურებას მაშინ დაანებებს თავი, როცა არტემას სახლიდამ გამოვიდნენ და გასწიეს იმათკენ არტემას მეუღლე მაქათლინამ და ერთმა კნეინამ — სამზეურებით ხელში. მაქათლინას წინ მოუთამაშებდნენ ორი გიმნაზიურ ტანი-სამოსიანი ვაიეშვილი და ერთი პატარა ბავშვიც უკან ბიჭს მიჰყვანდა. სახლის კარების გასაღები რომ გადასცა მაქათლინამ ქვარს, უთხრა:

— კნენა მეპატიება ბაღში და კიდევ „გავიგულავებთ“.
 — კარიელებ — კი არ მოხვიდეთ, კნენავ! — შიშაბა არტემამ, —
 ცოტა მსხალი წამოიღეთ!

— ბატონი ხარ! — სთქვა პასუხად კნენამ.

ფიქრი და ვარამი დანარჩენის ხალხისა სულ სხვა იყო. ერთგან მეველე ედგა მოწანაქედეს პირში და ამტყუნებდა; მეორეგან შესჩიოდნენ ერთმანეთს, რომ წელს სულადი ძალიან იაფად გაკვეთესო, მესამეგან გუთანზე ეთვლებოდნენ. ერთის სიტყვით, რამდენიც გროვა იყო ხალხისა, იმდენი სხვა და-სხვა ნაირი საგანი იყო საუბრისა. ერთს აღდგოს იყო მეტად საინტერესო ბაესი. ამ აღდგოს მოგროვილიყვნენ სულ ისეთი ბიჭები, რომელნიც იყვნენ ერთმანეთთან შეკავშირებულნი მუშაობის სიყვარულით.

კაცო, შე ოჯახ დასაქცევო, ოთხი-ხუთი წელიწადია, სუ ჩემი მოდგამი იყო ე ილია, ესლა რისთვინ-ლა გადამიბირე? — ეუბნებოდა ერთი გუთნისდგა მეორეს.

— კაცო, ან ოჯახ რიჰთვინ მიქცევ და ან სხვასა? კაცია და გუნება! ილიას თითონ აღარ უნდოდა შენთან შათელა და ჩემ გუთანზე შეივალა. შენა გგონია, მე ძალად გამოვიყვანე? აი ჰკითხე, კარამც ექ არი. ილავე, მე ძალად გამოგიყვანე, კაცო, ამიღამ?

— ძალად როგო გამამიყვანდი, ჩემი ქეიფი იყო და შევევთვალე შენ გუთანზე! აბრის არ ეყო, ოთხი-ხუთი წელიწადი სუ მაგო გუთანზე ვედექ?

— ბიჭო, არა გრცხვენიან, რო მაგდენი ამაგი შენიცა და ჩემიც გააცრუვე, შე ოჯახ აშენებულო? რა დაგიშავე იგეთი, რო ემაგრე ქვა მამაგდე?

— რა ექნა, აბრი, ვინ ამობს, რო დამიშავე რამე? ოთხი-ხუთი წელიწადი სუ შენთან ეხნამ და ესთესამ, სუ შენ ხო არ შამოგაბერდებოდი? მეცა ვთქვი, ახლა სხვაჰთან შევევთვლები, ვნახოთ, რა იქნება-მეთქი. რა ვიცი, იქნება ბედი ახლა სხვანაირად დამიტრიალდეს!

— არა, ჩემო ძმაო, რაც უნდა ჰქნა, მე შენ თავს არ დაგანებებ! არ ვიცი ამი გაიძვერა თავის ამბავი, შავაგულიანა და გავიყვანა ჩემიღამ.

— არ დაანებებ თავსა-რა, ონაობაა?

— ჩემა მზემ, ცოცხალი თავით თავს არ დავანებებ! თუ არა და, წილი უნდა ვყაროთ და ვისაც ერგოს, ერგოს!

— მოდი, მართლა, ერთი ყარეთ წილი! — წამოიძახეს ილასთან მსხდომმა ბიჭებმა, — და რაც გახდეს-გახდეს!

— იქნება თითონ არ უნდა წილის ყრა! ილავე, ვყაროთ წილი, ყაბული გაქე?

— ჰყრიო და უარეთ, მე რა მენადვლდება!

— მე გავწყურები! — წამოიძახა ერთმა.

— არა, შენ მიხას დაუქერ მხარს, აი გიო გაწყურეს!

— გიო კიდე შენ მხარეს დაიქერს!

— მაშ, აი, ეს ღვთის კაცი გავაწყროთ, — წაავლო აბრიაშ ერთ ბიჭს ხელი.

მოკიშვეც დასთანხმდა. ბიჭი გავიდა მობასეთაგან, ორმოც ნაბიჯზედ გადგა, იმათკეს ზურგ-შემოქცეული, ორივე ხელები მაღლა აიშვირა, ერთი მომუქული, მეორე ტაშად გაშლილი. ერთი გუთნისდგა ეუბნება მეორეს ჩუმად:

— თუ მუჭტი ჩამოიღოს, ილა იგრევ მე დამრჩეს, თუ ლავაში, შენ.

— აბა, ჩამოიდე! — დაუძახეს გაბუტულს და იმანაც ჩამოიღო ლავაში ანუ სილა.

— ოჰ, მიხას ერგო, მიხას! — შექნეს კიჟინი: — მიხავ, ტომბახი, ტომბახი!

— რაჰ მაშინებთ, რა? ძლივ ჩაივადე ხელში ერთგული ღამი მეხრე და თავ გავიხრი? ჩემი ღღენი დატანჯული ვიყავი ღამი მეხრეებისაგან. ის ოჯახ-დასაქცენი, შაჰრეკამდენ ბაჭში ხარს და ათითონ კარებზე მოუწყვებოდნენ. გათენებამდინ შიგ ეყარათ, გათენებისას მოჰრეკავდნენ და ხარებს ფერდიფერდს უცყმდათ შიმშილისაგან. აბა, მოდი და მშიერი გუთნეულით მოჩიჩქნე რამე! იმ უღმერთობებს, არც თავისი ენანებათ და არც სხვისა. როცა ესეები გადამხდია, ეხლა უჯრს გიტყვი ტომბახზე, რო ილა ხელში ჩავივდე! მაიტა, ილავე, ხელი, რო აღარ გამიმტყუნდები!

— ჩემი სიტყვა სიტყვაა! როცა პირობა მოგე, კიდევ შევასრულებ! — უთხრა ილია თვალიშვილმა და მისცა ხელი.

სიტყვას „ტომბახი“ ყური მოჰკრეს სულიებმა და მწერალმა და მიაშურეს ბასის ადგილისკენ. როცა გაიგეს, საქმე რაშიაც იყო, ჩაავლეს მიხას ხელი და მიიყვანეს დახლოან.

— ემათ არაყი დააღვივინე, გეურქ! — უთხრა დახლოდარს მიხამ.

— ფული სტოიკაზე!

— საღამოზე მოდი კალოზე და ჰური წამოიდე.

— რამითი ტრიცეტა?

— რა ვიცი, ერთი იყოს თუ ორი.

— ორი ტრიცეტა რამდენ ერთს?

— ყველას რო მივყვე, სად წავა? ერთი საპანე არაყი არ მეყოფა.

ყველას ვინ გეუბნები, აი ეს პატროსანი კნიაზი ბძანდება

აქა, სუღიები, მწერალი, ეს პატიოსანი ხალხი. სირცხვილი არ იქნება, რო ერთმა დალიოს და მეორემ უყუროს?

— ჰა და რა ვიცი, აბა რამდენისა ეყოფათ?

— ეგ ჩემზე მაადე!

— ჩვენ-კი დამალა ჩამოგვივიდა მაგდენ ლაპარაკში-და! — წამოიძახა „კნიაზმა“, რომლის პასუხადაც დახლიდარმა მიართვა ყველაზედ უწინ რუმკით არაყი.

ამ გარემოებამ ილა მერად აღტაცებაში მოიყვანა: რასა ლაპარაკობდა ანუ რასა შერებოდა, თითონაც არ ესმოდა. მხოლოდ იმას-კი სცდილობდა, რომ ამხანაგებს არ შეეშინათ იმისთვის აღელვება და მოუმატა ლაპარაკს.

— ე გუთნი დედა ხო კარგი ვიშოვნე, — დაიწყო ილამ: — და გუშინ ჩ—ში ი წამოსასხამი იაფინჯიც რომ მეყიდნა, ჩემს ბედს ძალლი აღარ დაჰქეფამა! ჰეი, თქვენმა გამარჯობამ, რა ვნახე ისა! ვაი, რომ ჯიბეში ერთი მანათი მაინც არა მქონდა! კაცებო, ერთ კაცს ერთი იაფინჯი ესხა, იგეთი, რომ მართლა და თქვენი მოწონებული. მემრე, იცით, როგო აფასებდა? ორი მანათიო! იაფინჯი იგეთი, რომ რატო თორმეტ-ცამეტ მანათად არა ღირდა. ბევრი ვიეც გულში, მაგრამ... არც იმ ოჯახ-დაქცეულ მამიდა ჩემსა ჰქონდა იმ ხელად ფული. ერთი მანათიც რომ მგდებოდა ჯიბეში, ნამდვილად მანათად გამოვიტანდი.

— რა ღმერთი გასწყრომია, რომ იგრე იაფადა სდომებია გადაგდება? — წამოიძახა ერთმა.

— უთუოდ ნაპარავი იქნებოდა, — წამოიძახა მეორემ.

— რა ვიცი, ნაპარავი იყო თუ რაც იყო, ორ მანათად-კი ჰყიდა ახალ იაფინჯსა-და!

ამ სიტყვების შემდეგ მივიდა იმასთან „კნიაზი“ და უთხრა:

— ილიავ, შენ იცი, რომ მე სახლი გამიტეხეს და „ვეჭჩები“ დამპარეს?

— რა ვიცი. ბატონო, მე არაფერი გამიგია.

— ხო იცნობ იმ კაცს, ვისაც იაფინჯი დაჰქონდა გასასყიდად?

— როგორ ვერ ვიცნობ.

— მამასახლისო! — მიჰმართა კნიაზმა ჰის-კარებიდამ გამოსულს მამასახლისს: — შენ ხომ მოგეცი განცხადება--თან თვალი უყო, -- რომ მე სახლი გამიტეხეს? აი, ეხლა ჩნდება ქურდი, ოქროულას ბიქს უნახავ. ილიავ, აღარ გადაჰსთქვა, აი! ის იაფინჯი სწორედ ჩემი იქნებოდა.

— გადავთქვა რა იმისი შემეშინდება-რა? დაცა, ჩემ მეზობელ გადვუდგები და სხვათა სოფლის კაცს მივეუდგები?!

— ჰაი, შე დასაქცეო, ილიავ, ჩაიქე, რა სამთხრობლოს აი-
ლებ! — უთხრეს აქეთ-იქილამ.

— მაგაჰ რა აქე, რო მე რა მამცეს! — წარმოსთქვა ილიამ ისე,
რომ „კნიაზს“ არ გაეგონა.

— შეშა-ფიჩხს ხო გამოგატანინებს მუქთად, იუ სხვას ვერას
მოგცემს.

კიდევე ბევრი ილაზლანდარა ილიამ თავის სწორ-ამხანაგებთან
და შემდეგ გაზარებულმა ჯერ იმითი, რომ იმაზედ ცილაობა ჰქონ-
დათ გუთნი-დედებს საქვეყნოდ და მერეც იმითი, რომ თავის
ნაბატონარს ასიამოვნებდა, გასწია შინისკენ. ხალხიც მალე დაი-
შალა. ყველაზე დიდხანს დარჩა სასოფლოზე „კნიაზი“, რომელ-
საც მიჰმართა მამასახლისმა:

— „კნიაზო“ შაქრო, დღეს ერთადა ვჰამოთ სადილი!

— დაიჯერე: შენ დღეს მაგისტანა კარგი არა გითქვამ-რა.
სადა?

— ან თქვენსა ან ჩვენსა.

— ჩვენსა ხელს ვერ მოგიწერ და თქვენსა-კი ძალიან კარგი
იქნება.

— საცა იქნება, ერთად-კი უნდა ვისადილოთ დღესა-და! ეჰ,
რალა საცა, მოდი და წავიდეთ ისევ ჩვენსა.

— ეგე, ეგ მოგიხდა! — და დაედევნა „კნიაზი“ მამასახლისს.

X

მამასახლისისა

მე კარგად გადახრილია. მამასახლისი და კნიაზი შაქრო სხე-
დან მამასახლისის სასტუმრო ოთახში და შეეჭკვეიან. თითქმის
შუა ჰურის ჰაერში არიან შესულები, მაგრამ სუფრას-კი არა ეტ-
ყომა-რა. კაცი იფიქრებდა, ჯერ ხელი არაფრისთვის უხლიათო,
ისე გულუხვად იყო ყველაფერი სუფრაზე: თეთრი გამტკიცული
პური, ბლომად დაჭრილი ყველი, ხიზილალა, დოში, ახალი ლო-
ქოს მუყუყი, ცივად ინდაური, ერთის სიტყვით, რა უნდოდა
თვალსა და გულსა, რომ სუფრაზედ არ იყო. კახურს ხომ რალა
თქმა უნდოდა.

მამასახლისმა აიღო ხელში ღვინით სავსე ჭიქა და სთქვა:

— ჰე, ეს ვილასი დავლიოთ? ესეც ღმერთმა აღლეგრძელოს
ის კაცი, რომელმა კაცმაც კაცს ხელი მოუშართოს!

— იშვ, ეგ რა კარგი სადლეგრძელო მაიგო... ღმერთმა აღლე-
გრძელოს!

— შენ, როგორც გეტყობა, ძალიან გულში ჩაგქრია ოქრო-
ულას რძალი?

— შენ დამეხმარე და ერთი სადღოზელივით მაქანებინე ისა.

— ქაჩალი აქიმი იყოს, თავის თავს მაირჩენდა! მე-კი არ
უკრატუნებ კბოლებს, რო ვერას გავხდი. ყველა პატარძლების
გემო გავიღე და ეგ-კი ვერ ჩავიგდე ხელში! ეიკოს ბიქს, გზირია,
ხო იცნობ; ვისაც მიუსევ, ცარიელი აღარ მოვა—ბერს რო შეა-
დგეს, ბერს შააცდენს. იმასთან-კი მაიღალა და პირი ვერ დააკუ-
რევირა იმ... იქნება კიდე მოვიგდებდი ხელში როგორმე, რო
დედამთილი არა ჰყავდეს ისეთი ქვა-ძალი.

— ვაჰ, ის ქოფაკი, ისა რამდენჯერ დავედირიჯე, ხან ფული
ვაძლიე, ხან დავეშოქრე, მაგრამ არა მეწველა-რა. ის ძალი ასე-
კი მცუბუნება: „თუნდა ეხლავე ლუკმა-ლუკმა ამკუწოვო, მე ჩემს
რძალს ჩიქლას არ მოვხდით და ნამუსს არ ვაუტეხამო. ან რა
საკადრისია შენგან ეგაო, რო მაგასა ჰყადრულოფო.“

— თითონ რძალიც რო შობელ-ძალია! ორჯერ ენახა ე-
კოს ბიქს სალაპარაკოდ და ეთქვა. ერთხელ ეთქვა: „სწორედ იმე-
დი გქონდეთ, რო მე ან თავი და ან გვარი შევირცხვინოვო.“
მეორედ კიდე გველანძლა კარგა და გეშეგდო: „მე მამასახლისი-
სათვინ-კი არა, თავისთვინ მაშიყვანა ჩემმა პატრონმაო.“

— . . . ეხლა ხო ჩემ ხელთ არი. შენ მხარი დამიჭრე ერ-
თი ის ვაგორით მოსათელი ნაბადივით. მემრე საცა წვრილი იყოს,
იქ გაწყდეს!

— თუ-კი შემძლება რამე, მაგაზე რაღა თქმა მინდა!

— ოქროულას ბიჭი ხო ვერ გაჰტეხამს იმ კაცს, ვისაც ნაბა-
დი ჰქონია გასასყიდი. მე მაგას ჩაეკიდებ ხელს. ჯერ აქ ვატო-
კოთ: როცა მოვიდეს შენთან, ისეთები ჩააბარე, რო გული ვად-
მოუბრუნდეს. ეგევ ჯერ ისე მოვახერხოთ. თუ აღარ იქნა და
მაშინ „სულში“ უჩივლებ. მაგას დავაბრალებ ჩემი „ვეჭების“ მო-
პარვის, მაგას იქ ჩააბამენ და ბურთი და მოედანი ჩვენ დავგრჩება
მაშინ.

— ბატონი ბრძანდები აბა დალიე ერთი ეგ სტაქანი!

— ღმერთმა ადღეგრძელოს ის კაცი, რომელიც კაცს ხელს
გაუმართამს!

რადგანაც თავიანთის თვისისა და ტომის სადღეგრძელოები
წინაღვე გაათავეს და ღვინო-კი ისევე სწყუროდათ, დაიწყეს სა-
დღეგრძელოების მოკონება და თან შეჰკვებოდნენ ერთმანეთს,
„ვინ ვისი გემო გაიღო“.

— მე შენზე გაცილებით ბევრი ჰაშნიკები მინახამ,—დაასკვნა
ბოლოს მამასახლისმა.

რადგანაც მამასახლისის სახლში ფეხი შევდგით, ბარემ გავიცნოთ მამასახლისიცა და იმისი კარმდამოც. ოცის წლის წინად გიგია მოსულიშვილი ერთ სომეხს მოჯამაგირედ ექირა, ტყილდამ ვირებით შემას აზიდვინებდა. სომხილამ რო გაშვოვდა; ერთ თავადიშვილთან, იმ დროს გავლენიან კაცთან, დადგა მოჯამაგირედ — მელუქნედ. მელუქნობამ დიდი სარგებლობა მოუტანა გიგიას. გარდა იმისა, რომ ბოლოს დუქანი თავისთვის დაინარჩუნა, ძალზედ გამოიკადა ყოველიფერში. თოთხმეტის წლის წინად შევიდა მამულზე სოფელ მრავლეთში და დაიწყო მეკომური ცხოვრება. შვილის წლის წინად გიგია ანოირჩიეს მამასახლისად და მას აქეთ მამასახლისობას არავინ შესცილებია. მაშინ, როდესაც მოგვეცა ჩვენ შემთხვევა მამასახლისის გაცნობისა, იგი მესამე ყავლობაზედ იყო ამორჩეული. გიგიამ ძრიელი ნიჭი გამოიჩინა მამასახლისობაში: იმისი ცხოვრება წარმატებაში არ მიდიოდა-კი, მიფრინავდა. თავის პირველ მამასახლისობაში გააკეთა ორ-ოთახიანი ქვითკირის სახლი, დიდრონის ფანჯრებით, ლამფით და ფილაქნით დაფენილი, და ზემოდამ კრამიტი დაჰხურა მეორე ყავლობაზედ შეიძინა ერთი დიდი ზვარი, ეზოს შემოავლო მაღალი ღობე ჭის კარებით, დადგა ქვითკირის, კრამიტ-დახურული მარანი და შეაბა საკუთარი გუზანი. მესამე ყავლობაზე დადგა ბედელი და სათონე, გაიჩინა ცხვარი, ძროხა და ღორი. იმისი ფიქრი ახლა სამძელ-კალოზედ იყო მიქცეული. მესამე ყავლობაზედვე მორთო სასტუმრო ოთახი — გააკრა შპალიერი. მორთულობა აუცილებელ საქირებებს შეადგენდა ოთახისათვის, რადგანაც ბევრი მომსვლელ-წამსვლელი ჰყვანდა. გიგიას პურ-მარილი მთელს მაზრაში განთქმული იყო და გუბერნიის ქალაქშიაც ჩაღწია იმისმა პურადობის ამბავმა. ერთი სირაჯი არ მოვიდოდა კახეთში ისე, რომ წინად იმასთან არ ჩამომხდარიყო. მთელი თავადიშვილობა მაზრისა წელიწადში ორჯელ მაინც ჩაუდგებოდა ხოლმე სახლში და ატარებდნენ სანატრელს დროებას. მაზრის უფროსიც ეწვეოდა ხოლმე გიგიას ხანდისხან. „ჩინოვნიკები“ ხომ იმისი ძალიან ხშირი სტუმრები იყვნენ. მასპინძლობა განთქმული იყო: იმის სუფრაზედ „ჩიჩის რძეც-კი“ გაჩნდებოდა ხოლმე. უფრო განთქმული იყო გიგიას „ტომბახები“ მამასახლისად არჩევის გამო. პირველს ამორჩევაში-კი ვერ გააკეთა სანუკარი ტომბახი და მაშინ ვერც არავის იცნობდა მაგრე რიგად. მაგრამ მეორე და, ნამეტნავად, მესამე ამორჩევაში-კი... ღმერთმა ნუ დაგილიოთ! მომრიგებელი-შუკაცი, მაზრის უფროსი თავისის ამლით, თავადიშვილები, რომელნიც დასდევდნენ უკან მაზრის უფროსს ამორჩევების დროს, და მთელი სოფელი სულ გიგიას ჩაუდგებოდა ხოლმე სახლში. ჯერ არჩევანი არც-კი იყო ხოლმე დაწყებული, რომ გიგიას მა-

რანში სამი და ოთხი ქვევრი იყო მოხდილი და თანაც ეუბნებოდა გიგია ხალხს: „ეს არის უნდა გემეგეთხოვოთ და ყველას დაგალოცინოთო“. ის-კი არა თუ, გამოთხოვების მაგივრად, ისევ მამასახლისობას უღოცავდნენ.

რასაკვირველია, ამისთანა ზარჯისა და სტუმართ მოყვარე კაცისათვის კარგი, სუფთა სახლი იყო საჭირო. აი ამისთვის ააშენა წინაპირველადვე სახლი, ერთი ოთახი დანიშნა სასტუმროდ და მესამე მამასახლისობაში შპალიერიც გააკრა. სასტუმრო ოთახში შემსვლელს პირველადვე თვალებში ბუხარი ეცემოდა. ბუხარს აქეთ-იქით იყო განჯინები, სადაც ელაგა თევზის კონები, წილის ქილები და სუფრის მასალა—დანაჩანგალი, სალფეტკები, თეფშები და სხვა. მარჯვენა მხარეს იყო წაღო, ქვეშაგებით საესე; წაღოს წინ—ტახტი, ხალიჩებით დაფენილი; მარცხნივ კედელზედ ეკიდა ერთი თოფი, შევერცხლილი დამბაჩა, ხმალი და სასწრაფე. მეორე ადგილს ეკიდა წყვილი შევერცხლილი და ვერცხლის ჯაჭვითვე გადაბმული ჯიხვი, სხვებს მოშორებით—იუხტის ახალი წაღები და იმათთანვე ერთი თავი შაქარი. ფანჯარაში იდგა სამოვარი, ფანჯრის წინ სტოლი და კედლის ძირზედ გამწკრივებული იყო ათიოდე ბალიშაინი სკამი. მეორე ფანჯარაში, ტახტის ბოლოს, ეყარა მამასახლისის დაფორები სამსახურისა და შინაურის საქმეებისა.

თვითონ გიგიაც კარგი და წამოსადეგი ვაჟკაცი იყო. მალალოს ტანისა, მსხვილ მხარ-ბეჭიანი, მწითურის სახისა, შავი თმა-წვერი ჰქონდა, თუმცა წვერს ყოველთვის იპარსავდა, და შავ თვალ-წარბა იყო. ტანზედ იცვამდა შავს პრუნელის დოშლოლიანს ახალუხს, შავის ფოხობის შალის ჩოხა შალვარს; თავზედ იხურავდა მალალს, წითელს ქუდს და, რაც მამასახლისად ამირჩიეს, სულ იუხტის წაღებს იცვამდა. წელზედ ერტყა შევერცხლილი ქამარ-ხანჯალი. თუ გიგიას ყელზედ მამასახლისის ჯაჭვი არ ექნებოდა გაკეთებული, უცნობ კაცს სირაჯი ეგონებოდა. არც იკეთებდა ხშირად ჯაჭვს. მართალია, წინაპირველ ამორჩევაში ყოველთვის ზედა ჰქონდა ჯაჭვი, მაგრამ მეორე და მესამე ყველობაზედ, როცა ყველა უჯაქვოდაც მამასახლისადა სცნობდა, აღარა კადრულობდა ჯაჭვის გაკეთებას; იკეთებდა მაშინ, როცა საჭირო იყო. სხვა უომისო დროს-კი ჯიბით ატარებდა. ლაპარაკი ხალხში გიგიამ ხშირად არ იცოდა. ყოველთვის იმასა სცდილობდა, რომ თავი მაგრა დაე-ქირა. ას კაცს რომ ეჩივლა ერთად, მარტო ისმენდა ისე, თითქო სხვა რასმეზე ჰფიქრობსო და მომჩივარს ყურადღებას არ აქცევსო. ერთხელ არ დაილაპარაკებდა და, თუ იტყოდა რასმე, უთუოდ იქ მდგომ გზირს დაეღაპარებოდა. მაგრამ თუ თავის ჰამქარში ჩა-ვარდებოდა, ან თავადიშვილის ყმაწვილებში, იმის ლხინსა და ხუმ-

რობას საზღვარი არა ჰქონდა. ყველაზედ ხშირი სტუმარი გიგეასი „ენიაზი შაქრო“ იყო. წელიწადში იმდენჯერ თავის სახლში არა სკამდა პურს შაქრო, რამდენჯერაც მამასახლისთან. მამასახლისიც ეფერებოდა შაქროს, რადგანაც მერქანი, მარგილი, ქიგო, შეშა-ფრიხი ბლომად უნდებოდა ყოველწლივ და შაქროც უფასოდ აძლევდა ნებას საზოგადო ტყიდამ ესარგებლნა.

XI

მორიოდე სიტყვა „ენიაზ“ შაქროსმეა

მთავადის შაქრო დიდებულის მამა დიდის ყმისა და მამულის პატრონი იყო; ამისათვის შაქროს ძალიან კარგი ქარი უქროდა ბატონ-ყმობის დროს. როგორც სიყრმის შეილი, იგი მალე ჩავარდა იმ ნეტარს ცხოვრებაში, რომელშიაც სვივდებოდნენ, საზოგადოდ, შემძლებელთა თავადთა სიყრმის შეილები ბატონ ყმობის დროს. მისდა საუბედუროდ, სწორედ მაშინ მოასწრო შაქროს ბატონ-ყმობის გაუქმებამ, როცა თავისის ყოფა-ცხოვრების სიტყბო ის იყო გაუჯდა ძვალსა და რბილში. ორჯელ ძლივს მოასწრო შაქრომ მაყრობა ოთხ-ოთხის ბიჭით და ხავერდის ქულაჯით. თუმცა არც შემდეგში ანებებდა თავს მაყრობას, მაგრამ შემდეგში როგორც ბიჭების რიცხვი მცირდებოდა თანდათან, ისე იმისი მორთულობა ჰკარგავდა წინანდელს ეშხს. იმ ხანებში, როცა ჩვენ შაქრო გავიცანით, უბიჭოდაც დადიოდა მაყრად ნათხოვარის ცხენით, უფრო ხშირად გლეხის ქორწილებში. ტანისამოსიც ერთი და იგივე ეცვა, რაც შინ, ის მაყრობაში: უბრალო შალის ჩერქესკა, ყაზახური ქუდი და უქუსლო ხარახული ჩუსტები. ნეტარი ცხოვრება შაქროსათვის მოისპო იმას შემდეგ, რაც მან, მამის მინდობილობით, მიიღო ტფილისში სულ ის ფულები და თავის სწორ ამხანაგებთან ერთად ცის გახსნას შეასწრო ტფილისის მეფეიტონეები და საზანდარ-მედაფ-მეზურნეები. ბევრჯელ მოუვლიდა ხოლმე ჟინი წინანდელის ნეტარის ცხოვრებისა და, ზოგი ბრახმოსულობით, ზოგიც თავისის სურვილის დასაკმაყოფილებლად, გაუტევდა ხოლმე ნაყმევებს „თავისებურად — უწინდებურად“, მაგრამ დროთავეითარებამ ყველაფერი თანდათან მოათმენინა და დაავიწყა კიდევ. მხოლოდ აქომამდე არ დაჰვიწყებოდა თავისი ხავერდის ქულაჯა. ისე ცოცხლად ჰქონდა წარმოდგენილი, რომ თითქმის ყოველის წუთს ზედ ეცვა და ყოველთვის იმის ცდაში იყო, რომ ხელი არ ეხლო იმისთანა რისთვისმე, რასაც-კი შეეძლებოდა ქულაჯის გაჩირქიანება. გარდა ბოჯაშისა, ისიც იმისთანა გლეხ-კაცის ქორწილებში და

ქელეხებში, სადაც კოვზი არ იყო ხოლმე, შაქროს ხელებს სხვა არაფერი მიჰკარებია.

მამა პაპეული ქონებიდან შაქროს კარგი წილი ერგო, როგორც მამულებისა, აგრეთვე ცხვრისა, ძროხისა და სხვა ოთხფეხის საქონლისა. ყველამ იცის, რომ სისხლიან საქონელს ყოველთვის საფრთხე სდევს მრავალგვარი. ეს ყველაზედ უკედ უფრო შაქრომ იცოდა. რომ უეცარ ქირს იმისათვის „ცეცხლზედ წყალი არ დაესხა“, ადგა და სისხლიანი საქონელი სულ ფულად აქცია. სულ ქვეშ-კი უნდა სთქვას კაცმა, რომ ეს აზრი მართა შაქროს არ ეკუთვნოდა—ამაში იმის მეუღლესაც ჰქონდა მონაწილეობა. განა არ იყო ეს აზრი საქები? გული გულის ადგილას დაიდეს, შიში აღარაფრისა ჰქონდათ და კნინამაც, როგორც ქეიფსა და სიამოვნებას ჩვეულმა, დროებაც გაატარა. მართალია, შემდეგში სჭირდებოდათ ხან ცხენი, ხან ძროხა და ხან ცხვარი და სხვა, მაგრამ ამ ნაკლულევენებას მალე შეავსებდა ხოლმე შაქრო: ჰყიდა მამულს და ყიდულობდა, რაც საჭირო იყო. მხოლოდ ის უყო მამა-პაპამ ცუდად, რომ მამულ-დედული იმდენი არ დაუმყოფა, რომ რამდენიც უნდა გაეყიდნა, თავის სიცოცხლეში არ გამოჰლეოდა. მამულები შეუპოვრდა ისე, რომ ერთი პატარა ვენახი დარჩა და რამდენისამე დღის სანახავ-სათესი მიწა და იმაზედაც, კერძო ვალებს რომ თავი დავანებოთ, „პრიკაზის“ ვალი იყო ბლომად. ერთად-ერთი წყარო ცხოვრებისა ტყე-ლა ჰქონდა, თუმცა შაქროს ყველაზე ცოტა მონაწილეობა ჰქონდა ტყისა, მაგრამ ყველა მოძმეებზე ბევრსა სარგებლობდა ტყიდან თავისის მოხერხებით.

შაქროს ერთი ცული ზნე შერჩა ბატონ-ყმობის დღიდან. იგი დაჩვეული იყო პატარძლებში სიარულს და ბოლოს და ბოლოს ძალიან ძვირად უჯდებოდა ხოლმე ეს ჩვეულება. თავის ცოლშვილს მიჰრეკამდა ხოლმე თავის სიმაპრთან, რომელსაც ეტყუოდა: „ჩვენსას თქვენსას სჯობია“ და თითონ ნავარდობდა პატარძლებში. ამ შემთხვევებში მამასახლისი მოკავშირეთა ჰყვანდა. უძვირფასესი ადგილი შაქროსთვის სოფელში იყო არტემას დუქან წინ; თუ სადმე სხვაგან არ შეექცეოდა, ყოველთვის აქა ჰნახავდა კაცს.

XII

ო ჯ ა ნ ო ბ ა .

მხე ჩასასვლელად არის მიამზადებული. მშენებრად დავვიღ-და-წინდილს დერეფანში სხედან ილიას დედა და ცოლი. ოქრო-ოლას გაუშლია წინ ფეხები, კალთაში ლობიო უყრია და სჩუჩავს.

ილიას ცოლს, მალა თავდახურულს, შეუძარყუშებია თავზე მოსახვევის წვერები, წამოყურია წინ მაჯის სიმსხო კავები, რომელნიც ამკობენ „ლაღლაღივით“ წითელ ლოყებს, მიუყუდებია გულზედ აკვანი და პატარა გიგის ძუძუს აწოვებს.

— ი ბიჭს რა დაჰმართებია, ქა! — წამოიძახა ოქროულამ, როცა დაინახა ილია შინათენ მომავალი. — რა გულხელი დაუკრეფია! ბიჭო, რა დაგმართებია, რატო იგეთი ფერი გაძევ, ავად ხო არა ხარ? — ჰკითხა ილიას, როცა ღერეფანში შევიდა.

— ავად-კი არა!

— მა რა დაგემატათ?

— ღმერთმა რო ამავადოს შაქროს სახლი და კარიმანც ამოგდებულია. სუდიამთან უჩივლია, ილი... ამ ნივთები დაჰპარაო. წელან პოვეტკა მამკა მწერელმა.

ოქროულამ მარჯვენა ხელი ტუჩებზედ მიიფარა და წამოიძახა:

— იმ წინწალ გამქრალსა და კომლობა ამოფხენილს, შენ როდის დაჰპარე ნივთები, რო შენ გიჩივლა?

— სახ-კარი რო ამოუწყდეს!

რამდენსამე ხანს სიჯუმე ჩამოვარდა. ოქროულას ტუჩებიდამ ხელი არ მოუშორებია. რაც შეეხება მაროს, იგი ისე გაღირივა ამ ამბავზედ, რომ არ იცოდა, სად იჯდა და რას აკეთებდა ისე უგრძნობლად გადააქანა აკვანი, რომ ძირს ტყაპა მოსძვრა აკვანს.

— ადამიანო, შენ რაღა დაგმართებია? — უთხრა ილიამ. — რაზე დაჰჩეჩვე ბაღლი?

ოქროულამ ტუჩებიდამ ხელი აიღო, ისევ ლობიოს დაუწყო ჩურჩვა და ცოტა ხნის შემდეგ ჰკითხა:

— როდისა ხარ დაბარებული?

— რა ვიცი, ენკენითვეში.

— ენკენითვეს ნულა დაჰხედეს იმისი თავი და ტანი! იმ ქოქამქრალს შემეღლია საფანელი?

— ის ოხერი, აპტყდა ი თითო ცხვირი და აღარ დემეხსნა და აღარ დემეხსნა, რაკი დავაპირე იმ საოხრო დღეს სოფელში ვაივლა! მე ვთქვი, ი ჩხუბზე გადაივლის მეთქი და კიდევ არ იქნა, არ ამცდა ხათაბალა! ნეტავი რამწამ კარებზე ფხები გადავუგვი, ფხები მომტეხოდა და მე იმ დღეს სოფელში არ გავსულიყავ.

— რა გულის იხეთქამ, შვილო, ნუ გეშინიან! შენ რო არაფრის მქნელი არა ხარ და რას გიზამენ? სუდიას უამბე ყველაფერი დაწვრილებით. უთხარი, რა უნახამთ კვლავ ჩემ ხელში-თქო, რო მაგისი ნიქვთები დემეპარნა-თქო; შაატყობინე ყველაფერი და მოარჩები. სამართალი იმისთვინა ჰქვინა, რო სინართლე გაარჩიოს ადა-

მიანი. ერთი ლაფი დაადე იმას თავზე და პირში ჩალა გამოვლე-
ბული გამაისტუმრე.

— ეჰ, დედი, შენ კიდე მოჰყვები-ყე ლაპარაკს! მე იმ სულში
წასვლა შეზარება. თავი დღეში ამოტოლა ვარ, და ჯერ არა ვყო-
ფილვარ, თორე, რაკი იქ მივალ, გავატყუნებ-კი არა, ღდინსაც
გავადგდებინებ!

— ჰო-და, თუ-კი გაამტყუნებს, წადი და გაამტყუნე, მაგზე
რალა გაბოროტებს! გველაშაპები ხო არ არიან სულში, იქაც ხალ-
ხია! — უთხრა მარომ.

— იქაც ხალხია, მაგრამ, ერთი სიტყვით, ოცი თუმნის გადა-
ხდა. მირჩევნია, იქ წასვლას!

— რახა ე მაგრე გემკვლელება, შეილო, იქ წასვლა, წადი
მამასახლისთან და შეეხვეწე! როგორმე მოგარიგოს. მიაგდე რამე
თავში და ეგება თავი დაგანებოს — იმ წინწალ გამქრალმა!

— იგრე უნდა უყო. ეგევე დილაზე ჩავიდე და შევხვეწეწო,
თორე, რაც უნდა მიყონ, მე სულში ვერ წავალ.

— მამასახლისსაც უნდა დაპირდე რასმე, რო გულთი მეექვი-
ლოს საქმეს.

ივანეშმეს ყველამ ძალიან უმადოდ და დაწვენ დასაძინებლად.
ინათლა თუ არა, ადგა ილია, დაიწყო სიარული და წავიდა მამა-
სახლისთან. ქიის კარებთან დაჰხვდა გზირი, რომელმაც შეატყო-
ბინა ილას, რომ მამასახლისს ჯერ ისევ ეძინა. ილა დაჯდა კარებს
გარედ და დაუწყო ლოდინი, მანამ გაიღვიძებდა მამასახლისი.
კარებთან მოგროვდნენ სხვა გლეხებიც, მამასახლისთან საქმისთვის
მოსულნი. იქნებოდა რვა საათი დილისა, ახალუხა, თავ-შიწველა,
ტოლალბე ჩაშვებული, ქოშებით გამოვიდა მამასახლისი შინადგან
თვალების ფშვნეგით და გამოსწია პირდაპირ ქიის კარებისაკენ.
ყველანი ფეხზე წამოდგნენ და სალამი მისცეს. მამასახლისი ჩამოჯ-
და კარებთან ქვაზედ და, მოუკიდა რა ცეცხლი პაპიროსს, ისმენ-
და გაჩუმებული, რიგ-რიგად, საჩივარს. სამმა რომ გაათავა საჩი-
ვარი, წადგა წინ ილა და უთხრა:

— მამასახლისო, ერთი საქმე მაქვ შენთან! მამასახლისი მიჰ-
ხედა, რა საქმეცა ჰქონდა და უთხრა:

— მაიცა, მემრე!

ილა უკანვე გადგა. როცა გაათავეს ყველამ საჩივრები და
წავიდ-წამოვიდნენ, მამასახლისი შევიდა შინ და ილიაც თან შეი-
ყვანა.

ოკროულასა და მაროს ილას გზისაკენ თვალები დააწყდათ.
იქნებოდა თერთმეტი საათი, რომ მოვიდა ილა შინ. ძალზედ ალე-
ლეებული.

— რა ჰქენი, შვილო? ჰკითხა ოქროულამ.

— რა ვქენი, მე ვიცი! იგრე დამიხლართა გზები, რო იმან უფრო ბოლმა შამამახვია! „უგალონი“ საქმეა, მაგას არაფერი ეშველებათ.

რადგანაც ილას წინა ღამეს არ სძინებოდა, დაწვა და დაიძინა.

გავიდა ორი კვირა. ერთი კვირა-ღა დაჩჩა სასამართლოში გამოცხადებამდის. ამ ორის კვირის განმავლობაში ილას ორი გროშის საქმე არ გაუკეთებია. დადიოდა გულ ხელ-დაკრეფილი ოხვრითა და გმინვით. უსაქმოებისა და და დარდისაგან თითქმის სულ ეძინა და ძილშიაც საცოდავთ გმინავდა. ჩამოხმა და დაედო სახეზედ ისეთი ყვითელი ფერი, რომ ეგონებოდა კაცს, ორი და სამი წელიწადი უკივ უტყულებიაო. ვინც შეხვდებოდა, ნამეტნავად თავისი სწორ-ამხანაგთაგანი, გულს უკეთებდნენ, არაფერი არა იქნება-რაო.

— განა კი იქნება რამე, მაგრამ მე თავის მოჭრასა ვჩივი: ვინც გაიგებს; რას იტყვის, როგო-ღა უნდა შევხედო ვისმე პირზე! ორის კვირის განმავლობაში ოქროულას სახლში არც ტყბი-ლი პურის ქამა ყოფილა, არც ტყბილი საუბარი, არც ტყბილი ძილი, სულ ყველასთვის მწარე ნაღვლად გადაიქცა ეს ამბავი.

ერთ საღამოს, როცა ილას ეძინა და ძილში საცოდავად გმინავდა, ოქროულა წაეიდა მამასახლისთან. როცა დაინახა მამასახლისმა ოქროულა, უღვაშებში ჩაიძინა და შეიყვანა სასტუმრო ოთახში.

— შენი ჰირიმე, მამასახლისო, მიშველე რამე, ღამის არი ი ბიჭი ხელიდამ გამემცალოს! იგეთი გახდა ბოღმისაგან, როგორც ყვითელი ფათალო. წავის კაბის კალთით ძლივს გამოვხარდე. შენ კარგად იცი, შენი ჰირიმე, რო ოთხის წლის ზაღლი დამჩა იმ ზბედურის დაბნელების შემდეგ. ოცდა-ექვსი წელიწადია მაგაზე თავი ღაგდე, ვთქვი, არ გაუციებ მაშის კერას-მეთქი; სოფლისათვისაც გამოსადეგი იქნება-მეთქი— არც სოფელს დაუკარგე ერთი კომლი კაცი. ეხლა-კი, ღამის არ, მე თვალ დამდგარს ნაღვლისაგან ხელიდამ გემემცალოს. ან რა კარგია, შენი კვნესამე, რო სოფელს უსაბუთო საბუთით ერთი კომლი კაცი დეცდუპოს? შენი ჰირიმე, აგრემქ შენ ცოლშვილს უხარნია, მიშუამავლე ი წაქ-როჰთან! სასუდეთ ნუ გაუხდის საქმეს, რა ვიცი, ან მიჰქვამს რასმე, ან გულს დაუდებს როგორმე, თუ სულში არ ათრევს.

— ისეთ საქმეში გაუბამ შენ შვილს თავი, რო შველა ძალიან ძნელი ღაა! უბრალო საქმე ხო არ არი, „უგალონი“ საქმეა. შენი შვილიც ერთი რაღაცა მოუხეშავი კაცი ყოფილა, იმისათვის კარგია და ავიც ერთი ყოფილა. ჩამდენი კარგი დარიგება მივე-

ცი, მაგრამ მე იმას ვერაფერი შევასმინე. იმას ისე ჰგონია, გუ-
თანზე ვარო და გუთნი დედასთანა მაქვს საქმეო.

— რა ქნას, შენ გენაცვალოს ჩემი თავი, განა შენ არ იცი,
ტყესა და მინდორშია გაჰდილი. რა უნახამ და რა გაუგონია, რო-
სად როგო უნდა მაიქცეს? ტყის კაცია, შენი ქირიმე, შირ გულის
ნუ ჩაიდებ! როგორც იყოს, საქმე გაუთავე, ი კნიაზი შენ სიტყვას
ყოველთნად გაიგონებს, ოღონდ უშველე რამე აგრემც ქირს მოგ-
კამ და იხარებს შენი კარგი ცოლშვილი, და შენი ფეხთა მტვერი
გახდება!

— განა ცოტას ვეხვეწები იმ ოჯახ-დასაქცევს, მაგრამ ძალიან
უარზე დგა!

— რა ვიცი, იმ გასახარელს რა დაუშავა იგეთი, რო მაგრე
ცილში ჰყვამს?

— შენ წადი, ერთი ოთხიოდე თუმანი აშოვნინე, ვეცდები,
როგორმე დავიყულო, უთუოდ მოვარიგებ, თუ ოთხ თუმანს
მამიტანს.

— სულში ხო აღარ მოუხდება ი ბიქს წასვლა?

— სულში რილასათნად წავა! არც შაქრო გამოცხადდება, არც
ილია და სულდია ჩაჰშლის საქმეს.

— ოღონდ გაისარჯე და მახერხე ეგ საქმე და მაშ ეს შავები
ილაზე გამოვიცვალო, თუ იმანაც ვერ გადაგიხადოს სიკეთე.

— მე იმისი არაფერი მინდა, ერთი კვირა ენახის ფურჩნა მი-
შველოს.

— ერთი კვირა რა სათქმელია, ქა? ერთი კვირა-კი არა,
თუნდ სამი კვირა ამუშავე!

— წადი, წადი, აშოვნინე შენ ოთხი თუმანი! დილაზე მო-
მიტანოს და საქმეს უეჭველად აქვე გაუთავებ.

— იხაროს შენმა ცოლშვილმა, როგორც ეხლა მე გახარე-
ბული მივალ შინ და ი ბიქსაც გაეახარებ.

ილია ახლად გაღვიძებული იყო, როცა ოქროულა მოვიდა
შინ და უამბო ყოველი, რაც მამასახლისმა უთხრა. ილიას ცო-
ტათი გულზედ მოეშვა. მეორე დღესვე მიუტანა მამასახლისის ოთხი
თუმანი და იმავე დღესვე დაადგა საქმეს და ორი კვირა სულ იმის
საქმეს აკეთებდა. მანამ სასამართლოში წასვლის ფაღა გავიდოდა,
ილიას კიდევ შიში ჰქონდა გულში. როცა გაიგო, რომ შაქრო
არ გამოცხადებულიყო სასამართლოში და მამასახლისმაც დაარწმუნა,
რომ საქმე მთლად გათავებული იყო, ილატ დამშვიდდა.

გ ა ა ხ ლ ე ბ ა დ ა რ დ ი ს ა .

ილიას არაფრად მიაჩნდა არც ოთხის თუმნის გადახდა, არც მამასხლისთან ორ კვირას მუქთად მუშაობა, რა-კი გადურჩა სამართლოში გამოცხადებას. მიეცა უწინდებური გული, უწინდებური ფერი და მუშაობის ხალისი. იმისმა სწორ-ამხანაგებმაც, რომელნიც სრულიად თანაუგრძნობდნენ, გადიყარეს ღარდები და იმასთან ერთად გააძლიერეს ისევ თავიანთებური ლხინი. მხოლოდ ხანდისხან-კი წავიდოდა ხოლმე ილია ფიქრში და წამოიძახებდა უცბად: იმ ოჯახ-დასაქცევმა, რატო იგრე მიყო ი შაქრომ კინალამ უსაბამო საბაბით არ დამწვა ალალ-მარტალი კაცი!

გავიდა დრო და ხანი. ილიას დააფიქცდა, რაც რამ მოხდა. შეექცეოდა თავის ამხანაგებთან მაქრით და თანაც იძახოდა: „კამასმა მიყვარს და გარჯაცოა“. გაჰყვა ორ-სამ ნეფიონს მაცრად და „გაახარა თავისი კია“; წავიდა ჩვეულებისამებრ „ალილოს“ თავისის სწორ-ამხანაგებით. ალებაც მხიარულად გაატარა. ალების ღამეს მოგროვილი ძვლებიც თვითონ წაიღო ტყეში ყველიერის ორშაბაზს, გადაჰყარა და დაიძახა: „აჰათ, ტყის ნადირებო, თქვენი სარჩო და ამ წლის იმ წლობამდე ჩემ საქონელს პირი არ ახლოთო!“ ყველიერმაც მხიარულად ჩაიარა. წმ. ორშაბაზს დილით ოქროულამ გაუკეთა ჩიტებს ფაფა, დაუდგა ნატეხებით ღობეებზე და სთხოვა, რომ „ამ წლის იმ წლობამდინ“ პირი არ ეხლოთ ილიას მოსავლისათვის. მაგრამ თავგებს საჩოხე დაურთო და სთხოვა, რომ იმის ბარვ ყურესათვის პირი არ ეხლოთ. ერთის სიტყვით, ყველანი უწინდებურად არხეინად იყვნენ. ისეთი უღარდელად და მხიარულად იყო ილია, რომ კინალამ პატადა ბიჭობა არ მოაგონდა და „თავო, თავო“ თითონ არ გააქცია. მხოლოდ წმ. ორშაბაზს ძლიერ მოღრუბლულის სახით ადგა ქვეშაქებიდან. ოქროულამ, რასაკვირველია, შეატყო ესა და ჰკითხა მიზეზი:

— ერთი ოხრული სიზმარი ვნახე წუხელ, — ასე მიუგო პასუხათ ილიამ, — და უთუოდ იმ ოხერი ცხვირივით ცუთად გადაივლის ესეც. უთუოდ კიდევ ხათაბალაში რაშიმე გავებმები.

— იჲ ჰნახე? — ჰკითხა დედამ გულის ფანცქალით.

— ემაჰ ზევით, — შემოიტარა კეფაზე ხელი, — სუ მეექრათ ჩემოვინ და კიდევ-კი ცოცხალი ვიყავ.

— უთუოდ წუხელ მარჯვენა მხარზე იწევბოდი, — გაუკეთა დედამ გული, თუმცა-კი თვითონ ელდა ეცა: — და იმიოვინ გინახამ მაგიოანა სიზმარი. მარჯვენა მხარზე როდი უნდა დაჰწვე. ყვე-

ლა ადამიანს ერთი ანგელოზი ჰყავს, ერთი ეშმაკი. ეშმაკი და ანგელოზი ერთმანეთს ებრძვიან. როცა მარჯვენა მხარზე დაწვება ადამიანი, ეშმაკი ერღვა ანგელოზს და, რაც ცუდი რამ არის, იმას აჩვენებს სიზმარში ადამიანს. როცა ცაცია მხარზე დაწვება, იმან ანგელოზი ერღვა ეშმაკს და სუ კარგ სიზმრებსა ჰშინჯავს ადამიანი. ამას იქით ნულა დაჰწვება მარჯვენა მხარზე, თორე კიდევ ცუდ სიზმარს გაჩვენებს ეშმაკი.

— თუმცა ოქროსულა სცდილობდა გაეკეთებინა ილიასათვის გული, მაგრამ ვერაფერი უშველა. რა, — ამ სიზმარმა ძალიან ჩააფიქრა ილია.

— რას უყურებ, შვილო, რატო არ გახვალ სოფელში, შენ ვინა და ყვენობა-დღეს ამდენ ხანს შინ ჯდომავ? — უთხრა ოქროსულამ, როცა შეატყო, რომ ილია არ აპირებდა სოფელში გასვლას.

— რა გქნა? წასვლა-კი მინდა, მაგრამ იმ ოხერი სიზმრისა ძალიან მეშინიან. ვაჰ, კიდევ ბალაში გავეხეიო!

— წადი, შვილო, ჰიერი მოგქამოს დედა! რა რიგად დაგაშინა იმ კომლობა გაქრალმა. წადი, უბრალოდ ხვას ნურავის გაცემ, უბრალოდ ნურაფერს ილაპარაკებ და ვინ რას გიზამს?

ადგა ილია და წავიდა სასოფლოსაკენ. გავიდა თუ არა სასოფლოზე, შეეხეა წინ მწერალი და მიაჩნა ხელში უწყება. ილიას ნაცრის ფერმა გაღაჰრა ჰირისახეზე უწყების დანახვაზე, გულმა ძგერა დაუწყო და სული შეუღუბდა. როცა მოიბრუნა სული, ჰკითხა:

— ე რა არი?

— ეს გახლავს, შენი ჰირიმი, — უპასუხა მწერალმა: — ისა, რომ კნიაზი შაქროს საჩივრის გამო კიდე გიბარებენ სულში ამ თვის ხუთმეტში -- დღეის სწორს უნდა გამოცხადდე.

— აკი იმ უღმერთომ ავრე მითხრა, აღარ წავალო, შენც ნუ წახვალო და საქმეს ჩაატარებს სულთაო?

— რა ვიცი, ჩაატარეს თუ არა, კიდევ კი გიბარებენ-და. ეხლაც თუ არ წახვალ, მემრე ჩაფრებით წაგიყვანებენ.

თქვენი მტერი დაღონდეს, როგორც ილია დაღონდა. დაიწყო სიარული და მივიდა მამასახლისთან. შესჩივლა თავისი მწუხარება. მამასახლისმაც უბრძანა:

— რამ შეგაშინა, შე ლაჩარო, შენა? სუდიას უთუოდ არ გაუგია, რა შინაურულად მოჰშველდით. ნუ გეშინიან, კიდევ მე გავიკეთებ საქმეს. საცა იქნება და არ იქნება, მოვნახამ შაქროს და წიგნს მივაწერინებ სულთასთან, რომ შინაურულად გაგითავა საქმე.

— ძალიან კარგი იქნება! შენი ჰირიმი, ერთი სიტყვით, ოღონდ ამ ხათაბალას მამარჩინე და, რა ვიცი, რა მადლი-ლა გინდა სხვა!

— აი ხვალვე შავუდგები მაგ საქმეს. არ ვიცო-კი მალე ვიპოვნი, თუ არა—ვინ იცის, სად არი გადაქაჯული? უპოვნელს-კი არ გავეუშვებ, მაგრამ ერთი ეს არი—მოვცდები ამ კვირია მუშა უნდა დამეყენებია ვენახში.

— აი, აქ არა ვარ!—ოღონდ ეგ საქმე მაახერხე და ამ კვირია მე შენ არ მოგშორდები. თუ მაშეგლიებ ვისმე, იგრე ვიმუშაო, რო!.. თუ არავის მამკემ და არც მე ამერგვა მარტოს მუშაობა.

— კაცებს მოგცემ მაში შენ წადი ეხლა, საცა გინდა, და არხეინად იყავ—უთუოდ გაგიკეთებ საქმეს. დილაზე კი მოუსვლელი არ დაჰდგე!

მამასახლისიდა ილიამ პირდაპირ შინათკენ გამოსწია. როცა მივიდა შინ, უთხრა ღედას:

— აკი გითხარ, რო ოხრული სიზმარია-მეთქი. კიდე მიბარებენ იმის თაობაზე სუდში!

— უი, ნეტავი გამაქრო! მართლა? მა რა მითხრა ი წინწალ-ამოწყვეტილმა და კომლ-გამქრალმა მამასახლისმა, რო მოვაშლე-ვინებო! მაშ ოთხი თუმანი რათ გამამართვა? არ იყავ მამასახლისთან?

— როგო არ ვიყავ.

— რა გითხრა?

— აგრე მიიხრა, რო, საცა იქნება, ვიპოვნია შაქროს, წიგნს შივაწერიებ სუდიასთვინაო და ეხლა-კი მოჰშლიხო.

ამ ამბავზედ ილიას ღედასა, ცოლს დარდი და ბოროტი ისევ გაუახლდათ. ილიამ მიღო იქვე ღერეფანში კუნძზე თავი, მიეცა ძილს და საღამომდის განუწყვეტლივ ეძინა.

როგორც დაჰპირდა მამასახლისი, კიდევ შეასრულა: გაანთავისუფლა „სრულებით“, როგორც არწმუნებდა, მაგრამ ილიას გული-კი მაინც ისევ რაღაცას შემოჰკენესოდა.

XIV

მომჩინებელ სახამართლოში.

წითელ მაულ-გადაფარებულ სტოლს უკან ზის მომჩინებელი მოსამართლე. სტოლის წინ, გძელს სკამზე, სხედან მომჩივარნი, მოპასუხენი და საქმის მძებარნი ვეკილები. მოსამართლე შესდგომა საქმეს. გაარჩია რამდენიმე საჩივარი და დაიძახა შემდეგ: „თავადი ზაქარა პატას ძე ღიდებულოძე, ილია ზურაბის ძე თვალთა-შვილი“.

გავიდა შაქრო და გაჰყვა გაფითრებული ილიაც, რომელსაც მიძახეს:

— რა იყო, ბიჭო, რაზე მოჰყვდი, განა შეგებაშენ-რა!

— კნიაზო, თქვენ ჰქუდს რათა ჰუარავთ?—ჰკითხა მსაჯულ-მა,—ჰქუდლი კანონიერად უნდა დაისაჯოს!

— მე არა ვფარავ, ბატონო, ღი აქ არ გახლავთ? მე ჩემი „ვეჭიხები“ ფასი გამოვართვი და თქვენი კიდე თქვენ იცით!

— თქვენ რა მოჰპარეთ ამათ?—ჰკითხა მსაჯულმა ილიას.

— არაფერი, შენი ჰირიმე!

— მაშ რას გიჩივის ეს კნიაზი?

— აი როგორ იყო, შენი ჰირიმე.

— ნუ გეშინიან, ყოჩაღად ილაპარაკე!—წასძახეს უკანიდან.

— მე ჩ—ში გახლდით, შენი ჰირიმე. იქ ერთი იაფინჯ-წა-მოსხმული კაცი იყო და თქვა, რა ვინც ორ მანათს მამცემს, ამ ჩემ იაფანჯს მიეყიდიო. თურმე, ნუ იტყვიო, იმ კაცს ხუმრობით ეთქვა და მე-კი მართალი მეგონა.

— ცოტა მოკლედ თქვი!

— ჰო, მოკლედ მოგახსენებ, შენი ჰირიმე! თურმე იმ კაც ხუმრობით ეთქვა და მე კი მართალი მეგონა. წამოვედი და მე კი-დე ბიჭებში ვიჭევი, ერთი კაცი ესე-ესე ახალ იაფინჯს ორ მანათად ჰყილდა-მეთქი. ეს კნიაზი იქა ბძანდებოდა, როცა მე ბი-ჭებს ვუთხარ. ამან მითხრა, მე დავკარგე ნაბადი და კიდე სხვა ნივთებო, უთოვად ჩემი იყო ის ნაბადიო, შამიტყუ რამეო. მეც ხათრ როგო გაუტეხამდი! წავედი იმ კაცთან და იმან აგრე მითხრა: ვის დაჰკარგეხარო, რამ გაგაგეია ვილაცა ხარო, შენთან კაცმა ვერ უნდა გაიხუმროსო? მოვედი და კნიაზს მოვახსენე. აი ეგრე იყო, შენი ჰირიმე! რა ვიცი, მართლა დაკარგა, არ დაკარგა, ან იმ კაცმა მაიპარა, მე არა ვიცი-რა, შენი ჰირიმე. აბა მე რას ვა-ქნევდი, რა მამებარა, ეს დალოცვილი, რა მე მიჩივის? ერთი საწყალი მართო ხელი კაცი ვარ, ერთი წელიწადია მოვცდი და მოვიშრიტე—ბოლმისაგან ველარაფერი მიწამებია.

— შენ შინაურულად მოურიგდი ამ კნიაზს?

— დიღ, შენი ჰირიმე, ოთხი თუმანი მივეცი.

— მართლა მოგცათ, კნიაზო, ოთხი თუმანი?

— დიღ, ბატონო, ოთხი თუმანი მამცა!

— შენ რად მოურიგდი შინაურულად, რად მიეცი ოთხი თუ-მანი, თუ არაფერი არ მოგიპარავს ამათი?

— იმიჰოვინ გავუსწორდი შინაურულად, შენი ჰირიმე, რა მე არ მიწდოდა აქ ხეტება და მიწდოდა ავიდამ მეშვეცი-ლებინა.

— მაგათ რა გაუსწორდი, ახლა კანონს უნდა გაუსწორდე! მიბძანდით, ცოტა ხნის შემდეგ გეშვეცხადებათ.

შაქროც და ილიაც გარედ გამოვიდნენ. ერთი სწორ-ამხანაგ-თაგანი მივიდა ილიასთან და უთხრა:

— ილიავ, მე იგრე ვითარგმნე, რო შენ გაგამართლებს აი!

— კაცო, როცა მართალი ვარ, არ გამამართლებს? მე აქ ამოსვლა მეზარებოდა, თორე! ზოგი რა ხასიათისაა, რო წამ-და-უწუმ მორბის აქ, არა ჰწყინდებათ, ნეტავი მითხრა? ჩემი ფეხი-კი ღმერთმა აქ ნულა დადგას!

შემდეგ მივიდა ილიასთან ერთი გაქნლი სომეხი და უთხრა:

— ძმობილო, რატო ატკაზი არა ჰქენ, რად უთხარი სუდიას, შინაურულად გაუსწორდიო?

— ხო მართალი იყო; რაც მართალია, კაცმა სიმართლე უნდა თქვას.

— მაგისთანა სიმართლე აქ არ გამოდგება, ჩემო ძმაო! — უთხრა სომეხმა.

ცოტა არ იყოს ამ სომხის სიტყვებმა ჩააფიქრეს ილია, თუმცა-კი სრული იმედი ჰქონდა გამართლებისა. შაქროს-კი ეჭირა ხელში პაპიროზი და არხეინად ბოლთასა სცემდა.

მსაჯულმა გაათავა საჩივრების გარჩევა და დასასრულს წაი-კითხა გარდაწყვეტილება ილიას გამოუცხადა რამდენისამე თვით საპატიმროში დატუსალება. ამასთანავე ისიც გამოუცხადა, რომ იმას შეეძლო გაეტანა გარდაწყვეტილების პირი და საჩივრის გა-დატანა უმაღლეს სასამართლოში. ამნაირმა გამოცხადებამ ილიას წელი მისწყვიტა, ცოტას მორჩა გული არ წაუვ-და. შემოეხვი-ნენ „აღდეკატები“ და ურჩიეს საჩივრის გადატანა უმაღლეს სასა-მართლოში. ყოველი მათგანი დაჰპირდა ისეთ აპელაციის დაწე-რას, რომელიც ქვას-ც-კა გაჰხეტქდა.

წამოვიდა ილია შინ, მაგრამ ჭუხლები კი ეკეცებოდა გზაზედ. შინ დაჰვდნენ გაწეწილი ცოლი და თავ-პირ ჩამოლადრული დედა, რომელთაც შეეტყუათ ილიას უბედურება იმის მისვლამდე. გადაი-ტანა ილიამ საჩივარი ოლქის სასამართლოში. თუმცა საჩივრის დამწერი არწმუნებდა ილიას, რომ იგი უეჭველად გამართლდებო-და ოლქის სასამართლოში, მაგრამ იმას აღარაფერი არა სჯეროდა-რა. დაკარგული ჰქონდა ყოველი იმედი გამართლებისა, ჩამოხმა საცოდავად დარდისაგან, გახდა გულ ჩათბრობილი და აჰყარა საქმეს გული; მხოლოდ, რადგანაც ყანის მკა უყვარდა ძალიან, ყანის მკას-კი შეუდგა და არც უნდოდა მზად მოსული სარჩო დაეღუპნა. კულანდებურად თავისი ტოლი ბიჭები მომკლები აღარ წაუყვა-ნია, რომ „ებულრავენათ“ მკაში. იცოდა, რომ ბიჭები ყბას არ დააყენებდნენ დი იმას გასაგონადაც ეგავრებოდა სიმღერა. მარტო თითონ დადიოდა ყანის სამკელად და ისე ჯიბრზედა მკიდა, თი-

თქოს, ვისი ჯავრიცა სჭირდა, ყანაზედ ყრილობსო. დღეში ცხრასა და ათს ღთეულს არ აცდენდა. დააბინავა ყველა მოსავალი, მაგრამ გუთანზე-კი ფეხი არ გადგა. თავისი საყვარელი ხარები, რომელთაც მუქით უგლეჯავდა ბალახს, საცა მოეწონებოდა, და ისე აკმევდა, ჩაუვლო სხვას ხელში. სხვა საქმისათვისაც არ უბლია ხელი, ან იწვა და ეძინა და ან მარცხენა ხელის ცვრი ქამარში ჰქონდა გაკეთებული, მარჯვენა ხელი უბეში ედო და ისე დადიოდა თუ „სასოფლოზე“ გავიდოდა, გამარტოებული დაჯდებოდა ხოლმე არავის ეკარაბოდა. ყველა იმის მნახველს გული უკვდებოდა და ლოცვა-კურთხევას უგზავნიდა შაქროს...

XV

შენსრულება წაღილისა.

სხლად შებინდებულია. მამასახლისი ზის თავის სასტუმრო ოთახში და რაღაცა მოუსვენრობა ეტყობა. ხან ადგება, ხან დაჯდება, ხან გარედ გამოვა და თანაც პაპიროზს ეწევა.

— რა ვქნა, რა იქნა აქამდის! — წამოიძახა მამასახლისმა, გამოვიდა გარედ და დიდხანს უყურა ერთის მხარისაკენ. შებრუნდა თუ არა შინ, შაქროც შეჰყვია და მიახალა პირში:

ჩააბეს!

— მართლა? — ჰკითხა მამასახლისმა აი, შენ გიშველა ღმერთმა! სწორე გითხრა, მეშინოდა, არ გაანთავისუფლონ და ღმერთი არ გაუწყრეთ-მეთქი. მაშინ ხომ დაიფუშებოდა ჩვენი კლანი!

თუ კი მაგრე გეშინოდა, რატომ შეუმოწმე სოფლის მფლობელს?

— მე არა შემიმოწმებია-რა! მე შინ ვიჯექი დამალული, როცა მოდიოდა ჩემთან, და ეუბნებოდნენ, შენ არ არიო. იმის გამოისობით, სხვებსაც არ ვეჩვენებოდი. ეუთოდ სუდიები შეუმოწმებდნენ. უშველა რამე იმან?

— ჰმ! რას ამბობ, გადმოუკდეს, ეს ახლა საჭირო აღარ არისო!

— ეხლა ჩვენ რა ვქნათ ჩვენი საქმისა? ჰკითხა მამასახლისმა ცოტა ხნის სიჩუმის შემდეგ.

— დაცა ერთი, საქმე არა გაქვს? ლამის არი ქამარი დამეკარგოს!

— ისეთი ვახშამი გაქამო ამალამ, რომ, რომ ღმერთისა!

— ცოტა ყველი და ჰური მათანინე, ვახშამობამდნ ვინ გასძლებს!

— ჩაი მზად არი გოგო, ფეფე! — დაუყვირა მოახლეს: — ჩაი მიიტა!

ჩაის ხარჯსაც არ გაგიფუტებ! შენ რაც გითხარი, ის მოატანიე.

— გოგო, ფეფე, ყველი და პურიც გამოატანე.

— ჰა, როგო დავიჭიროთ ეხლა საქმე? — ჰკითხა მამასახლისმა, როცა მიირთმევდნენ ჩაის: — თავი და თავი ქირი ხო მოვიშორეთ.

— ჰაი, დედასა!.. ვის შეუძლიან ჩემ ცოლს უწმანურად ხმა გასცეს, მანამ მე ცოცხალი ვარო! იცოცხლოს და იყუროს რე-შოტკილამ, როცა იმის ცოლს... — ამბობდა შაქრო და თან იყვინდებოდა ყველითა და პურით.

— შე რას გკითხამ და შენ რას ამბობ!

— რას ვამბობ! ჯერ ერთი სამიოდოთხი დღე დავაცადოთ, მაიმგლოვონ. მემრე დავიწყეთ ერთ ღამეს სიარული, მივიდეთ, შავამტრიოთ კარები და...

— რას ამბობ? გინდა, აიქ ოქროულამ ცულით დაგვბოცოს! შენ კიდე ვერ იცნობ იმას! ან ცულით დაგვბოცამს, ან არა და ქვეყანას შავგიყრის ერთიანად.

— მაშ რა ვქნად?

— იმასაც უნდა მოუხერხოთ რამე, ან უნდა დავიყოლიოთ როგორმე.

— ილა მე დავლუბე, შენ კიდე ეგ უნდა მაიდგებინო როგომე თავი დამ; ეხლა შენი ჯერია, მე ჩემი ვალი მოვიშორე.

— მე ამაზე მეტე ვერ მამიგონია-რა: უნდა გავაძრახო ვინმე, რო წაეკიდოს ოქროსა და იქამდინ მიიყვანოს, რომ ან დაჰქრას, ან გალანძლოს მაშინ მე დავიბარებ, ან ნებით დავიყოლიებ, ან გომში დავამწყვდი და მაშინ...

— რაც გინდა, შენ უნდა მაისხლტუნო-კი თავი დამ-და!

ბევრი სხვა საშუალებაც დაასახელეს, მოწამლვაც... ივანეშმეს და დაიძინეს იქვე. მეორე დილით შაქრო თავის სახლში წავიდა, მამასახლისი-კი სასოფლოზედ გამოვიდა. უნდოდა გაეგო ხალხის აზრი ილას დატუსაღებაზედ. სასოფლოზე ათიოდე კაცის მეტი არ დახვდა მამასახლისს, რადგანაც საქმის დღე იყო.

— საწყალ ოქროულას ი რა მოჰსვლია! — წამოიძახა ერთმა, თითქო მამასახლისს უნდა შეატყობინოს ახალი ამბავი.

— რა? — ჰკითხა მეორემ, — ილა რა დაატუსაღეს?

— ილაც ხო დაატუსაღეს და ოქროულასაც ბოღმა შამოჰწოლია გულზე და კვდება. წუხელ ღვდელმა აზიარა, ამობენ, აღარ გადარჩებაო.

ამ სიტყვაზედ მამასახლისის სიხარულისაგან გულმა ძვერა დაუწყა. მერე, ვითომ-და არაფერი იცოდაო, ჰკითხა:

— განა დაუქერიათ ილია?

— ღიახ, გუშინვე დაუტუსალებიათ.

— ოოვე, საწყალი! ძალად არ გაიფუქა თავი საწყალმა,— სთქვა მამასახლისმა.

— ძალად, ძალად, მე და ჩემი ღმერთმა!

— არა, რა რჯოდა იმ უკეთურს? მშიერ თავადიშვილთან რო იმეებს ლაპარაკობდა, არ იცოდა, რის ისე უზამდა?—წარმო-სთქვა ისევ მამასახლისმა.

მამასახლისი დარწმუნდა, რომ იმაზედ ეჭვი არაფრისა არა ჰქონდათ და გულ-გახალვათებული, დაბრუნდა შინ.

ოქროულამ ვერ გაუძლო ელდას და სწორედ იმის სწორ-ზედ, რა ღღესაც ელა დაატუსაღეს, გამოასვენეს სახლიდან დასა-საფლავებლად. პირველი მოთადარიგე და სარისტის მიმცემი ქელებ-ში მამასახლისი იყო. ყოვლის ღონისძიებითა სკდილობდა, დაე-მტკიცებინა მაროსათვის თივისი გულ-შემატკივრობა, მაგრამ მოქ-მელება მამასახლისისა მხოლოდ უორკეცებდა მაროს მწუხარებასა.

— წამო, შეილო, და შინ წაგიყვან!—უთხრა მაროს მამამ, როცა გაათავეს ქელები,— მანამდის გამოუშვებენ, იქ იყავ და, როცა გამოუშვებენ, ისევ მე მოგიყვან.

— აბა, რა ექნა, მამილო, როგო დავანებო აქაურობას თავი? მოსავალი კიდე კარზეა მომდგარი, სად წამოვიდე? ან კიდე ვინ რას იტყვის, რო შვიდამდინ მაინც არ მოვიცადო და კარზე გამოვიდე?

— ეს დრო რო არ იყოს, ყოველთვინ მოგხედამდით, მაგრამ ეხლა ჩვენც საქმე გვაქვს, ჩვენ შენთვინ ველარ მოვიცლით და მარტო როგო უნდა იყო უკაცო სახლში, ან რა უნდა გააწყ-ყო?—უთხრა ღედამ.

— რა ექნა, რაც იქნება, იქნება! ჩემი ღედამთილი უფრო უწყალოდ დარჩომილა, მაგრამ საქმე საქმეზე მოუყვანია. მე ხო ისე საქმე არა მაქვს ჯერ გაზხდარი.

გამოეთხოვნენ ღედ-მამა, ნათესავები და წავიდნენ. დარჩა მარტო-მარტო.

მეოთხე საღამოს შაქრომ გაიარა ერთ თავის ნაყმევის სახლ-წინ, გამოუძახა ნაყმევს და უთხრა:

— შენ გოგოს ოქროულას რძალთან ნუ აწვენ ღამე, თორემ ძალიან ინანებო.

რა-კი ესეთი დამუქრება შაქროს მიერ გავრცელდა ხალხში, ველარავინ გაბედა ღამ-ღამე მაროსთან დაწოლა ამხანაგად.

ერთ ღამეს, როცა ყველას ეძინა და მაროს-კი შიშისაგან ძილი ჰქონდა გამფრთხალი, ვილამაც კარი დაუკაკუნა. მაროს ეგონა, რომ ყურმა მომატყუაო, მაგრამ შიშისაგან-კი სული შეუგუბდა ყელში. დააუკაკუნა მეორედ, მესამედ. მარომ მოიკრიბა, როგორც იყო, ძალი და ღონე და ხმის კანკალით დაუძახა:

— ვინა ხარ, რას აკაკუნებ მა კარებს?

— კარი გააღე! — მოესმა გარედან.

— რიპთვინ უნდა გავაღო, ამ შუაღამისას აქ რა ხელი გაქვ?

— გააღე და ვინცა ვარ 'გაიგებ!

— გაჰწი, წვეთრივე, საიღამაც მოთრეულხარ, შე ასეთ-ისეთო, თორე მთელს ჭვეყანას შენზე შეგყრი!

— ბევრს ნუ ჰლაპარაკობ, კარი გააღე, თუ ჰქვა გაქვ, თორემ ინანებ!

— აბა, არ გავაღებ, ერთი რასა იქ?..

ამ სიტყვების შემდეგ კარებმა ჰაჰაქუქი დაიწყა. მაროს-კი მორთო ყვირილი:

— ვინა ხარო, ქრიპტიანები, მიშველეთ! — ყვირილზედ გამოვარდა ახლო მეზობელი კაცი.

— ჰაი, ჰაი, რა იყო, მარიკო, რა მოგივიდა?

— მამამთილო, მიშველე, ვილაცანი მოთრეულან და კარებს ამტვრევენ!

— დათაივ, რატო შენთვინ არ დაჰდგები! ეხლა შენ ჰქვა გაქვს, რა მაგოდენასა ჰყვირი? — კაცმა იცნო ხმა და მაშინვე შებრუნდა შინ.

კარები შეამტვრაეს და შევიდნენ არხეინად. საბრალო მაროს კივილი ცასა სწვდებოდა, მაგრამ მიშველება ვერაჲინ გაბედა. ეს კივილი მაროსაგან ჰირველი და უკანასკნელი იყო. შემდეგში აღარაჲის გაუგონია იმისაგან კივილი.

XVI

ს ა პ ა ტ ი მ რ ო შ ი .

მლქის სასამართლომ დაამტკიცა გარდაწყვეტილება მომრიგებელის მოსამართლისა და ილია თვალიაშვილი სასამართლოს დარბაზიდანვე წაიყვანეს საპატიმროში. როცა მოუტანეს ილიას სატუსალო ტანისამოსი, ილიამ უთხრა მომტანს:

— ეს როგო უნდა ჩავიცვა. ხო შემჰამაო.

პასუხად უთხრეს:

— ნუ გეშინან, აქ შამოსვლა გაჭირდა, თორე, რაკი აქ შამოხველ, ყველაფერს შავაჩვეთ.

ილიამ გულთანად ამოიოხრა და დაიწყო ტანისამოსის გახდა.

როცა ტუსაღებს თვალი გადააფლო, ილიას ცოტათი გულზე მოეშვა ბოლმა და სთქვა თავისთვის:

„მადლობა ღმერთს, რო ჩემზე არ ჩამოწყვეტ ლა მარტო საღამო და ბევრი სხეც ყოფილა აქა. მაგრამ განა მე რომ უცეცხლოდ დამწვა, იმ ცეცხლ-მოსაკიდებელმა, სხვანიც იქნებიან ჩემს ღლეში?“

დიდხანს არ გასტანა ილიას გულდამშვიდება. იგი მივიდა პატარა სარკმელთან, რომლიდანაც დაინახა ალაზნის ველი, და დაიწყო სლუკ-სლუკი. სლუკ-სლუკი ტირილად გადაექცა მაშინ, როცა იგრძნო, რომ შემოგზივინენ უკანიდან პატიმრები და ცილობდნენ დაენახათ იმისი პირისახე.

— რა „ნეენა“ რამა ყოფილა! — წამოიძახა ერთმა პატიმარ-თაგანმა.

— იზედი გადახდება, რო იამან! — დაუმტა მეორემ, თათარმა და დაჰყრა ხელი ილიას ბეჭებზედ.

— იქნება იგრე გაგიტყეს აქაურობა, რო ძალათი გაგდებდნენ და აღარ მიდიოდე! — უთხრა მესამემ.

— მეცათ, კაცო, რას ჩამეციდენით მა კაცს, რა გინდათ მაგისაგან? — სთქვა მეოთხემ.

პატიმრები-კი მოსცილდნენ, მაგრამ ილია-კი არ მოჰშორებია მთელ ღღეს სარკმელს და არც იმისი თვალი გამშრალა ცრემლისაგან. ცრემლის ღვრივ გე გაატარა ილიამ ღამეც, რადგანაც მთელ ღამეს თვალზე ძალი არ მოსვლია.

მეორე ღღეს, როცა გამოიღვიძეს პატიმრებმა და წამოიშლნენ, ზოგი ებღანძალაფებოდა ერთმანეთს, ზოგი პირის დასაბანად მიობოდა, ზოგი მღეროდა, ზოგი ყვიროდა: „ჰაჯან, ჰაჯან, სანიახში, ეინალ!“ (მობაიათე ტუსალი). ილია შეჰყურებდა გაცეცხლებული და ჰფიქრობდა თავისთვის:

— თუ სულელდები შამოურეკნიათ აქ, არ ვიცი; თუ არა და, რა ყოფა აქეთ? თუ ესენი ჰკვიანები იყვნენ, ვერე იმზიარულებდნენ აქ ჩასამდგრენ ალაგ-ს?

მოვიდა სადილის დრო. დაუკრეს სადილისა. ყველა მიეშურება კერძის მისაღებად, გარდა ილიასი; ის ამ დროს პატარა ფანჯრიდან გადაჰყურებდა მღელავ თავთავ დასხმულ ყანებსა და ქვრებს ალაზნის ველზედ. მივიდა იმასთან ერთი პატიმართაგანი და უთხრა:

— ძმაო, შენ რო ემაგრე ჰქნა, მშიერი მოჰყვდები. წადი, გა-

მართვი შენი „პორცია“ და პური ჰამე! მარტო შენ თავზე ხო არ მამხდარა ეგ ამბავი: აი გადაჰხედე, როგორი ჯოღლა ვართ. მეც ე მაგრე შენსავითა ედარდობდი წინდაწინ, მაგრამ მე დარდით ვერა ვუშველერა ჩემ თავს.

— რა ვქნა, ეგ მართალია, — უპასუხა ილიამ: — მაგრამ მე განა ისა მწყინს, რო აქა ვარ-რა! მე ის მაწუხებს, რო უსაბაბო საბაბით დამიჭირეს.

— წადი, შენ გამართვი შენი „პორცია“! ეგენი მერე ვილა-პარაკოთ.

ილიამ მიიღო თავის კერძი და მიიტანა იმ პატიმართან, რომელმაც ურჩია კერძის მიღება და რომელიც რცნო თავის გულ-შემატკივრად; იმასთან სამიც სხვა იჯდა. ილიამ ამოიღო ერთი კოვზის პირი წვენი, შეხვრიტა თუ არა, მაშინვე გულს დააჩიდა: გამოლევრა ისევ პირიდან და სთქვა:

— თუნდა მამკლათ, მე ამას ეჭრა ეჭამ! — არც პურსა და ხორცს ახლო პირი და უთავაზა ყველაფერი ახლად გაცნობილ პატიმრებს. ილიამ დაწვრილებით უ:მბო თავისი თავ-გადასავალი. ერთმა მათგანმა უთხრა:

— აი ეხლა კიდე მოხვედი იგეთ ადგილს, საცა გაიწვრთნები და მაგრე ადგილად ველარ წავირგავენ თავს დანაშაულობაში.

— ღმერთმა დამიფაროს! ჯერ არას მქნელი ვიყავი, ეგრე მიყვეს, და, რო დავაშავო რამე, ხო ციმბირი აქეთ დამრჩება!

— კიდევ ეგ არი, რო რა-კი გაიწვრთნები, კბილს ველარავინ ჩაგკიდებს, რაც უნდა „რაზბონიკობა“ ჰქნა!

— ღმერთმა დამიფაროს „რაზბონიკობიდან“! მაშ მკლავი მამტყდეს, მკლავი, თუ-მე მრუდად ხელი წამეტანებინოს, ან წავატანო რასმე!

— ეჰ, ჩემო ძმაო, ეს იგეთი სკოლაა, რო ბევრი შენითანა ბიჭი გადაუკეთებია!

— ყველას თავისი თაბაუთი აქვ. კაცს რაც შუბლზე აწერია, ვერ აპტდება—ფებს ვერ აუქცევს. ალბად ეგრე მეწერა და უნდა ავიტანო. განა ის დალოცვილი ღმერთი ამას არ მაკმარებს, რო სულითაც არ დამკარგოს?

— აკი გეუბნები, ეს იგეთი ალაგია, რო, ანგელოზი რა არი, ანგელოზიც რო შამოვიდეს აქ და ერთ თვეს დარჩეს, ისიც ეშმაკად გადაიქცევა და აბა ხორციელი კაცი როგო გადაურჩება?!

ილას ზიზღი მოსდიოდა, როცა ეუბნებოდნენ, რო აქ სხვანაირად გადაჰკეთდებიო. რა კაცი უნდა იყოს ის კაცი, ვინც მიჰდევს იმიოთანა საქმეს, რომელსაც გული არა სთხოვს? ის კაცი კი არა, ნადირი უნდა იყოსო, ამბობდა ხოლმე.

ილამ გაიცნო თანდათან პატიმრები. ძალიან აღარ დარდობდა, მაგრამ სასმელ საკმელს დიდხანს ვერ ეჩვეოდა.

მეხუთე თუ მეექვსე საღამოს ილა ძალიან გაართეს თავისმა ახალმა მეგობრებმა. ზოგი თავს თავგადასავალს ლაპარაკობდა, ზოგი ლაზღანდარობდა. ილია სიცოცხლს ვეღარ იქერდა ამ საღამოს. იმ ღამესაც ტკბილად დაეძინა, მაგრამ როცა გამოიღვიძა, ძალიან დადარდიანდა. მიზეზი იმისის დარდიანებისა იყო იმ ღამეს ნანახი სიზმარი. იმას ეჩვენა სიზმრად შემდეგი: მივიდა ვითომ შინ კვირა დილით ლამის ხარიდან და ნახა, რომ იმის ეზოში შეყრილიყვნენ მშვენივრად დართულნი ქალი და რძალი. იმათში ერთი იმისი ცოლი მაროც, მაგრამ თავზე ჩიქილა არ ეხურა. გასწია გაჯაფიებულია შინსკენ, რომ ჰკითხოს დედას მიზეზი, და იქ უარესი ელდა ეცა — იმის სახლს კარები აღარ ება. ამის ნახვაზე ერთი შესტა მძინარე და ძარს ტყავა მოსძვრა და მაშინვე თვალები აკეცტა. გათენებამდის თვალებე ძილი აღარ მოსვლია და სულ ამას იხახოდა:

— ეს ოხერი, ძალიან ცუდი სიზმარია, კიდევ-კი არაფერი დამემართოს-და! — თუმცა ამხანაგები უქარწყლებდნენ ამ სიზმარს, მაგრამ მაინც დარდი გაუახლდა ილიას.

ილია შეეჩვია ტუსალების სასმელ-საკმელს და აღარც ისე დარდობდა, როგორც წინად. მხოლოდ თავის პატარა, ვიწრო სარკმელს თავს არ ანებებდა. რა წამსაც გამოიღვიძებდა, მაშინვე მივიდოდა სარკმელთან და ადგილს იქერდა, რომ სხვას არავის დაე-სწრო იმისთვის. იცქირებოდა ხოლმე ალაზნის ველისკენ, საიდანაც მოჩანდა ნაშრომ ნაჭირნახულები მიწის მუშათა და სიამოვნებდა იმით, მაგრამ პევრჯელ სიამოვნების მაგივრად ყელში გული მოჰბჯენია და თვალებში ცრემლები, რაცა მოჰგონებია, რომ უყურებს სხვის ნაჭირნახულებს და არა თავისას. ერთს დილას ილიამ შენიშნა, რომ რამდენიმე მომკალი მოსდებოდა ქერს და ხალისიანად მკიდა. ამის დანახვაზე ამოუჯდა გული და მაღალის ხმით დაიწყო კეითკეითი. მივიდა ისტან ერთი პატიმართაგანი და უთხრა:

— კიდე მოგიარეს? რა იყო, რა მოგეჩვენა, რა პატარა ბალღივითა სლუკ-სლუკუნებ?

— როგო თუ რა მეჩვენება?! აგე, გაიხდე, როგო ბულრაო-ბენ ჩემი ჰსწორ-ამხანაგები ქერში და მე-კი აქა ვგდივარ! — უთხრა სლუკ-სლუკით ილიამ.

— ეჰ, საქმე გამოგლევია შენც!

— როგო თუ საქმე გამომლევია? ცოლ-შვილი ყელ-გადაღებული დაყარე, იმოდენა მოსავალი თავ-გამოუბმელი დარჩა და საქმე გამამლევია ვინ იქნება იმათი ყურ-მგდებელი? ან ვინ მოუშ-

კით, ან ვინ გაუღეწავთ, ან ვინ დაუფუქვავთ, რა უნდა ჰქნან? როგორ
რასმე უნდა გამაბაზნ თავი? ხო წავიდა და დამეღუპა იმოდენა
სარჩო!

— შენ დარდი ნუ გაქვ, დედა შენი არაფერს არას გააფუ-
ქებს. როგორც შენ იმას აქებ, მაგისტანა ჟიქრებიღა უნდა გქონდეს!

— ეგ მართალია, დედა-ჩემი არაფერს გააფუქებს, მაგრამ მე რა
ვქნა, რო ყანის მკისათვის კბილები მიკაწკაწებს? პური ჰმა არ
მამინდება იგრე, როგორც ესლა ყანი მკა მამინდა!

ტუსალი მოსცილდა, თითონაც გული შეიმაგრა და უყურებდა
თვალ მოუშორებლივ მომკლებს. ხანდისხან, როცა ეშხვდ მო-
დიოდა, წამოიძახებდა ხოლმე; „დაპ-მოპ დაპ-მოპ“! რამდენიმე
დღე იტანჯებოდა ამნაირად ილია, როცა უყურებდა მომკლებს,
თუმცა-კი ყოველ დღე უმსუბუქდებოდა იგი ტანჯვა, და ბოლოს
იქამდისაც მიაღწია, რომ გულ-გრილად უყურებდა მომკლებს.

რამდენიც დრო გადიოდა, იმდენად ილია ურიგდებოდა თა-
ვის ყოფა-ცხოვრებას. გაეჩვია იგი პატიმრებში, გაიცნო ყველანი
და დაიწყო იმათთან ლაზღანდარობა. რადგანაც კარგი ხმა ჰქონ-
და, შეუდგა ბაიათების სწავლას. ისე გაერთო ტუსალებში, რომ,
როდესაც გაიგო — ოთხის თვის შემდეგ თავის დატუსალებისა — დე-
დის სიკვდილი, იმდენი არ უტირნია, რამდენიც იტირა მომკლე-
ბის პირველ დანახვაზედ. ილია უფრო მომეტებულად ორ ტუსაღს
დაუახლოვდა. განუწყვეტლივ იმათთან იყო და ეს სამნი სულ რა-
ღაცას ჩაეღაპარაკებოდნენ ერთმანერთს. სხვათაშორის ამათგანვე
სწავლობდა თათრულს ლაპარაკს და ბაიათებს. ისე შეეთვისა იმათ
ილია, რომ, როცა ერთი იმ ორ ტუსაღთან — ქიზიყელი ციმი-
რისაკენ გაამგზავრეს და მეორე — თათარი გაანთავისუფლეს საპყრო-
ბილიდან, ტირილითა და წუხილით გამოემშვიდობა.

XVII

წ ა ლ ზ ე

სოფელ მრავლეთში სულ სამგან გამოდიოდა წყარო. ზაფხულო-
ბით ერთს ამ წყალთაგანს ძლიერ ეტანებოდა ხალხი, რადგანაც
ცივი იყო და ახლო-მახლო ფურცლებიც ედგა. წყალზედ მოსულ-
ნი სიციხის დროს ფურცლების ჩრდილს ეფარებოდნენ. რა დროსაც
უნდა ყოფილიყო — ზაფხულობით, — აქ კაცი ყოველ დღე ნახავდა
ოციდან ოცდაათამდე მანდილოსანს და კოკებს ხომ რიცხვი არა
ჰქონდა! წყარო პატარა ჩამოწანწკარებდა და გვიან მოერგებოდათ
ხოლმე ჯერი. ამისათვის მანდილოსანთ ხელ-საქმე მიჰქონდათ

წყალზე და მანამ ჯერი ზოერგებოდათ ხელსაქმობდნენ. და თანაც შეექცეოდნენ ლაპარაკით.

ერთ საღამოს მოეყარა თავი რამდენსამე მანდილოსანს, ბებრიდან მოკიდებული რვა წლის გოგომდე. ზოგს წინდა ჰქონდა ხელში, ზოგს — პაჭიჭი, ზოგს — დასალიანდაგებელი ახალუხის კალთები. მომეტებული ნაწილი-კი უსაქმოდ იყო.

— გოზალანთ საბედა წმინდა გიორგისაგან ქადაგად დაცემულა, — დაიწყო ერთმა, — და სუ აგრე უძახნიებია, რო ქვეყნიერებას დავწვათ; როგო გაბედესო, რო ახალ მელოგინეს ჩემი კარები გადმაალახინესო!

— ვილა მელოგინეს, ქა? — იკითხა ერთმა.

— ქა, მთა იმ მთას ეცა და შენ არ გაგიგია! — მიახალა მესამემ: — ჩიხაყვანთ მელიკოს ნაბიჭვრები ეყოლა და ღვდელმა ჯვარსა და სახარებას ქვეშ გამოჰკითხა წმინდა გიორგში, ვინ სტყუის შენთანაო?

— შეილი არ მამიკვდება არაფერი არ გამიგია!

— დიდი ხანია, საბედასა ჰპირდებიან ანგელოზები მკითხაო. ზას და ლამის არი გაიკრას! — სთქვა მეოთხემ.

— რა ურიგო იქნება, ქა! ნეტავი აგრე იყოს-და? ერთი ბეწვა სამკითხაო რო გვქონდეს რამე, ფანიანში უნდა გავიქცეთ! — სთქვა მეხუთემ.

— უკანა მხარში, — დაიწყო სხვამ, — ერთ დედაკაცს შაუყვარებია თავი ნათლიი ძმა...

— უიმე, რალა ვქნა, ქა! — ჩამოართვა მეორემ, — რა ღმერთი გაჰწყრომიათ, რაზე დაუქცევიათ ცა და ქვეყნიეროჲ ძავზედ!

— შაუყვარებია, დაორსულებულა და ორ თავიანი ყმაწვილი გაჰჩენია. თითო თავზე თითო თვალი ჰქონია შუბლის ალაგს და პირის მაგივრად კიდე ოლოლის ნისკარტი ჰქონია.

— ევ ხო ეშმაკეული ყოფილა, ქა! — სთქვა მესამემ. მა, განა ადვილია ნათელ-პირონობის დარღვევა-რა! — სთქვა მეოთხემ.

— მამასახლისი შამძიმდა, ამალამ ველარ შახწევს! — დაიწყო ახლად მოსულმა წყალზედ მანდილოსანმა.

— ქა, მამასახლისი აედ არი-რა? — იკითხა მეორემ.

— ეს ერთი კვირაა, ლოგინად არი ჩავარდნილი.

— რა გამოჰვარდნია? — იკითხა მესამემ.

— რა გამოჰვარდნია რა, დაითვრებოდა და გაცივდებოდა, — მისცა პასუხად მეოთხემ.

— დაივრებოდა კი არა, ქა, — დაიწყო ისევ პირველმა, — ჰილას მოუსწვრია თავის ცოლზე და ხანჯლით დაუქრია. დაქრილობას არ აჩენენ.

— უი, მარჯვენა-კი შაჰრჩეს იმას, თუ მართალია! — სთქვა ერთმა ხანში შესულმა მანდილოსანმა: — მაგ სიყმე შავმა, რამდენს აჰხალა ნამუსი? ადრე და მალე იყო სასიკვდილო და გვიანა კვდება!

— ი ცოლი მეყლა, რო ჩარბუზანა ება სახლში, რაც დედა-მთილი მოუკვდა? — სთქვა კიდევ სხვამ.

— ცოში დეეკრას გულზე, კარგი სახელი იმან გამაიტანა! შეპილწა და შამურდლა პატიოსანი სახლი და ი თავ-მომწონე ბიქს კიდე თავი მოსქრა ქვეყანაში...

— აკი კერა მაითხოვსო? ოქროულა მაგითანა იყო? ცოდო არ არი, რო ეგ ოქროულას რძალია!

— ქა, რა ქნას იმანაც, იმ თვალ-გახეთქილმა, რო ძალათი მოჰხადეს ნამუსი!

— ოჰ, მარტო მამასახლისი-კი არა, თუ მართალია, ერთი ი შაქროც უნდა მიეყოლებინა თანა, რო კარგი მაშინ იყო! მაგათი შიშით, გეთყვანე, ქა, გზაზე ველარავის გაუვლია და შინ ვე-ლარავინ დამდგარა მარტოკა.

— საწყალი, მე ი ბიქი მეცოდება! რა თავმამწონე ბიქი იყო და ესხა ბოღმისაგან თავს აღარ იცოცხლებს.

— ვინ ჩაახარა, ქა, ესე ჩქარა?

— ყარამანთან შალაპარაკებულა და ყარამანს წაუყვედრებია: „შე კახის ქმაროვო“. ამ სიტყვებს გულში ჩაუკბენია და დაუწყია ზეგრა. ცოლი მოუტყუებია, რო მოყვრებში მივდივარ, ამაღამ აღარ მოვალაო, მაგრამ მობრუნებულა და ზედ მოუსწრია მამასახლისისათვის. მამასახლისისათვის ხანჯალი უკრამ, ცოლი კიდე დაუბეგენია კარგა და გაუგდია.

— ჰეი, შარჩეს მარჯვენა!

— მას აქეთია, აღარავის უნახამ ილია, არც დღე მოდისო შინა და არც ღამეო.

— თათრები დაუყონადებია და ყაჩაღად აპირებს გავარდნასაო. ამის შემდეგ ლაპარაკი სხვა საგანზე ჩამოვარდა.

XVIII

გ ა ნ კ ი თ ხ მ ა .

სოფელ **. ში ერთი შესანიშნავი ქურდობა მოხდა. ერთს შეძლებულს გლეხს დაჰპარეს მინდვრიდან მთელი საქონელი, რამდენიც-კი გააჩნდა თავის ბედობაზედ. საქმის გამოსარკვევად მოვიდა სოფელში პოლიციის ბოქაული და ჩამოხდა ერთ თავადიშვილთან. თავადიშვილმა და მამასახლისმა ურჩიეს ბოქაულს, რომ დაიბარე

კეკელა (მკითხველი თითონ გაიგებს, ვინ იყო კეკელა) და გამოჰკითხე, იმ ღამეს, რა ღამესაც დაიპარეს საქონელი, „ბნელო“ იმასთან იყო, თუ არაო. ბოქაულმა ეს რჩევა მიიღო და უბრძანა გზირებს, მამგვარეთ კეკელაო. იქ მყოფმა თავადის ქალებმა დიდი ცნობის მოყვარება გამოიჩინეს და სთხოვეს ბოქაულს, რომ ჩვენთან გამოჰკითხე კეკელასაო. ბოქაულმაც დიდი სიამოვნება გამოაცხადა იმათი თხოვნის გამო.

ერთი საათის შემდეგ გზირებმა წარმოადგინეს ლოყებ-და-პარსლებული კეკელა, რომელმაც დაუკრა ყველას თავი და დადგა ბოქაულის წინ, საკითხველად მომზადებული.

— გუშინწინ ღამ შენთან ვინ იყო? — ჰკითხა ბოქაულმა.

— ვინ უნდა ყოფილიყო? — მიუგო კეკელამ.

— ბნელო გუშინწინ ღამ შენთან იყო?

— აბა, რა ვიცი, ყმაწვილო, ბნელო ვინ არი მე არც ბნელო ვიცი და არც სხვა.

— ჰა, სწორედა სთქვი, თორემ ხომ ჰხედავ ამ მათრახს? ისეთი-ისეთი აგაყვანილა ბეჭებზედ, რომ სულ ცერცვივითა ჰტოდეს!

— რაც არა ვიცი რა, ყმაწვილო, რა მოგახსენო!

— არ მამახსენებ და ეს მათრახი თითონ გათქმევინებს! — ბოქაულმა დაუქნია მათრახი.

— რა ვიცი, ყმაწვილო, მე ბნელოს ვერ ვიცნობი მართალია, მოდის ჩემთან ხალხი, მაგრამ მე ხო სახელებს არა ვკითხამ, ბნელო ჰქვიანთ თუ ნათელია.

— აი, გაგიწყდეს სახელი! — წამოიძახეს იქ მყოფმა თავადის ქალებმა.

— რომ დავიბარო აქ, ვერ იცნობ?

— რა ვიცი, აბა როგორ ვიცნო? ზოგი ბნელა უკუმეთში მოდის.

— როგორ ვერ იცნობს, ტყუის! — წასჩურჩულა ერთმა თავადიშვილმა ბოქაულს, — დღისითაც მაგასთანა გდია და ღამეც.

— მე მითხრეს, რა ბნელო დღისითაც მოდის შენთან.

— აკი წელანაც მოგახსენე, ყმაწვილო, მე იმათი სახელები არ ვიცი-მეთქი. მოდიან, მართალია, დღისითაც. ან-კი რა საძრახია, ყმაწვილო, თუნდა დღისითაც მოვიდნენ, საყვარლობა თქვენგან არ არის მოგონილი?!

— ეგ სახელ-გასაქრობი, რეებსა ლაპარაკობს! — წამოიძახეს ქალებმა სიცილით.

— რას იცინით, ქალო, — მიჰმართა კეკელამ ქალებს, — თითქო თავზე ბუზი არ აგვფრენიაო? რა ვიცი, საცა ყმაწვილს დაინახამთ, გამრიგელი თათარიც რო იყოს, გაუყრით-კი ხელსა და გა-

ქვევით ტყესა და მინდორში! — ქალებმა დაჰკრეს ტაში და ხარხარით გაიქცნენ.

— შენ ბევრს ნუ ჰყბედობ, თორემ ამ მათრახს ზედ დაგაწყვეტამ!

— ჩემი რად უკვირთ, ყმაწვილო, რო თითონ უარესები არიან?

— ბმა გაკმინდე, კარგი! შაგიძლიან ეხლა შინ წახვიდე და, როცა ბნელოს მოიყვანენ, შენც ისევ მოგიყვანენ.

სალამოზედ იმ სახლის წინ, საცა ბოქაული ყმაწვილებთან დროებას ატარებდა, იდგნენ ბნელო და კეკელა, ხალხ-შემოხვეულნი.

ბნელო ძალიან მოხდენილის სახისა და ტანისა იყო, — მაღალი და მსხვილ მხარბეჭიანი, სახე ჰქონდა ხორბლის ფერი, შავი თვალ-წარბი, ზომიერი ცხვირი, მოკლედ გაკეთებული შავი წვერი და შავი უღვაშები; თავზედ ეხურა მაღალი, წითელი ქული, ტანზედ ეცვა შავი ბოგოზის შალის ჩოხა-შალვარი და შავი პრუნელის ახალუხი, მაშინით შეკერილი; ფეხთ ეცვა მაღალ-ყელა, უქუსლო ჩუსტები, წელზედ ერტყა შევერცხლილი ქამარ-ხანჯალი. ერთი ფეხი წინ წაიდგა, ხანჯლის ბოლო ლაგებს შუა ჩაეტარებინა და ორივე ხელით ხანჯლის ტარს დაჰბჯენოდა. სახე დამშვიდებული ჰქონდა, ისე რომ ერთი ბეწვა მღელვარება არ ემჩნეოდა.

ბოქაული გავიდა აივანზედ, რომელიც გადაჰყურებდა შეგროვილს ხალხს; თან გაჰყვანენ ყმაწვილებიც ბარბაცითა და უწმაწურის ლაპარაკით.

— აბა, მაიყვანეთ ილია თვალიშვილი? — დაიყვირა ბოქაულმა გამოსვლის უმაღლედ.

— აქ გახლავართ! — მიუგო ბნელომ, — რას გვიბძანებთ, ბატონო?

— შენ აი რას გიბძანებ: შენ უნდა შამატუობინო ნამდვილად, სიმართლე უნდა მიიხრა, თორემ ხომ იცი ჩემის მათრახების ამბავი: გუშინწინ ღამ სად იყავი?

— რაღა გნებამთ, ბატონო?

— შენ არავინა გკითხავს, რათაცა შნებავს! მე შენ გიბძანებ, მითხარ სწორედ, სად იყავი?

— შინ გახლდი, სად უნდა ვყოფილიყავ?

— სწორედა თქვი!

— სწორედ არ მოგახსენებ! მართლისათვის ვინ რას მაძლევს, რო ტყუილი ვილაპარაკო?

— ნუ ჰკიბამ-კი, სწორედა თქვი!

— აკი სწორეს მოგახსენებთ: მე არსად არა ვყოფილვარ, შინ ვიყავ.

— მაშ შენ ე მაგ დედაკაცთან არა ჰყოფილხარ გუშინწინ ლამ?

— რასა ბძანებ, ბატონო, მე ამ დედაკაცს ვერც-კი ვიცნობ!

— მაშ შენ რა სთქვი, — მიუბრუნდა ბოქაული კეკელას, — ჩემთან იყოვო?

— აბა, დედაკაცო, როდის ვიყავი შენთან? — მიჰვარდა ბნელო, — გიცნობ, მიცნობ, რო ტყუილად გითქვამ!

— რას ამობ, კაცო, ვის დაჰკარგვიხარ? შე როდის უფხარი, ჩემთან იყო-მეთქი? რა ვიცი, ვინა ხარ, საილამ მოჰსულხარ!

— აი, ბატონო, თუ მე ამასთან ვყოფილვარ! ეს მე და ეს დედაკაცი, მე ამისი ცნობა თავი დღეშიაც არა მქონია.

— მაშ რაღა თქვი, ჩემთან იყოვო?

— აბა, ყმაწვილო, როდის მოგახსენე, ჩემთან იყო-მეთქი? მე აგრე მოგახსენე, რა ვიცი, ბევრნი მოდიან, მე იმათ ვერ ვიცნობ, ბნელო ჰქვიანთ თუ ნათელო-მეთქი.

— ეს არა ყოფილა? — ჩასძახეს ყმაწვილებმა და მიუთითეს ბოქაულზე.

— რა ვიცი, ყოფილა თუ არა! იქნება ეგეც იყო და მე ვერ ვიცი.

ამ სიტყვებმა გამოიწვია ხანგრძლივი ხარხარი. დაჩუქების შემდეგ ჰკითხა ერთმა ყმაწვილმა:

— რატო სანთელს არ აანთებ, როცა მოგდიან საყვარლები და ისე არა ჰხადილობ მათთან?

— სანთელი რად გვინდა, უსანთლოდ-კი ვერ ვიხადილებთ-რა? სანთელზე ხადილობას თქვენა ხართ დაჩუქულები.

— კარგი, ნუ მოჰყე დილანდელივით მიქარვას! — შეუტყვილა ბოქაულმა, — შენ რასაც გკითხამენ, ის ილაპარაკე!

— აჰა, აი გავჩუმდები, თუ ძალად არ მალაპარაკებენ!

— ჰა, თქვი, იყო ეგ ბნელო თუ არა?

— არა, ყმაწვილო, არა ყოფილა!

— მაშ რად მამატყუე?

— აბა, როგო მოგატყუე, ყმაწვილო, მე ხო დანამდვილებით არ მითქვამ, ჩემთან იყო-მეთქი!

— ეგა ტყუის! მაშ აქ რად დაიარება, თუ მაგასთან არ დადის? — სთქვა ერთმა ხნიერმა თავადიშვილმა.

— შენც აქ დაიარები, მაშ შენც ჩემთან დაჰდისხარ? — მიუგო კეკელამ.

ეს სიტყვები-კი არ აპატივა ბოქაულმა. იმისი ბძანებით გადაუქირეს ოთხიოდ მათრახი და გაისტუმრეს შინისკენ.

ბნელო ისევ იქ დარჩა. ცოტა სიჩუმის შემდეგ ჰკითხა ბოქაულს:

- ბატონო, რისათვის მიბარებდით? მიბძანეთ, უნდა გიახლოთ!
- ჰო, დაგიგვიანდება, ველარ მასწრობ, რომ სადმე შაათვალიერო რამე!—უთხრა ბოქაულმა.
- გახდა არა, ათასი რამ წაგირთმევიათ ჩემთვის ხელილამ!
- შენი რაზმონიკობა ყველამ იცის!
- არც არავინ იცის ჩემი რაზმონიკობა და ვერც არავინ დაამტკიცებს რასმე! რა ჰნახეთ ჩემ ხელში, რო ეხლა ამ შაყრილ ხალხში აბილას მაძლევთ?
- გაჩუმდი, თორემ მაგ ენას დაგიდუნებ, შე საციმბირევე, შენა! ქვეყანა შენ დაჰლუპე და შენ ხელში რა ნახეს?
- ვერც ენას დამიდუნებ და ვერც ხელს მახლავ!
- ამას უყურეთ, კიდეც მიყვირის! შე უბედურო, ვერა ჰხედავ მაგ ჩაფრებს? რომ უბძანო, ხო ზურგზე ტყავი აგაძრეს!
- მე ჩაფრებისა-კი არა, ღმერთისაც არ მეშინია! ჩემი ხანჯალი აბაზს იღებს. საცა ესა მაქვს, იქ ვის შაუძლიან თითი დამაწოს!
- შენ ვისი იმედი გაქვს, მაგრე თამამად რო ჰლაპარაკობ?
- ვისი იმედი უნდა მქონდეს? მე მაქვს სიმართლის იმედი და მემრე ჩემი მკლავისა.
- შენი თავის გახეთქამ, მეტად-კი დახვალ სიმართლის გზაზე!
- ყმაწვილო, ან თავს რაზე მიხეთქავ, ან აბილას რაზე მაქმევ? რაზე მოგყევარ სისხლზე? მიბძანე, რა საქმეზეც დამიბარე და გამანებე თავი!
- მე შენ დაგიბარე იმაზე, რო ბეფაშვილს რო საქონელი დაჰპარე, უნდა მოჰრეკო!
- ჰმ! მეც არა ვთქვი, რისათვის მიბარებენ-მეთქი!
- აბა ნუ მოჰრეკამ და მე გაჩვენებ შენ!
- მიბძანეთ, სადა გყავთ და, ბატონი ბძანდებით, მოვრეკამ!
- როგორ თუ სადა მყავს! მე-კი არა მყავს, შენ რომ დაიპარე, უნდა მოჰრეკო!
- ჰო-და მასწავლეთ, სადა მყავს დამალული?
- მე რა ვიცი, ეშმაკმა იცის შენი თავი და ტანი!
- თუ-კი ის იცით, რო მე მოვიპარე, ის-კი არ იცით, სადა მყავ დამალული?
- ახ, ნეტავი ეხლა-კი ძირს ვიყო და მე გაჩვენებდი, რო-გორც უნდა ლაპარაკი!
- ბატონო, იგ შენი ილბალია, რო ძირს არ ბძანდები!
- დახე ამ მ . . . ს, როგო არ მეპუება! გამიშვით ერთი, მაგას ჩემი მათრახები ჯერ არ უნახამ!

ბოქაულმა გაიწია ძირს, მაგრამ არ გაუშვეს.

—წადი, კარგი, ხომ ჰხელამ გადაკრულშია!—უთხრეს ყმაწვილებმა ბნელოს.

—როგორ შეუძლიან წავიდეს! მანამ არ მეტყვის, სად იყო იმ ღამეს, ან არ იკისრებს საქონლის მოპარვას, ეგ აქედამ ფეხს ვერ მაიკვლის. ისეთ გომში უძახო, რომ წუმვეში ყელამდინ იფლებოდეს!

—ბატონო, თქვენ ძალათი უნდა მაკისრებინოთ ქურდობა? გომში-კი არა, ანთებულ საკირეშიაც რო ჩამავდოთ, მაინც იმას ვერ მაკისრებინებთ, რისაც მქნელი არა ვარ. კულავ რა გინახავთ ჩემ ხელში, ან თქვენ, ან სხვას, რო ეხლა ბეგაშვილის საქონელი დემეპარა?

ბოქაულმა ლაპარაკი გააბა.

—ჰა, ყმაწვილო, დამითხოვეთ, საქმე მაქვს! კნიაზთან უნდა წავიდე, —უთხრა ბოქაულს ბნელომ, ცოტა სიჩუმეს შემდეგ.

—მითხარ, სად იყავ გუშინწინ ღამ და დავითხოვ, —უთხრა მორბილებით ბოქაულმა, რადგანაც ბნელომ კნიაზი დაასახელა.

—მე სიმართლე მოგახსენეთ, ბატონო, და თუ არა გჯერათ, წავალ და კნიაზილამ მოგიტანთ მოწმობას, რომ გუშინწინ ღამ კნიაზთან ვიყავი მთელი ღამე.

—მაშ წადი და მე თითონა ვკითხამ კნიაზს. თუ მატყუებ-კი, ვაი შენი ტყავის ბრალო!

—რაც უარესია, ის მიყავით, თუ მტყუანი გამოვდგე.

გაბრუნდა ბნელო და წავიდა. ბოქაული და ყმაწვილები მოუსხდნენ ისევ გაახლებულ სოფრას.

XIX

ნაყოფი პატიმრობისა.

შემოდგომაა. კარგა ხნის შებინდებული იყო. პირველი ხარისხი მთვარისა დაშვებულიყო დასავლეთისკენ. ალანის ველობე, ერთს პატარა ტყის კორომში, რომლის შუა გულშიაც იყო პატარა ყალოთალიანი, სძოვდა შეკმაზული ცხენი. ცხენის მოშორებით, ტყის პირში, ეძინა თოფიარალში ჩამჯდარს ცხენის პატრონს. ძოვნის დროს ცხენმა შეჭურუტუნა და ამით გამოაღვიძა ქურდლის ძილისაგან თავისი პატრონი, რომელიც მძინარევე ფეხზე დადგა. მოიფშენიდა თვალები და შეჰხედა ცხენს. ცხენი თავისთვის სძოვდა არხეინად. მაშინ მიჰხედა პატრონი, რომ ცხენმა ჩვეულებისამებრ დაიფრუტუნა ძოვნაში და არა რისამე დანახვაზედაო. მაინც

ამის შემდეგ აღარ დაუძინია ცხენის პატრონს, რადგანაც მთელი ძილი კიდევ დაისრულა. მხოლოდ წამოწვა მხარ-თეძოზედ და თვალი გაუშტერა მთვარეს, რომელიც ხანდისხან იშალებოდა პატარა პატარა ღრუბლის ნაწყვეტებში. შეერთებული კრიჭინი კალიებისა და ცხენის ხრამა-ხრუმი სმენას უტკობდა. ამ გარემოებამ ასიამოვნა, და, ვგონებ, პირველად იგრძნო ასეთი სიამოვნება მას შემდეგ, რაც უწყება მიიღო მომრიგებელ მოსამართლისაგან. ამავე გარემოებამ აუშალა ფიქრი წარსულ ცხოვრებაზედ. თვალწინ წარმოუდგა ის დრონი, როდესაც ჰყარაულობდა თავის პატარა ვენახს და სტკებოდა ამავე კრიჭინა-კალიების კრიჭინით. თვალწინ წარმოუდგა თავისი ღამის მეხრეობის ის დრონი, როდესაც გუთნის ხარს აძოვებდა კარგს ბალახში და თვითონ, წამოწოლილი განზე, სიამოვნებით უგდებდა ყურს ხარების ფშვინვით ბალახის ძოვნას, რომელიც ბევრით განირჩეოდა ცხენის ხრამ ბრუებისაგან; მოაგონდა ის მთვარიანი ღამეები, როდესაც მისი „ბუქა“ მარიკო ეალერა ებოდა აკვანში მწოლიარე პაწაწინა გიგისას; მოაგონდა თავისი ყმაწვილობისა ყოველივე, რასაც-კი ესიამოვნებინა იმისთვის. სული შეუგუბდა, გული ყელში მოეხვინა და ცრემლები თვალებში მოაწვა. შემდეგ, თითქოს მაჭრის ქვევრმა ამოჰხეთქა სარქველსაო, ისე ერთბაშად გადმოსცვივდა მუშტის ტოლა ცრემლები და მოჰყვა გულ-ამოსკვნილს ქვითინს. ყოველივე, რასაც-კი ესიამოვნებინა ეს კაცი, წარმოიდგინა და დაიტირა თვითოვეულად და უსიტყვოდ, თითქოს პირველად ეხლა ეთხოვება ყველა ამავსაო, ამნაირმა მისმა მდგომარეობამ საათზედ მეტი გასტანა; როცა მოიოხა გული ტირილით, წამოდგა ფეხზედ, ხელის ცერები ქაშარში ჩაიწყო და გაიხეღ-გამოიხეღა. მივიდა ცხენთან, თავი აუხსნა ფეხიდან და დაუწყო თვალებსა, ყურებსა და ფაფარზე ხელის სმა ისე ნებიერად, თითქოს ქვეყანაზედ ამის მეტი აღარაფერი დარჩენოდა საყვარელი და მხოლოდ იმისაგან მოელოდდა ნუგეშისცემას. მობრუნდა ისევ თავის ადგილას, წამოწვა, ერთი საშინლად ამოიოხრა და წარმოსთქვა:

— ოჰ, ღმერთო, შე დალოცვილო! რა შეგცოდნე იგეთი, როგორე დამტანჯე? მე ჩემ ყმაწვილობაში არ მახსოვს, რომ უღვთო რამ ჩამედინოს და, თუ ჩემმა ღედ-მამამ შაგცოდნეს რამე, მე რად მახდევიებ?... რა გინდოდა, შე დალოცვლო, იგრევ ის ილია ეყოფილიყავ?... რაღა ვარ ეხლა, ან რაღა კაცობა მეთქმის? ცოლი მე აღარა მყავ და შვილი; გულ-შამატკივარი და მოკეთე მე აღარ მაბაღია ქვეყანაზე, გარდა მტრებისა! ჩემი სახლ-კარი სახლ-კარს აღარა ჰგავს და მამული მამულს, სასაფლაოც კი დაკარგულა ჩემთვის! გზათა-უკან წაწაღში უნდა ამამივიდეს სუ-

ლი და, საცა ამამივა, ძალოვით იქავე უნდა ჩამვლან მიწაში...
ოჰ, ღმერთო! განა იქნება-ლა სადმე ჩემზე უბედური ადამიანი?
განა ექნება კიდევ ვისმე იგვრე არეული ცხოვრების გზა, როგორც
მე? განა ეხლა არა მჯობიან გოგოლანთ კუტრო, რომელსაც მკუ-
ლის ლუკმა ენატრება, მაგრამ ყველას-კი იმისთვის გული შესტ-
კივა?! სასაფლაო მაინც არა აქვ დაკარგული ჩემსავით... დავა-
ნებო ამ ძაღლ-უმადლოურ ცხოვრებას თავი და მივიყო იგრევე წინან-
დელ ცხოვრებას ხელი, რის პატრონმა? ვინ-ლა მამადია და რაღა
მიქვავია? მუშაობაზე გული აღარა მაქვ, სვინდისი მე აღარა მაქვ
და ცოდო მაღლი... ვინ იცის, რომელ ღამე-მეხრეს ავატირებთ
ამალამ. რა უნდა მექნა მე, რო ჩემთვის დეეტაცნათ ქოტა და
შვინ-და? თავს-ლა ვიცოცხლებდი მაშინ?! განა ამისთანა დღეში არ
ჩავარდება, ვისაც ამალამ ჩვენ ხარებს დავტაცებთ? სად წავიდა
წინანდელი ჩემი გული? იგრე როგო გამიქვავდა, რო ამისთანა ზღ-
მერთო საქმეებს მაქნევინებს!.. ეჰ, დაილოცოს, ღმერთო, შენი
სამართალი! შე დალოცვილო, ამისთანა ბედი და იბაღლი რაღა მე
მარგუნე მთელ დუნიაზე? რო აღარც გული მაძლევს ნებას, დავა-
ნებო ამ ძაღლ-უმადლოურ ცხოვრებას თავი! წელიან მეცოდებოდა ის,
ვისაც ამალამ ხარებს დავტაცებთ, ეხლა ვინალაზე მამდის გული,
რო აკრე დაიგვიანა. სად არი ის ოჯახ დასაქცივი აქამდინ, რო
ჩქარა არ ავატირებთ ვისმე! ყველანი მთელი დუნია ურევია ჩემ
გაუბედურებაში და ყველას ჯავრი უნდა ამოვიყარო!

არ გასულა ორი წუთი ამ სიტყვების შემდეგ, რომ გაიგონა
ცხენის თქარა თქური და მაშინვე დაიწყო მომზადება. მინამ ცხენს
დაჰლაგმავდა, თავს წამოადგა ერთი ცხენოსანი, იაფინჯ-მოსხმული,
და შესძახა: „გედახ!“ ბნელოს ხმა არც-კი ამოუღია, შეეჯდა ცხენ-
ზე და ორივემ მოჰკრეს, გაჰქუსლეს ალაზნისაკენ.

XX

შ ე მ რ ა .

ბანოებთან, — ტფილისში, — ერთის სახლის აივანზედ, ქუჩის პი-
რად, აქა-იქა იყო ჩამოფარებული ფარდები. აივანზე შეყრილი-
ყვინე ქალაქის ბიჭები და ატარებდნენ „შარმანკაზე“ დროებას
„საზოგადო“ ქალებთან, რომელთაც წაეკრათ თავზე თეთრი მო-
სახვევი და ძალაზე დაეპარხლებინათ ლოყები. ერთი ამ უკანასკნელ-
თაგანი მოეყუდა მოაჯირს და ჩამოიძახა ქუჩისაკენ:

— ბნელო, ბნელო, შე მზე დასაბნელებელო! აბა, თუ ბიჭი
ხარ და მკლავში ღონე გაქვ, აქ ამობძანდი, როგო ვაგისტუმრო!

ივრის ხიდზე დამიბრეყვე განა? აბა მობძანდი, თუ ბიჭი ხარ, და აქაც ხელი მახლო! ოჰ, ნეტავი ეხლა-კი შენი თავი ზღოში ჩამიგდო ამ კულ-გაცხარებულზე და თუნდა ჩემი დღე გააქროს მე ვიცილი, როგორც უნდა გადახდა.

ამ სიტყვებით მიმპართა თავისმა „ბუელა“ მარიკომ ბნელოს, რომელიც ეინალასთან ერთად მოდიოდა ბორჩალოდან, სადაც გაესაღებინათ დაპარული საქონელი.

მარიკო გააგდო ილამ სახლიდგან მას შემდეგ, რაც მამასახლისის მიასწრო ზედა. მარიკო სცხოვრობდა დედ მამასთან, მაგრამ არც ესენი აყრიდნენ კეთილს იმ ყოფა-ქცევისთვის, რომელიც იმან ძალა-უნებულად გამოიჩინა. რომ განთავისუფლებულიყო დედ-მამის კიცხვისაგან, მარიკო გაჰყვა ერთ მედუქნე სომეხს სიღნაღში და იქიდან გაემგზავრა ტფილ-სში. სიღნაღელმა ბიჭებმა დიდის ყოფით წაიყვანეს მარიკო ტფილისში, დაიქირავეს საკუთარი ფურგუნი, მორათეს ცხენები ზიზილ-პიპილებით, მიიწვიეს საუკეთესო მეზურნეები და გაუდგნენ გზას. როცა ივრის ხიდის დუქანში შეექცეოდნენ დუღუკზე, საიდანაც გაჩნდა ბნელო, ვეფხვის სისწრაფით მიჰვარდა მარიკოს და წაუშინა მათარახები თავსა და პირში. მანამ შიშისაგან თავ-ზარდაცემულნი გონს მოვიდოდნენ, ზოგიერთ მოქიფეთაგანსაც მიარტყა მათარახები. შემდეგ გამოვარდა, შეჯდა ცხენზედ და მოჰყარა ცხენს ქუსლი. აი ეს გარემოება ჩაჰყვა მარიკოს ჯავრად და იმისთვის ჩამოსძახა აივნიდან ზემოხსენებული სიტყვები, რის პასუხადაც ბნელომ ერთი შეჰხედა, მიაფურთხა და გაუდგა კვლავ თავის გზას.

XXI

ზ ა ნ ა ზ ე ნ ი

ერთ ღამეს სოფელ მრავლეთში დიდი ალიაქობი იყო. გზირები დადიოდნენ კარ-და-კარ და კომოზე კაცს ეძახოდნენ სასოფლოზედ, რადგანაც მეორე დღეს უნდა მოსულიყვნენ მაზრის უფროსი და მომრიგებელი-შუამავალი ფრიად საჭირო საქმეზედ.

გათენდა დღე. ხალხმა მოიკრიბა თავი სასოფლოზედ. მობძანდნენ ისინიც, ვისაც მოელოდნენ. ხალხი შეჯგუფდა.

— ილია თვალთშევილი აქ არის? — დაიძახა მომრიგებელმა-შუამავალმა.

— აქ გახლავართ! — მისცა პასუხად ბნელომ და წარსდგა წინ.

— მთელი მრავლეთის საზოგადოება ითხოვს მთავრობის წინაშე, — დაიწყო მომრიგებელმა-შუამავალმა, — შენს გადასახლებას სოფლიდგან, რადგანაც მთელი სოფელი გააცვივე.

— აბა, როგო გავაცივე, ბატონო? — უპასუხა ბნელომ შეყველად, — რა უნახამო ჩემ ხელში?

— გვაჩვენებ, რო ვნახოთ? წამოიძახა რამდენმამე გლკაცმა.

— უნახავთ რამე თუ არა, საზოგადოებას ესე ჰსურს მთაწრობაც ვერ იტყვის ამაზედ უარს, — სთქვა ისევ მომრიგებელ: შუამავალსა და მიჰმართა ხალხს, — გსურთ ილია თვალთაშვი გადასახლება?

— გვსურს! გვსურს! — დაიგრილა ხალხმა ერთხმად.

ამ სიტყვებზედ კი ილიას ფერი წაუფრია, გულმა ძგერა უწყო და თვალები დაუწყლიანდა. ამოიოხრა გულიანად და სც

— ეჰ, თუ აქ ვერ ამოვიყარე ჯავრი, საიქიოს მოვ პასუხს; ვინც შე ვერე საქმე გამიხალა!

შეადგინეს განაჩენი და იმავე დღეს წაიყვანეს ბნელო ტიმროში.

P. S. იქნება მკითხველმა ისურვოს პატარა გიგანს ხვედ გაგება? ჩვენც არ ვიცით უთუოდ თვითონ იჩენს თავს როგორ!

